



*Movemento Solidaridad cu  
Venezuela na Aruba ta rechasa*  
Participacion di  
gobiernonan di nos  
region den “Operacion  
Venezuela Freedom”

**Les A6**



*Consul di Ecuador na  
Aruba, Sra. Magaly Meza*  
“Nos ta un pueblo  
di hopi fe y  
speransa...”

**Les A3**



Diahuebs 21 di april 2016 [www.bondia.com](http://www.bondia.com) Email: [noticia@bondia.com](mailto:noticia@bondia.com) Tel: 582-7800 Fax: 582-7044 1,50 Florin

*Habitante di Pos Chikito tocante Green Corridor:*  
**“Nos ta contento cu e desaroyo pero  
hopi cansa di e stof den aire”**



**Les A2**

## Accident na Mandolinstraat



**TARABANA** – Diaranson atardi pa mas o menos 5:30 polis di trafico ta bay poco pa zuid di Pacifico na Tarabana pa un accident. Na polis su yegada, ta topa cu dos auto na e crusada. Tabata trata di un Toyota Yaris y un Mitsubishi Lancer. E Mitsubishi lo a tuma un birada mucho grandi y esaki a causa cu el a dal e Yaris di e señora den e porta parti patras causando un daño basta grandi. Polis a pidi pa takelwagen mirando cu e Lancer su papelnan no tabata na ordo.

*Zissu a gana caso pero no por  
cuminsa opera*

Abogado Gomez :  
“Campeon sin corona”



**Les A3**

**Polis ta pidi cooperacion pa  
muchu muhe perdi**

**ORANJESTAD** – Desde diamars dia 19 di april rond di 1:30pm tabata e ultimo biaha cu a mira Luisiana Centeno, un mucha muhe di apenas 14 aña di edad. A mir’e ultimo na su scol, S.P.O Savaneta. Den un comunicado di Cuerpo Policial Aruba, ta pidi comunidad cooperacion pa duna informacion di paradero di e hobencita aki.

E tin postura normal y ta di color di cuero blanco, cabey preto largo y wowo bruin scur y ta papia Papiamentu. E ultimo biaha cu su famia a mir’e e tabata bisti cu su uniform di scol.

Su famia ta preocupa p’e, pa cual a emiti un peticion di



buskeda na Polis.

Cu e anuncio aki Cuerpo Policial Aruba ta haci un peticion special na henter comunidad, pa cualkier persona cu por sa mas di e mucha muhe perdi aki of por tin informacion di unda e ta scondi, pa yama Polis mesora na 100.

Ta gradici comunidad pa e ayudo y cooperacion di semper.



## Pronostico di tempo

**Tempo:**

Levemente te parcialmente nubia cu localmente un awasero

Temperatura maximo 33 grado Celsius y temperatura minimo 27 grado Celsius.

Solo lo baha awe nochi 06:53 pm y lo sali ma-

ñan mainta 06:24 am.

**Biento:**

For di direccion oost-noor-doost y modera; forsa 3 te 4 (12 te 30 km/ora, 7 te 16 nudo) den dia basta fuerte te posiblemente duro den rafaga; forsa 5 te 6 (31 te 50 km/ora, 17 te 27 nudo).

Situacion general di tempo:

Extension di un area di presion halto riba Atlantico keto bay ta mantenendo weer generalmente seco. Apesar di esaki, humedad den nivelnan mas abou di atmosfera ta suficiente y pa e motibo aki por spera un awasero breve, principalmente den oranan

di marduga i mainta trempan. stof fini di Sahara lo reduci visibilidad un poco.

**Condicion di lama:**

Olanan di lama lo ta for di direccion oost-noor-doost cu haltura di 4 te 7 pia temperatura di superficie di lama 27 grado Celsius. □



### Habitante di Pos Chikito tocante Green Corridor:

## “Nos ta contento cu e desaroyo pero hopi cansa di e stof den aire”

**POS CHIKITO** - Den cuadro cu trabaonan tumando luga na Pos Chikito relaciona cu proyecto “Green Corridor”, Bon Dia a papia cu varios habitante den e barío cual a remarca cu nan ta hayando hopi problema cu stof y cu ningun persona a acerca nan pa notifica of duna algun aviso di precaucion of informacion.

“Abo ta e prome hende cu ta pasa akinan pa mira con ta bayendo cu nos manera habitante y mi por bisa bo, ya, e ta fastioso. E proyecto aki por wel di tin hopi cos positivo cu ta bin for di dje pero no por laga afo e detayenan fastioso cu nos manera habitante akinan mester confronta tur dia”, un habitante ta conta Bon Dia.

E habitante ta splica cu e molester di santo ta hopi fastioso y pa basta siman caba tin henter su cas te hasta paden yena di stof. E ta splica cu e

situacion aki no ta higienico pa motibo cu stof den halto tur ora no ta saludabel. “Aunke cu e ta bay tin su bentaha, pero nos ta hin-

cla lihe pasobra e ta birando fastioso”, e habitante a bisa.

Fuera di esaki, tin otro habitantenan ta splica cu nan ta



ca den un desbentaha si cu ningun hende a yega di pasa akinan y bisa nos, bo sa kico, tene cuenta cu nos ta bay haci tal y tal pa tanto tempo. E stof ta dreña cas e ta dreña tur parti y mi ta spera nan keda

preocupa cu esaki por trece problema pa medio ambiente pa motibo cu hopi di e mata nan cu ta den cercania tambe a ser afecta.

Bon Dia a papia cu un famia cu a bisa cu nan tin poco

problema di salud pa basta dia caba cu un slijm cu no kier kita. Nan no ta bisando esaki ta relaciona cu e stof den aire, pero nan ta poco malcontento cu e molester di stof y ta pidi si por sikiera basha poco awa pa por calma e stof pa mira si esaki por yuda alivia e situacion un poco.

**“Trabaonan tin cu sigui”!**

Bon Dia a bishita dos diferente Speelschool cu ta riba e caminda di Pos Chikito cual ta B4 Kids Child Care y Avivamiento Speelschool kende ta splica Bon Dia cu nan ta hayando hopi molester mes cu e stof y ta poco preocupa cu e muchanan.

“Na februari, ora cu cos a cuminsa, nos mester a bari y mop 5 te hasta 6 biaha pa dia pasobra nos tin e chikitin nan ta core rond, gatia riba vloer, bo sa, pasobra e mester keda limpi pa nan. Ami a pensa dicon nan no ta basha awa riba e santo asina nos ta haya menos stof”, Gerente di B4 Kids Child Care sra. Piña ta

conta Bon Dia.

Sra. Piña ta agrega cu nan tambe ta pura pa nan keda cla cu e trabaonan pa motibo cu e ta birando hopi fastioso pa e muchanan. “Akinan nan ta haci locual cu nan kier, nos no por haci nada. Locual cu nan bisa, esey nan ta haci. Si bo papia mes, tog nan no ta tende.

Manera cu Aruba ta actualmente, ta nan ta dicidi y nan ta pone y nan ta kita sin scucha for di otro. Esaki ta algo cu nos mester bay biba cun’e. Bo wak tur caminda, kico nan bisa ta wordo haci pasobra no tin otro pa bringa nan anto si bo bay bringa nan mes, ta mayoria.

Kemen si nos bay reclama mes nan ta bisa, ya trabao tin cu sigui”, gerente di Avivamiento Speelschool a bisa. Bon Dia Aruba a purba di tuma contacto cu Departamento di Naturalesa y Medio Ambiente pa mira con e desaroyonan aki por ta afectando medio ambiente si esaki ta e caso. □

### Te aworaki 11 stranhero entre 525 morto di temblor na Ecuador

## Ecuadorianonan na Aruba preocupa pa sa paradero di nan famia

**ORANJESTAD** – 525 morto y mas cu 4 mil persona herida ta e cifra lamentabel di victimanan cu te ayera a laga e temblor di 4.8 grado cu a afecta e poblacionnan situa den e costa Pacifico di e pais Ecuador.

Consul Ecuatoriano na Aruba, sra. Magaly Meza a declara na Bon Dia Aruba cu cuater dia a pasa caba di e temblor pero ainda tin after shock como esun di ayera di alrededor di 6 grado cu a afecta un ciudad nobo di e Provincia di Esmeralda “E situacion ta caotico... E situacion no ta hayando solucion sino cu e ta birando mas grave”, el a bisa.

**Victimanan**

Mas e oranan ta core e posi-



bilidad di sobrevivir di hopi hende dera bou e ruinan di edificionan cu a basha abou ta bira menos. E “oranan critico” di 72 ora pa haya sobreviviente a pasa caba. “E oranan ta pasa e posibilidad di haya nan cu bida ta bira

menos”, el a bisa.

E diplomatico a laga sa cu te aworaki di e total di 525 victima a wordo identifica 518 persona kieren tin 15 cu no a wordo identifica ainda. Tambe el a laga sa cu 11 di e victimanan ta ciudadanonan

stranhero. Nan tin informacion di dos ciudadano Canades, entre e cifranan di victima stranhero, y nan no tin datonan di otro nacionalidad entre e victimanan.

**Ecuadorianonan na Aruba preocupa**

Despues di e temblor di diasabra atardi, Consul di Ecuador a declara na Bon Dia Aruba cu nan a haya yamada di hendenan bibando na Aruba cu a expresa nan preocupacion pa sa riba e paraderonan di nan famia na Ecuador. El a bisa cu durante e dianan aki el a ricibi como tres yamada di ciudadano Ecuatoriano residencia na Aruba cu nan no por logra contact cu nan famia. Nan a wordo informa debidamente di e website disponibel pa publica e number-

nan di e personanan cu a disparce pa causa di e temblor.

Sra. Meza a indica cu nan tin conocimiento di un ciudadano Ecuatoriano na Aruba cu a perde su famia den e ciudad di Manta. Otro ciudadnan seriamente afecta ta Pedernales cu por cierto ta carga e mesun number di e barco cu a zink cerca di nos costa durante II Guerra Mundial y Porto Viejo. Un ciudadano cu a bati e porta di Consulado di Ecuador na Aruba tabatin su famia den e provincia di Esmeralda, y ainda e no sa di nan.

Di otro banda te ainda e gobierno di Ecuador no tin un cifra exacto di e dañonan material. E diplomatico a bisa cu aworaki e prioridad ta yuda rescata esunnan cu ainda nan por haya cu bida. □



*Zissu a gana caso pero no por cuminsa opera*

## Abogado Gomez : “Campeon sin corona”

**ORANJESTAD - Diamars hues a duna sentencia den caso di Zissu Properties NV contra Preserva Malmok. E sentencia aki a resulta na fabor di Zissu, pero nan no por cuminsa opera. Preserva Malmok ta satisfecho cu e sentencia mirando cu tin adelanto den e caso, Lincoln Gomez abogado di Preserva Malmok a splica.**

Abogado di Preserva Malmok a splica Bon Dia Aruba cu e sentencia cu a wordo duna diamars pa hues den caso di Zissu, mester wordo mira den su contexto, pa e

cuadra. Na januari tabatin e sentencia unda cu gobierno a wordo prohibi pa duna permiso y Ocean Z a wordo prohibi di haci cierto cosnan. Gobierno no a apela e sentencia ey, Ocean Z so. Pues e sentencia duna diamars ta solamente pa Ocean Z y Preserva Malmok.

“E sentencia cu gobierno a haya biaha pasa cu nan no mag di cambia destinacion, y tambe cu Minister a bisa cu e no ta bay duna permiso pasobra e no kier actua contra e sentencia ey, e sentencia ta keda existi pasobra gobierno no a apela esaki. Awo si wak e sentencia di diamars, nan

no a haya un permiso. Y corte no a bisa nan cu nan mag di opera.

Locual cu corte a bisa ta cu nan mag tin 13 camber cu un pool pero no mag di tin evento, nan no mag di tin sala di conferencia, no mag di tin actividad publico etc.

A base di esey corte a bisa cu tin un cos, pa tin un bisiña cu haci un evento pa 150 hende, y un otro cos ta pa tin un bisiña cu tin 13 huesped na un luga cual kiermen 13 auto so (1 pa cada camber) cu algun empleado. E tipo di molester ey, corte a bisa cu no ta excesivo of ‘onrechtmatig’.”

El a sigui splica cu ora cu Preserva Malmok a inicia na november, tabata contra actividad grandi, of publico. Awo esaki no t’ey mas, pues di parti di Preserva Malmok e ta un adelanto pasobra bo no tin cu preocupa pa 100 auto, sino hopi menos.

Zissu no por opera como hotel, pasobra si ta bay huesped mas cu 9 camber, mester di permiso pa hotel pa esey, cual no tin.

Locual cu Zissu por haci awo cu e sentencia cu hues a duna ta nada Sr. Gomez a bisa. Pa nan e situacion no a cambia banda di cu nan no por haci

actividad grandi eynan mas, cual nan mes a bisa tambe di no ta bay haci mas.

Sr. Gomez a bisa cu e no ta kere cu minister Schwengle lo duna un permiso den e caso aki tampoco como e ta bay contra di e sentencia di hues cu ta conta pa gobierno ainda.

Den caso cu nan haya e permiso e ora Preserva Malmok tin caminda di LAR cu por cana pa cuminsa un caso. Terminando Sr. Gomez a bisa: “Si nan ta bay sigui purba pa haya permiso, nos lo considera si nos ta tuma accion”. □

*Consul di Ecuador na Aruba, sra. Magaly Meza*

## “Nos ta un pueblo di hopi fe y speransa...”



**ORANJESTAD - “Nos ta un pueblo di hopi fe y speransa. Nos ta spera riba milagernan, ya cu nos tin hopi fe riba poder di ora-**

**cion”, asina Consul di Ecuador na Aruba, sra. Magaly Meza a declara na Bon Dia Aruba.**

Den cuadro di e calamidad cu tin na luto Ecuador su pueblo pa causa di e temblor debastador di diasabra ultimo, lo tin un Santo Sacrificio di Misa pa 10’or na parokia di Dakota diadomingo awor.

E diplomatico Ecuatoriano a bisa cu oracion ta e forsa cu nan mester aworaki. P’esey e ta haci un convocatorio na e pueblo di Aruba en general, y muy particularmente na e comunidad di Ecuador pa yuda su pais cu hopi oracion, fortaleza y forsa. Especialmente el a pidi pa haci oracion tambe pa e team di rescate pa nan lo por sigui cu nan trabou nada facil di busca sobrevivientenan.

### Actividad pa fondo di ayudo

Sra. Meza a bisa cu e comunidad Ecuatoriano na Aruba ta alrededor di 250 hende. Nan a expresa nan solidaridad y nan deseo di yuda, y nan ta buscando e forma di obtene fondo pa yuda e damnificadonan bou coordinacion di Consulado di Ecuador na Aruba.

Ya caba un grupo cu ta conta cu apoyo di e Consul Ecuatoriano a cuminsa reuni pa realiza un actividad pa colecta fondo durante e fin di siman di 30 di april y 1 di mei proximo. Despues di e Santo Sacrificio di Misa di diadomingo awor nan lo duna mas informacion riba e actividad aki.

Loke nan tin plania un mainta solidario, esta “Ban Yuda Ecuador”, caminda nan lo realisa un recaudacion di fondo

di benta di cuminda, y nan lo ricibi donacion cash tambe.

### Transparencia

Consul di Ecuador na Aruba a bisa cu e fondo aki lo wordo maneha bou absoluto transparencia cu un instancia di fiscal, ya cu e ayudo aki mester yega na esunnan cu mas necesidad tin despues di e temblor na Ecuador. Tambe el a laga sa cu e persona envolvi den e proyecto aki ta hendenan integro digno di tur credibilidad. Nan lo presenta publicamente e miembran di e grupo “Ban Yuda Ecuador”.

“Mi sa cu esaki ta e punto mas sensitivo di e organizacion di eventonan di e tipo aki. Algo cu nos tin masha cla mes ta, cu nos ta bay ta hopi transparente mes riba e maneho di e colecta aki, y na final e canalizacion di e fondo aki tambe”, e diplomatico a bisa. Un situacion cu ta complica cualkier ayudo ta cu e localidatnan afecta ta sitionan cu nan accesibilidad ta masha dificil. P’esey e ta haya cu e forma mas factibel pa canalisa cualkier ayudo fei di Aruba ta pa medio di fondo. E fondo aki lo wordo manda na e instancia competente riba maneho di e tipo di ayudo internacional aki.

“E acceso na e pueblonan mas paden di e area di e desaster ta dificil ya cu e carateranan a kibra”, el a bisa. E ta un tarea masha pisa pa autoridadnan competente por canalisa tur

recurso. “Ta bon pa tur hende sa cu debi na e situacion cu a presenta y e luganan unda ta situa e area di desaster, nos a haya e solicitud pa no manda actualmente ni pañanan ni cumindanan, ya cu ta dificil pa transporta nan”, el a bisa. E solicitud cu nan a haya como Consulado a bin fei nan respectivo embahada, esta si nan ta bay pidi ayudo cu esaki lo sosode den forma di donacion cash.

### Gradicimento

Na final Consul di Ecuador a laga sa cu tanto e Santo Sacrificio di Misa na parokia di Dakota diadomingo awor, como e actividad di colecta di fondo e fin di siman mas ariba, ta e dos actividad oficial cu nan ta organisando bou e coordinacion di Consulado di Ecuador na Aruba. Nan kier evita cu e hendenan di bon boluntad na Aruba no lo cay den e tipo di actividad no oficial organisa pafo di e aprobacion di e consulado. Consul Meza di Ecuador a gradici tur hende cu a tuma contacto cu nan pa expresa nan solidaridad. Especialmente e cuerpo diplomatico acredita na Aruba kende nan a expresa nan bos di apoyo, y muy particularmente e comunidad Ecuatoriano cu a laga sa cu nan ta dispuesto y cla pa yuda. Tambe el a bisa danki na e comunidad di Aruba en general cu a demostra un interes grandi pa sostene e pueblo di Ecuador den e situacion dificil aki. □

## BON DIA Aruba

## Editor

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #1330772

## Hefe di Redaccion

Jaime A. Mata

## Redactor Ehecutivo

Zulaica Maduro  
Katherine Martinez

## Redaccion

Benjamin Romero  
Nathalie Winterdaal  
Leo Maduro  
Nadien Philip  
Margarita Els  
Nicola Gonzalez  
Dino Tromp

## Ehecutivo di Benta

Marijke Croes-Luidens  
Mark Gomes  
Elly Erasmus

## Aviso y Arte

Sandra Loefstop  
Lando Rafael  
Gladis Palomino-Silva

## Administracion

Xiomara Arends (Hefe)  
Mariette Engelhart  
Martha Arteta de Ariza

## Distribucion

Jenny Kelly

## Coleccion

Evelinda de Cuba - Tromp

## Pre Press

Luis Fernando Arenas (Hefe)  
Pablo Libre

## Press

Roland Schenker (Hefe)  
Omar Ramirez  
Martin Boekhoudt  
Yair Gambin  
Francis Dirks

## Colaboracion

Sharina Henriquez  
NoticiaCla  
Associated Press  
Ret Karibense

## Afiliacion

Sociedad Interamerica  
di Prensa (SIP)

## DIRECCION

Weststraat #22

Tel: 582-7800 / Fax: 582-7044

email: noticia@bondia.com

aviso@bondia.com

BON DIA ARUBA

Ta un Corant redacta y imprimi na  
Aruba y ta obtenibel di Dialuna te  
cu Diasabra. Ningun contenido  
por wordo reproduci sin permiso  
di Editor. www.bondia24.com

## Oficina Central di Estadistica:

## Resultadonan principal di e Indice di Prijs di Consumo

ORANJESTAD- E CPI pa luna di Maart 2016 ta 116.51, loke ta representa un caida di 0.3% compara cu e indice di Februari 2016 (116.88) y acumulando un caida di 1.6% te cu na Maart di e aña aki.

E cambio di e CPI pa e ultimo 12 lunanan (Maart 2015 te cu Maart 2016) ta -1.8%, un caida di 3.1 punto di porcentaje (ppt) compara cu e periodo correspondiente di aña pasa (1.3%).

E promedio anual di e tasa di inflacion pa e periodo di Maart 2015 te cu Maart 2016 ta -0.02%, un caida di 0.8 ppt compara cu e 0.8% registra den e periodo di Maart 2014 te cu Maart 2015.

Durante e luna aki, shete di e diesdos sectornan a registra caida di prijs. E caidan cu tawata tin e mayor efecto riba e CPI a wordo registra pa e sectornan di "Transporte" (-1.7%) y "Cuminda y bebida no-alcoholico" (-1.3%), causando un efecto di -0.29 y -0.18 ppt, respectivamente. E caidan den e restando sectornan a contribui cu un efecto di -0.12 ppt riba e CPI di Maart 2016.



Tabel 3 Categorianan cu influencia positivo mas grandi riba e CPI di Maart 2016

Categoría	Cambio mensual	Efecto
Vacacion	17.2	0.12
Bienes y servicio pa mantencion ordinario di cas	1.4	0.05
Ekipa audiovisual, fotografico y pa procesamiento di informacion	5.9	0.05

Source: Central Bureau of Statistics Aruba

Tabel 4 Categorianan cu influencia negativo mas grandi riba e CPI di Maart 2016

Categoría	Cambio mensual	Efecto
Servicio di transporte	-10.1	-0.17
Cuminda	-1.1	-0.14
Gasto relaciona cu uso di vehiculo di transporte personal	-1.5	-0.12

Source: Central Bureau of Statistics Aruba

Tabel 1 Resumen cambio di porcentaje di e CPI

	Mar-15	Apr-15	May-15	Jun-15	Jul-15	Aug-15	Sep-15	Oct-15	Nov-15	Dec-15	Jan-16	Feb-16	Mar-16
Indice	118.65	118.47	118.85	118.43	119.18	118.83	118.14	117.72	117.75	118.41	117.12	116.88	116.51
Luna actual	0.9	-0.1	0.3	-0.4	0.6	-0.3	-0.6	-0.4	0.0	0.6	-1.1	-0.2	-0.3
Acumula	-0.7	-0.9	-0.6	-0.9	-0.3	-0.6	-1.1	-1.5	-1.5	-0.9	-1.1	-1.3	-1.6
Tasa anual	1.3	1.1	1.1	0.7	0.9	0.7	0.3	-0.8	-0.2	-0.9	-0.5	-0.6	-1.8
Promedio anual	0.8	0.9	1.0	1.0	1.0	1.0	1.1	0.9	0.7	0.5	0.3	0.2	-0.02
Bienes	0.5	0.3	0.2	-0.4	1.0	-0.5	-0.9	-0.6	0.0	0.3	-1.4	-0.7	-0.5
Servicionan	1.5	-0.9	0.5	-0.3	0.02	0.1	0.0	0.1	0.0	1.0	-0.6	0.7	0.01
CPIC	0.6	0.7	0.9	1.0	1.1	1.1	1.1	1.2	1.3	1.3	1.3	1.2	1.1
Energia	0.0	-0.1	-0.3	-0.4	-0.6	-0.6	-0.6	-1.7	-2.2	-3.0	-3.3	-3.5	-4.1
Cuminda	3.4	3.6	3.7	3.6	3.7	3.7	3.7	3.3	2.7	1.9	1.4	0.8	0.5
1 adulto	2,090	2,090	2,086	2,075	2,089	2,087	2,084	2,082	2,084	2,097	2,080	2,071	2,059
2 adulto + 2 mucha	4,389	4,388	4,382	4,358	4,386	4,383	4,376	4,372	4,377	4,404	4,368	4,348	4,325

Source: Central Bureau of Statistics Aruba

Tabel 2 Cambio di porcentaje pa sector

Sector	Peso	Efecto	Cambio di porcentaje			
			Luna actual	Acumula	Tasa anual	Promedio anual
		Mar-Apr	Mar-Apr	Dec-Apr	Apr-15-Apr-16	Apr-15-Apr-16
CPI	10,000.0	-0.12	-0.3	-1.6	-1.8	-0.02
01. Cuminda y bebida no-alcoholico	1,125.3	-0.18	-1.3	-1.4	-1.1	0.7
02. Bebida alcoholico y productonan di tabaco	81.9	0.01	0.5	1.2	3.5	3.9
03. Pasa y sapato	625.9	-0.05	-1.1	-3.4	-0.5	-2.1
04. Vivienda	2,553.3	-0.05	-0.2	-3.2	-2.3	2.0
05. Mobiliario	741.3	0.06	1.0	0.8	-0.3	0.1
06. Salud	235.8	0.03	1.7	3.4	0.3	0.3
07. Transporte	1,815.4	-0.29	-1.7	-1.9	-5.9	-5.7
08. Comunicacion	706.3	0.00	-0.1	-0.3	1.0	2.0
09. Recreacion y cultura	891.2	0.18	2.1	-0.8	-1.1	0.9
10. Educacion	83.0	0.00	0.1	0.2	1.3	0.7
11. Restaurant y hotel	373.7	-0.01	-0.1	-0.1	1.2	3.3
12. Restante bienes y servicio	767.0	-0.01	-0.2	-0.1	0.4	1.2

Source: Central Bureau of Statistics Aruba

E caidan aki a wordo contraresta parcialmente door di principalmente subidan den e indicen di e sectornan di "Recreacion y cultura" (2.1%) y "Mobiliario" (1.0%), cu a contribui cu un efecto di 0.18 y 0.06 ppt, respectivamente riba e CPI di Maart 2016.

E subidan den e restando sectornan a contribui cu un efecto di 0.04 ppt riba e CPI di Maart 2016.

E caida den e sector di "Transporte" a wordo causa door di un caidan den e categorianan "Servicio di transporte" (-10.1%) y "Gasto relaciona cu uzo di vehiculo di transporte personal" (-1.5%), causando un efecto di -0.17 y -0.12 ppt, respectivamente. E caida den e sector di "Cuminda y bebida no-alcoholico" a wordo causa door di caidan di 2.4% y 1.1% den e categorianan "Bebida no-alcoholico" y "Cuminda", causando un

efecto di -0.05 y -0.14 ppt. E subida den e sector di "Recreacion y cultura" a wordo causa principalmente door di un subida di 17.2% den e categoria "Vacacion", causando un efecto di 0.12 ppt. E subida den e sector di "Mobiliario" a wordo causa principalmente door di un subida den e categoria "Bienes y servicio pa mantencion ordinario di cas" (1.4%), causando un efecto di 0.05 ppt.

E canasta di consumo di e CPI ta consisti di 452 bienes y servicionan. Compara cu Februari 2016, 32.5% di e bienes y servicionan aki a conoce un aumento di prijs causando un efecto di 0.44 ppt, mientras cu 35.2% ta muestra un caida di prijs, cu a contribui cu efecto di -0.76 ppt y pa e restando 32.3% no tawata tin cambio den prijs. Prijsnan di bienes a baha cu 0.5% na Maart 2016 y a causa un efecto di -0.32 ppt riba e CPI di Maart 2016. Prijsnan di servicionan a conoce un

subida leve di 0.01% y a causa un efecto di 0.01 ppt.

E CPIC (core inflation) - CPI excluyendo e efecto di energia y cuminda - a registra na Maart 2016 un subida di 1.1%, un subida di 0.5 ppt, compara cu e periodo correspondiente di aña pasa (0.6%).

E indice di energia - cu ta consisti di e productonan: electricidad, awa, gasolin y diesel a registra un caida di 4.1%, cu ta 4.1 ppt mas abou compara cu e periodo correspondiente di aña pasa (0.0%). E indice di cuminda a registra un subida di 0.5%, cu ta 2.9 ppt mas abou compara cu e periodo correspondiente di aña pasa (3.4%).

E bestaansminimum pa un hogar consistiendo di dos adulto y dos mucha (edad 0-14 aña) na Maart 2016 ta Afl. 4,325, mientras cu pa un hogar di un adulto e suma ta Afl. 2,059. □



*Charlaine Alexander-Huntington :*

## Hospital no ta evacuando ningun pashent

**ORANJESTAD-** “Nos no por papia di ningun calamidad, ni cu nos ta evacuando pashentnan. Esey simplemente bisa, no ta berdad”, asina Charlaine Alexander-Huntington, Vocero di Dr. Horacio E. Oduber Hospitaal a cuminsa bisando.

E ta reacciona riba tantisimo publicacionnan haci riba red social, den cual ta bisa cu tanto na e Departamento di mucha como e diferente departamento di cuida na unda adulto ta huesped ta mandando hende cas pa motibo di virus of bacteria.

Na Dr. Horacio E. Oduber Hospitaal tin protocolnan y plannan bon delinea con pa atende cu casonan asina. De



facto, semper por tin bacteria den un hospital, pero e reto ta pa mantene controla. Mester ta cla pa tur hende cu semper por tin bacteria of virus den un hospital pero locual hopi biaha publico no ta compronde ta, cu no ta den hospital e bacteria of virus ta, sino cerca

e pashentnan mes cu ta dren-ta hospital paso nan ta malo y mester di cuida!

Un hospital ta in instituto cu ta atende hende malo. Pues, e chens cu un pashent ta drenta cu un virus of cu bacteria ta grandi y masha comun, pero

e protocolnan interno ta percura pa isola e pashentnan mesora sit a necesario, pa evita cu un ta contagia otro.

Ultimo simannan berdad ta nota bastante pashent cu griep pisa drentando y cu ta afecta nan pulmon. Casonan asina mesora ta isola pa cambernan separa pa preveni cu ta pega otro pashentnan cu e enfermedad.

“Nos tin mas o menos mil empleado trahando den Hospital ta garantiza e miho cuida posibel na e mas di 16 mil pashentnan cu nos ta brinda cuida anualmente. Nos ta lamenta cu facilmente un hende por pone un impresion of insinua algo riba red social y sin puntra of verifica, na unda mesora mas hende

ta comparti e informacion cu ta falso y por causa incertidumbre y particularmente confusion den e comunidad di Aruba”, segun Alexander-Huntington.

Dr. Horacio E. Oduber Hospitaal tin su mesun website y tin su mesun pagina riba Facebook, conoci como Aruba Hospital. Ta pidi tur ciudadano pa “Like” e pagina ey pa bo tambe por keda bon informa cu storianan veredicto di Hospital y informacionnan corecto. Si acaso tin cualkier situacion den Hospital of tin cualkier comunicado cu mester yega na ciudadanonan, semper lo uza medianan tradicional y rednan social. Tanten cu Hospital no publica nada, probablemente no ta berdad tampoco. □

## Colegio Arubano ta tene e prueba di admision pa Ciclo Basico



**ORANJESTAD-** E prueba anual di admision pa Ciclo Basico di Colegio Arubano ta tuma luga awe diahuebs, 21 di april 2016. En total 287 alumno di 6e klas ta wordo spera na Colegio Arubano. E alumnonan aki ta bini di 25 scol basico di pabou di brug. E prueba ta tuma luga na alocacion Emma, Shakespearestraat z/n. E prueba ta cuminsa 08.00 y ta caba 12.00. E alumnonan mester ta 07’or y 45 na Colegio Arubano.

**Consulta cu Minister**  
Prome Colegio Arubano a anuncia cu e prueba di admision lo tuma luga dia 22 di april. Den consulta cu Ministerio di Educacion y Vivienda a dicidi di cambia e fecha di e prueba di admision. E fecha prome anuncia ta coincide cu e weganan di Rey e aña aki. E prueba lo tuma luga pa e muchanan di e scolnan basico pabou di brug na Colegio

Arubano. Pa e scolnan basico pariba di brug na Colegio San Nicolas.

### Preparacion

Na fin di januari Colegio Arubano a tene un reunion informativo cu tur cabesante di e scolnan basico pa duna informacion tocante e preparacion cu Colegio Arubano kier hiba pa e Prueba di Admision. Na november 2015, Colegio Arubano a acerca tur scol basico pidiendo pa un pronostico di e cantidad di alumno di 6e klas cu e scol lo propone pa traha e Prueba di Admision. Un total di 313 alumno a wordo registra. Durante dos siman y mei den februari y maart, Colegio Arubano a habri su portanan pa duna tur e alumnonan aki e oportunidad pa atende les durante un mainta pa orientacion. Di e forma aki Colegio Arubano ta spera di por yuda e alumnonan pa custumbra un tiki na e scol y haya smaak pa traha e prueba. Riba e dia

di e prueba 287 alumno lo atende na esaki, 26 alumno menos cu locual e scolnan a pronostica anteriormente.

### Prueba di Admision

Colegio Arubano tin na su encargo e logistica pa cu dia aki. 66 docente a wordo selecta pa asisti y guia e pruebaban. Colegio Arubano mes lo provee tur material y atributo necesario. E prueba di admision ta consisti di cuater parti: dos ta prueba di idioma y dos ta prueba di matematica. Pa ambos prueba di matematica no por uza mashin di matematica.

Finalizando, Colegio Arubano ta desea tur alumno hopi



exito y ta gradici tur scol basico y Colegio San Nicolas pa nan colaboracion y ta haci un peticion serio na mayornan

pa trece e muchanan na tempo. Por sigui e desaroyo di e dia aki via e pagina di Facebook: Colegio Arubano. □

*CBS:*

## Cambio di prijs di petroleo, utilidad, gasolin y diesel

**ORANJESTAD-** Prijs di utilidad (electricidad y awa), gasolin y diesel ta wordo determina primordialmente door di e prijs internacional di petroleo. Na Maart 2016 e prijs promedio pa bari di petroleo (US\$ 37.41) a conoce un subida di US\$ 7.22 (23.9%) compara cu Februari 2016 (US\$ 30.19).

Brandstof clausele pa un uzo di electricidad te cu 500 kWh no a cambia na Maart 2016, el a keda Afl. 21.90 cen pa kWh. Brandstof clausele pa un uzo di cada kWh entre 501 - 1000 kWh no a cambia na Maart 2016, el a keda Afl. 27.80 cen pa kWh. Prijs di electricidad y di awa no a cambia compara cu Februari 2016. E prijs promedio di electri-

cidad pa vivienda a keda Afl. 308.76, mientras cu e prijs promedio di awa pa vivienda a keda Afl. 137.05.

Prijs di gasolin a baha na Maart 2016 cu Afl. 4.10 cen (-2.7%) y a causa un efecto di -0.12 ppt riba e CPI. Prijs di diesel a registra un subida di Afl. 1.40 cen (1.2%) na Maart 2016 y a causa un efecto insignificante riba e CPI.

Na Maart 2016, utilidad, gasolin y diesel como grupo, tawata tin un caida di prijs di 0.7% compara cu Februari 2016 y hunto a influencia e CPI cu -0.12 ppt, mientras cu e restando 448 bienes y servicio hunto a experencia un caida di prijs di 0.2% y tawata tin un efecto di -0.20 ppt riba e CPI. □



## Movimiento Solidaridad cu Venezuela na Aruba ta rechasa

# Participacion di gobiernonan di nos region den “Operacion Venezuela Freedom”

**ORANJESTAD** – Den cuadro di e fecha historico di 19 april 1810 caminda a wordo firma e prome acta di proclamacion di Independencia di Venezuela, miembronan di e grupo **Movimiento Solidaridad cu Venezuela na Aruba** a haci entrega di un documento na **Consul General di Venezuela na Aruba**, sr. **Alirio Mendoza**, caminda nan ta condena e asina yama “Operacion Venezuela Freedom”. E entrega di e carta aki a sosode ariba **Plaza Simon Bolivar**



E carta aki cu ta carga e sosten di varios firma ta indica cu informacion produci a base di e documento traha pa **Comando Sur di Merca bou e cabes: “Operacion Venezuela Freedom”**, ta “laga sa claramente cu gobierno di Merca no ta desea un salida electoral pa gobierno di Nicolas Maduro. Sino cu den e documento aki, esta “Operacion Venezuela Freedom” firma dia 25 di februari 2016 pa **Almirante Kurt Tidd**, kende ta Hefe di **Comando Sur**, ta para cu gobierno di Merca tin programa claramente un salida “violento” di presidente Maduro su Gobierno.

### Carta

E carta cu e **Movimiento Solidaridad cu Venezuela na Aruba** a entrega na e diplomatico Venezolano ta bisa textualmente na Spaño: “Es por este motivo que nos pronunciamos y rechazamos contundentemente tales pretensiones y toda la injer-


encia por parte del gobierno norteamericano, cuyo objetivo es apoderarse de los recursos de Venezuela con la colaboración de los lacayos opositores que defienden sus intereses desde la Asamblea Nacional”.

Otro punto di e carta aki cu ta hala hopi atencion ta cu e grupo **Movimiento Solidaridad cu Venezuela na Aruba** ta rechasa e “participacion di gobiernonan di nos region cu ta presta nan mes pa sigui e wega di Imperio”. Nan ta indica cu “tristemente” e punto 12 di e documento ta menciona e participacion di Aruba y Corsou como base militar di e **Comando Sur**.

Den e carta nan ta cita e punto en cuestion: 12. “Si bien en la situación militar no podemos actuar ahora abiertamente, con las fuerzas especiales aquí presentes hay que concretar lo ya anteriormente planificado para la fase 2 (tenaza) de la operación. Los entrenamientos y aprestos operacionales de los últimos



meses, con la Fuerza de Tarea Conjunta Bravo en la base de Palmerola, en Comayagua – Honduras, la Fuerza de Tarea Conjunta Interagencial Sur–, permite colocar tales componentes en condiciones de actuar rápidamente en un arco geoestratégico apoyado en las bases militares de ‘control y monitoreo’ en las islas antillanas de Aruba (Reina Beatriz) y Curazao (Hato Rey); en Arauca, Larandia, Tres Esquinas, Puerto Leguizamó, Florencia y Leticia en Colombia; todo ello como Lugar de Operaciones de Avanzada (FOL), con proyecciones sobre la región central de Venezuela donde se concentra el poderío político-militar”, para luego enumerar los activos militares dispuestos para la operación”.

Esaki ta parti di e carta cu e miembronan di **Movimiento Solidaridad cu Venezuela na Aruba** a entrega na e **Consul General di Venezuela na Aruba**, y cu nan a manda un copia di su contenido textual na



Bon Dia Aruba. E matutino aki a puntra e miembronan di e movimiento aki dicon nan no a haci entrega di e carta aki na e instancia gubernamental competente riba asunto di relacion exterior. Ya cu den e carta aki ta wordo cuestiona e presencia di FOL na Aruba. Nan a laga sa cu berdaderamente esaki ta un actividad cu a tuma luga internacionalmente y tambe na Venezuela mes, caminda diferente or-

ganisacion y/of movimiento Venezolano a dicidi di pronuncia nan preocupacion na e gobierno di Venezuela y nan representantenan diplomatico tocante “Operacion Venezuela Freedom”. Nan di cu e documento controversial aki “Operacion Venezuela Freedom” a wordo divulga recientemente riba e rednan social y e ta accesibel pa tur hende interesa via Google tambe. □



**Negoshi di bende piesa pa auto mester di bendedo . interesado Nan por fabor manda bo Resume na padaruba@outlook.com**

**RIJLES**



**DISCOUNT**  
Riba 2,3,4 rijbewijs pa persona

**40% 50%**

Tel:582-6732 / 594-3263

Like us on

**HERMUS**  
Rijschool NV.



## Organisacion Mericano cu campaña pa sterilisa cacho

**ORANJESTAD** - Ayera mainta e organisacion di Merca Animal Balance a tene un conferencia di prensa pa splica tocante e campaña di sterilisacion gratis, cu lo tin dianan 26 pa 30 di april. Hunto cu Sra. Shelley Chadwick kende ta vocero di Operacion Cunucu, tabata presente sosteniendo e campaña aki Parlamentario Donny Rasmijn y representante di Plataforma Ley di Cacho Shohaira da Silva.

Operacion Cunucu ta un campaña special pa Aruba sin embargo Animal Balance



ta un organisacion experien-  
cia riba campananan masal di

sterilisacion di cacho. Segun Sra. Chadwick ta splica cu e campaña su enfoca lo ta riba e cacho cu tin na Parkietenbos, cual lo wordo busca y sterilisa pa yuda cu e problema cu tin di poblacion grandi di cacho di caya. Esaki ta e manera mas humano pa atende cu e

problema aki, como cu e cachonan aki ya no lo por re-  
producir, e ora segun añanan ta pasa lo mira e cantidad di cacho baha. E cachonan aki despues di wordo gara y sterilisa, lo wordo hiba bek na unda a busca nan. Banda di e grupo di cacho aki, bo tambe por hiba un cacho cu ta riba caya Cerca di unda abo ta biba. Mester pone atencion si cu tur cacho mester wordo busca bek.

Mirando cu na Aruba tin e fenomeno cu personanan tin cacho pero ainda nan no tin cura pa esaki keda paden. Por sosode cu e cacho aki cu ta riba caya ta wordo hiba y ta wordo sterilisa, pues doñonan bo mester tene cuenta cu e campaña aki cu ta bay tuma luga. Cachonan cu wordo sterilisa lo ricibi vacuna contra parvo y distemper. Tambe nan lo ricibi hanga contra purga cu carpata.

### Detaye di e campaña

E localidad unda cu ta bay sterilisa e cachonan ta Centro Dakota cual a wordo transforma den un clinica temporal. E cachonan por wordo treci tur e 5 dianan entre 8or cu 9or di mainta y e orario pa busca e cachonan bek ta 5or di atardi.

Personanan cu kier hiba cacho sterilisa pero no tin auto pa haci esaki specialmente pa esunnan cu ta biba mas cerca di YMCA San Nicolas, e organisacion lo tin un punto di coleccion pafo di YMCA. Boluntarionan di e organisacion lo ta eynan presente unda cu lo busca e cachonan y trece e cacho bek entre 5or cu 6or di atardi. E cantidad di cacho cu por wordo sterilisa pa dia ta 100, teniendo na cuenta casonan sin complicacion. □

*Sra. Michelle Brooks:*

**‘Nos mester tin pasion pa loke nos ta haci’**

**ORANJESTAD** - ‘Con pa Construi un Carera y No Djis Un Trabou’ ta e titulo di e sesion cu Michelle Brooks ta confirma pa presenta diasabra 23 di april proximo den e programa di entrenamiento y motivacion cu ta forma parti di Expo Labor 2016.

E actividad, tumando luga den Renaissance Convention Center ta ofrece na tur esnan interesa un serie di tayer cu ta varia for di con pa yena un aplicacion di trabou, te na leynan laboral nobo.

Como director di e empresa local Purposeful Journey Consulting Group, Sra. Brooks ta reconoci y hopi busca pa diferente compania local pa su estilo unico di trece mensahenan pa supera dilanti.

‘Esaki ta bay ta un experiencia tremendo pa tur hende cu atende, e ta bisa cu su entusiasmo caracteristico. E ta describi su mes manera e

ehempel di un persona cu tabatin un posicion prominente den un empresa di luho na Aruba y cu a kita pa lanta su mesun compania.

‘Djis tin un trabou no tabata suficiente pa mi; loke mi kier a haci ta algo cu mi ta apasiona cun’e y algo cu ta emociona mi,’ e ta bisa argumentando cu nos mester tin pasion pa loke nos ta haci y cu nos mester uza e forza ey cu nos tin paden pa bay riba e caminda di proposito cu ta destina pa cada un di nos.’

Expo Labor 2016 ta un proyecto di Ministerio di Labor di drs. Paul Croes den cooperacion di Departamento di Labor y Departamento pa Progreso Laboral. E meta ta pa brinda tur esnan buscando un trabou of cu ta desea pa haci un avance den nan carera profesional, e oportunidad y hermentnan necesario pa alcanza exito.

Un total di 40 booth consistiendo di empresanan local ofreciendo mas di 300 cupo di trabou, como tambe instancianan di entrenamento y conseho laboral lo ta presente pa brinda informacion. Porta ta habri pa 10’or di mainta y entrada ta completamente gratis. E sesion di Sra. Brooks lo ta dia 23 di April pa 13:00 na Renaissance Convention Center. Pa mas informacion bishita pagina di Facebook: Expo Labor Aruba. □



## Grieprik | vacuna contra griep

Na Dienst Besmettelijke Ziekten (DBZ) personanan cu ta pertenece na e grupo di riesgo y cu no a haya e grieprik ainda fin di aña pasa por haya un grieprik. E ta costa 15 florin, pero si bo ta bin cu un recept di dokter di cas e ta gratis.

Bo ta den e grupo di riesgo si bo:

- ta mas grandi cu 60 aña;
- tin malesa di curason;
- tin malesa di pulmon;
- tin diabetes mellitus (sucu);
- tin malesa di riñon;
- tin resistencia abou causa door di un malesa, un tratamiento medico of remedi cu ta baha e resistencia.

E grieprik ta baha e chens cu bo lo haya griep y ta zorg si den caso cu bo toch haya griep e lo ta menos severo. E vacuna ta traha contra H1N1 tambe.

Pa mas informacion yama DESPA na 522 4229 of 522 4230 of DBZ na 522 4221

esaki ta un mensahe di:



adres di DBZ:  
Avicenastraat 1,  
Oranjestad



## Boto Caribbean Blue di Puerto Cabello a wordo gara cu hopi kilo di droga



**BARCADERA** - Diamars den oranan laat di anochi na altura di Daltra na Barcadera Wardacosta a drenta cu e boto Caribbean Blue di Puerto Cabello. Den e boto nan a haya hopi kilo di droga.

Pa tur hende nan sorpresa, a bin haya un radio marca 'Sepura', parecido na esun di Cuerpo Policial. Aki ta trata di un organisacion grandi y cu hopi poder.

Dos homber a keda deteni, pero aparentemente algun persona a logra huy den un Van color blanco. Con esaki a pasa no ta mucho cla, pues



lo por ta ilegalnan tambe cu posiblemente a haya un "lift" pa Aruba.

Warda costa a lastra e boto y a bay pone mas pariba na e waf.

Aki ta trata di un caso basta serio, mirando cu den algun minuut a yega un cantidad di auto di departamento di Narcotica.

## Adicto ambulante a horta ciudadano

**SAN NICOLAS** - Dialuna, pa mas of menos 4'or y 20 di atardi, a presenta na warda di San Nicolas e homber B. pa duna keho di ladronicia. B. a declara cu el a bay na su auto staciona y a wordo acerca pa un adicto ambulante desconoci. B. a sigui bisa cu el a bay coy cen for di den su auto, ora cu e adicto a gara B. tene na su saco di camisa, a coy algun recibo, hunto cu dos papel di 10 florin y algun placa los, despues a core bay. Esaki a sosode na altura di Pensioen Antilliana. E keho a wordo tuma.

## Auto horta haya tras di edificio na Barcadera

**BARCADERA** - Diamars, pa mas of menos 12'or y 56 di marduga, Central ta dirigi patruya na altura di AIS na Barcadera pa un auto bandona. Eynan polis ta topa cu un auto sospechoso sin plachi number para tras di e edificio. A papia cu personal di seguridad mobil, kende a declara cu durante control rond di e edificio, el a bin topa cu e auto. Ta trata aki di un Toyota Camry color di oro, sin plachi number. Patruya a nota cu e contact tabata forsa. Den cuadro cu esaki, e auto a wordo confisca y hiba warda di Santa Cruz pa mas investigacion. Central a wordo poni na altura.

## Situacion sospechoso na Esmeralda

**NOORD** - Diamars, pa mas of menos 1'or y 32 di marduga, Central ta dirigi patruya na un vivienda na Esmeralda caminda cu lo tabata tin un persona cu lo tabata canando rond. Eynan a papia cu e homber F., kende a declara cu el a scucha e cachonan di su bisiña blaf. Un rato despues, el a scucha su propio cacho ta blaf, cu a haci cu el a bay wak pafu kico ta pasando. E por a scucha den lehanian un zonido duro. Despues e por a scucha un biaha mas e mesun zonido duro, manera un hende lo tabata bati riba un porta. E cachonan di e bisiña banda pariba tabata hopi intrankil. F. a yama polis di biaha. Na a controla hunto cu F. full e mondi parti patras y den cercania, pero no a topa cu ningun hende.

## Suzuki Alto horta a wordo haya

**CUMANA** - Diamars, pa mas of menos 4'or y 35 di marduga, durante patruya, polis a topa cu un Suzuki Alto color cora na altura di Something Different na Cumana. Durante control a bin resulta cu e contact tabata completamente kibra y e motor tabata friu. Mirando cu e number no tabata klop cu e auto, Central a bay rista un ke otro y a bin resulta cu no tabata tin ningun keho ladronicia di auto. E auto a wordo hiba warda di Santa Cruz pa mas investigacion.

Banco di Seguro Social Aruba



### INVITACION PA OFERTA

Banco di Seguro Social Aruba, SVb, tin e intencion di drecha y renoba dak di su edificionan na:

- sucursal di San Nicolas, situa na Bernhardstraat 67 C
- sucursal principal na Eagle, situa na Caya Punta Brabo 19

E renobacion ta planea pa tuma luga durante lunanan di juni y juli 2016.

Tur compania cu experiencia amplio riba e tereno aki ta keda invita pa entrega un oferta pa e trabao aki no mas tarda cu diabierna 13 mei 2016, 2:00 pm na oficina principal di SVb na Eagle. Oferta mester ta dirigi na directeur di SVb, ir. Edwin M. Jacobs.

Pa mas informacion tocante e trabaonan cu lo mester wordo realiza por tuma contacto cu sra. Gladys Kock, Hoofd Facilities di SVb, telefon 527-2707 of 594-5782.

E oferta mester contene por lo menos:

- descripcion di trabao cu lo realiza
- materialnan cu lo wordo emplea
- tempo den cual trabaonan lo wordo realiza
- costo total di e proyecto

Pa por bin na remarke pa e trabao aki tur compania mester ta registra na SVb.

ir. Edwin M. Jacobs  
Director

SVb - Seguridad pa Aruba su comunidad



*Polis Maritimo:*

## Proyecto di boei ta pa percursa pa siguridad di tur e usarionan di nos lama



**ORANJESTAD- Di-**  
**aluna mainta Minister**  
**Otmar Oduber a anun-**  
**cia e proyecto di boei cu**  
**ta financia pa e fondo di**  
**TPEF.**

Un proyecto cu sigur ta beneficio di tur e usarionan di nos beachnan, tanto local como nos bishitantenan. E zona awor ta miho defini unda e usarionan por landa den un area mas sigur sin mester preocupa cu e actividadnan acuatico cu awor ta tuma luga un poco mas leu. E meta principal di esaki ta cu cada un di e usarionan sa cua parti ta permiti pa cada actividad. Cu esaki bon defini awor ta facilita e trabou di Polis Maritimo cu awor tin un miho bista di e area mas estructura.

Polis Maritimo tin un tarea esencial riba vigilancia riba nos lama y cada un persona cu ta haci uzo di nos beachnan mester respeta e autoridad concerni na momento cu ta pone ordo si mira situacionnan cu no ta cuadra cu e reglanan cu ta stipula. Cu

implementacion di e maneho nobo di e Beach Policy, tin un estructura hopi mas miho defini. Sr. Igmarr Benschop di Polis Maritimo ta haci un apelacion na comunidad di Aruba pa mantene nan mes na e reglanan cu tin. Mester agrega si cu e buey no t'ey pa mara boto, of pa e landadonan bay colga na nan. E boeinan t'ey especificamente pa dividi e diferente areanan for di otro. TPEF a percursa pa un inversion di casi 150 mil florin cu ta keda na cada un di nos pa cuida. Minister Otmar Oduber a percursa pa den un ekipo cu diferente departamento sinta cu otro pa yega na un bon entendimiento riba e maneho cu kier mira riba nos beachnan. Sr. Benschop ta indica cu hopi biaha ta haya turistanan cu ta landa sin sa unda nan por landa y ta haya nan hopi leu di costa cu sigur por forma un peligro pa nan. Cu e proyecto di buey awor tin areanan bon defini cu e turista facilmente por reconoce te na unda e por yega pa percursa pa su propio siguridad. Di otro banda e bueynan ta indica tambe te



unda e botonan ta permiti pa tira nan anker. Esaki sigur pa proteccion di e usarionan di lama pero tambe pa e naturalesa specialmente bou di awa cu tanto nos bishitantenan gusta admira. Polis Maritimo ta pone nan mes disponibel pa cualkier pregunta riba e reglanan y maneho nobo pa cu nos beachnan y tambe pa e areanan miho defini awor riba lama. Por yama na telefon 5881896 of 5975125 si tin

cualkier incertidumbre. Cu un miho coordinacion den esaki ta nos tur lo beneficia. Un pabien na ekipo grandi di Ministerio di Turismo, TPEF, ATA, DIP, DOW, KPA Polis Maritimo y Departamento Maritimo cu pa un tempo largo a sinta na mesa cu otro unda awe nos ta cuminsa mira e fruta di e bon trabao cu a eherce pa percursa pa mas siguridad riba nos beachnan y den nos awanan.



### Dr. Harold Narain F.A.C.O.G

"Specializing in women who are used to the best & latest  
in Gynaecological care"

SameDay service in Gynaecology, Obstetrics,  
Infertility & Circumcision Newborn

Tel: 583 5999

Modern Solutions to your varicose veins, "Sclerotherapy"

*Under Local Anesthesia*

"Lipo Sculpture": Beverly Hills quality at.... "Punto Fijo prices!"

Laser Vaginal rejuvenation Surgery  
Also Male Gynecomastia Correction

**CERVICAL CANCER is a preventable CANCER**

Ladies it is time to have your PAPTEST done,

**You can save your life**

prompt results available

Tel: 583 5993





## Prijsnan pa consumido a baha na februari y maart 2016

**WILLEMSTAD - E cifra indice di prijs pa consumido na Corsou na februari y maart 2016 a baha cu 0,7 y 0,1 porshento respectivamente.**

Si compara e periodo di e ultimo 12 luna te cu februari y maart 2016 cu mes periodo prome cu esey, ta resulta cu prijsnan a baha cu un promedio di 0,6 y 0,5 porshento respectivamente. E cambionan di prijs mas importante durante tanto februari como maart a sosode den e categoria di consumo "Bibienda". Esaki por deduci for di datonan cu publica pa Oficina Central di Estadistica (CBS). Den ultimo 5 luna, Corsou a conoce un deflacion leve

E cambionan di prijs mas importante na februari a tuma lugha den e categoria di consumo "Bibienda" (-1,5%): gas di cushina, uzo domestico di electricidad y uzo domestico di awa di cranchi a bira respectivamente 11, 7 y 3,5 porshento mas barata. Notabel tambe ta e cambionan di prijs mas importante den e categoria di consumo "Transporte y comunicacion" (-0,9%): prijs di gasolin y gasolin/diesel a baha cu respecti-

vamente 8 y 4 porshento na februari.

Durante di maart tambe e cambionan di prijs mas importante a tuma lugha den e categoria di consumo "Bibienda" (+0,1%): "pestcontrol" dor di companianan profesional y uzo domestico di awa di cranchi a bira respectivamente 6 y 4,5 porshento mas caro, mientras tarifa pa uzo domestico di electricidad a baha cu 2 porshento. Mas aleu ta notabel e cambio di prijs mas importante den e categoria di consumo "Transporte y comunicacion" (-0,2%): prijs di gasolin a baha cu 2 porshento na maart.

E cifra indice pa consumido (CPI, "Consumer Price Index") na februari 2016 (122,9) tabata 0,1 porshento mas abou compara cu februari 2015 (123,0), mientras e CPI di maart 2016 (122,8) a surpasa e CPI di maart 2015 (122,4) cu 0,3 porshento. E cifranan aki ta indica cu februari e aña aki tabata 0,1 porshento mas barata cu februari aña pasa, mientras maart e aña aki tabata 0,3 porshento mas caro cu maart e aña pasa, pa loke ta trata e prijs promedio di producto-

nan y servicionan pa consumido.

E promedio di diesdos luna di prijs pa consumido na februari 2016 tabata 0,6 porshento mas abou cu na februari 2015, pues un bahada di e promedio di diesdos luna di e cifra indice pa consumido (CPI) di 124,2 pa 123,5.

Na maart 2016 un promedio di diesdos luna di prijs pa consumido a wordo midi cu tabata 0,5 porshento mas abou cu na maart 2015, implicando un bahada di e promedio di diesdos luna di e CPI di 124,2 pa 123,6. E cifranan aki (-0,6% y -0,5%) ta duna segun CBS un bon bista di inflacion riba termino largo. Inflacion ta refleha perdida di balor di cen, pues di forsa di compra, dor di subida di prijs di producto y servicio pa e consumido. E cifra di inflacion pues ta duna un indicacion di e subida promedio di costo di bida.

Deflashon ta net contrario na inflacion: e ta duna un indicacion di bahada di costo di bida y subida di forsa di compra dor di bahada di prijs promedio di producto y servicio pa e consumido. Por constata un deflacion leve na Corsou durante e ultimo cinco luna.

## Delegacion di Eerste Kamer a bishita Corte di Husticia

**WILLEMSTAD -- Un delegacion di Eerste Kamer recientemente a bishita Corte Comun di Husticia.**

Presidente di corte Mr. Evert Jan van der Po el hunto cu vice presidente mr. Eunice Saleh y director interino di Bedrijfsvoering Nadine Cal-

ister-Presentacion a ricibi e delegacion. A haci bon uzo di e bishita cortico. E delegacion a haya informacion tocante e carga financiero y problemanan di capacidad cu Corte ta confronta, importancia di hurisdiccion comun y leinan sincronisa den e diferente paisnan. Profesor mr. Hans

den Doelder a papia tocante e proyecto pa yega na unCodigo di Inhumamente Penal y adaptacion den Codigo Penal. E miembronan di delegacion a muestra hopi interes. Despues di e sesion di informacion bishitantenan a saca un potret hunto cu e representantenan di Corte.



## Minister di Salubridad Publico

### Boeinan pa evita desgracia na nos playanan

**WILLEMSTAD - Recientemente minister di Salubridad, Medio Ambiente y Naturalesa drs. Siegfried Victorina a inaugura e boeinan cu a keda instala na playa di Caracasbaai.**

A pone un total di 700 meter di boei incluso 2 boei blanco special pa mara boto. Playa di Caracasbaai pues awor ta mas sigur pa motibo cu vehiculonan acuatico no por pasa cerca di landadonan mas. Esaki a keda confirma tambe pa bishitantenan regular di e playa cu tabata presente durante inauguracion. Anteriormente a pone boei na algun playa caba y intencion ta pa pone boei na mas playa. Minister Victorina durante su discurso a muestra cu esaki ta un proyecto pa evita

desgracia alabes un proyecto significativo ehecuto dor di un compania local. Minister Victorina a haci tambe un apelacion na bishitantenan di nos playanan pa cuida e boeinan y respeta reglanan di siguridad. Despues di inauguracion minister Victorina a bishita piscadonan di Haf di Caracasbaai pa papia tocante topiconan di interes. Aki tambe piscadonan ta den proceso pa lanta cooperativa y den e cuadro aki a presenta miembronan di directiva durante e encuentro cu minister. Na final, despues di a delibera tocante diferente punto, a haci entrega di un documento notarial na minister Victorina cu ta confirma lantamento di Cooperativa di Piscadonan di Caracasbaai.

### Frente Obrero ta pidi pa busca dialogo y no provoca chauffeurnan di bus

**WILLEMSTAD -- Frente Obrero ta pidi busca dialogo y no provoca chauffeurnan di bus. Asina e partido ta bisa relaciona cu e desaroyonan pa loke ta trata transporte publico.**

"Partido Frente Obrero, cu asco a tuma nota, cu un biaha mas ke trata na agredi (mentalmente/fisicamente) e clase trahado. E biaha aki, chauffeurnan di bus ta na beurt. Esakinan (t) a ser menasa, cu ta bay manda e asina yama High Impact Team, pa asisti control economico den controla den transporte publico. Cu e menasa anteriormente describi, ke obliga chauffeurnan di bus, pa nan respeta un decision di gobierno. Tur esaki ta bini dilanti, apesar cu gobierno ta sinta na mesa, cu e sindicato STU, pa comprende otro y pa yega na solucionnan duradero!!

Partido Frente Obrero ta considera e menasa aki, un brutalidad di marca mayo, expresa di parti di un empleado publico, cu tambe ta un trahado! Partido Frente Obrero, den mesun rosea ta haci e pregunta na minister di economia, pa sa si e ta para tras di e menasa aki. Esaki den cuadro pa no bolbe sosode, cu minister no ta na altura di kico ta pasa den su ministerio.

Partido Frente Obrero ta di opinion, cu pa tur diferencia di opinion cu por existi, esaki ta na mesa di negociacion e mester ser solucionado y no cu menasa y/o provocacion! E tipo di menasanan aki, no

ta solucionan y/o yega na acuerdo satisfactorio entre esnan concerni. Loke e menasanan innecesario aki ta soru pe ta, intrankilidad laboral, molestia, gastamento di tempo valioso, malgasta placa y demostracion innecesario di forsa.

Partido Frente Obrero ta haci e pregunta, pakico provoca? Si ta lei ke pa ser respeta y/o ehecuto, tin otro forma pa laga esnan cu ta viola esaki, cumpli. Uza e High Impact Team pa e meta, pa cua e la ser institui y no uze pa provoca y menasa e clase trahado. Ta e cosnan aki, esta provocacion, falta respet, balota e clase trahado, paga malo e clase trahado, imponemento, 47 aña pasa, a soru pa 30 di mei 1969. E clase trahado su situacion ya caba ta dificil, caminda su forsa di compra ta te abou na suela i ta luchando pa mantene cabes riba awa.

E partido ta pidi minister di Economia, pa e pone control interno den su ministerio, pa no bolbe sosode, cu tin persona(nan) ta bay na cana banda di su(nan) sapato.

Partido Frente Obrero ke mira mesun menasa aki ser haci riba instancianan, cu diariamente ta burla di lei. No mester laga parce, cu ta e clase trahado ta e palo di mas delega, pa haci y deshaci cone!

Mas aleu e partido ta bisa cu a base di su Ideologia, Vision y Mision, ta kere den husticia social, caminda lei ta conta pa tur hende. No por ta asina, cu ta tapa wowo pa un dor di no actua y pa e otro, ta menasa y persecucion ta prioridad.



*Partido PAIS:*

## Tweede Kamer ta tardando e proceso pa ratifica e tratado fiscal cu Cayman Islands

**WILLEMSTAD -- Partido PAIS no ta contento cu Tweede Kamer ta tardando e proceso pa ratifica e tratado fiscal cu Cayman Islands, asina lider di e partido Alex Rosaria ta bisa.**

Segun Rosaria, tratadonan fiscal cu keda negosha y firma na favor di Corsou (antes Antia Hulandes) y un otro pais, semper a pasa Tweede Kamer sin cu miembronan

ta haci pregunta. Ora no tin pregunta ta produci un relato blanco locual ta soru pa e tratado drenta na vigor rapidamente. Ta p'esey Alex Rosaria, lider politico di PAIS, ta haya straño cu e biaha aki Tweede Kamer a kibra cu e palabracion y a dicidi di haci pregunta riba e textonan di e tratado.

Esaki tin como consecuencia cu henter e proceso ta bay stanca y tarda masha hopi

mes, ya cu mester manda preguntanan haci na Hulanda pa Corsou contesta. Tambe por resulta cu riba nos contestanan por surgi mas pregunta ainda. Tur esaki a pesar cu Parlamento di Corsou ta di acuerdo caba cu e Tratado. Tratadonan fiscal ta importante pa nos pais, pasobra e ta yuda nos sector financiero internacional. E ta bon tambe, pasobra e tipo di tratadonan aki ta contribui na mas transparencia y mas instrument pa

combati fraude di belasting, labamento di placa y financiamiento di terrorismo.

“Pues pa ami no ta logico cu e pensamiento di e Hulandesnan lo por ta preocupacion despues di e caso di Panama Papers. Un tratado netamente ta soru pa mas transparencia y intercambio di informacion. Por ta posibel cu e Hulandesnan lo ke mira e consecuencianan di e tratado aki pa cu e islanan di BES,

pero si esey ta e caso ta hopi di lamenta cu ta stroba nos sector, stroba nos economia. Nos no por carga e tardansa aki, principalmente no ora ta trata di desaroyo economico cu por cierto ta un autoridad autonomo di nos.

Lo mi probecha di mi estadia na Hulanda pa papia cu algun miembro cu tin e responsabilidad pa nan fraccion pa loke ta trata e parti financiero”, Rosaria a bisa finalmente.

## GCB y FMA ta uni forsa pa contraresta adiccion na gamblemento

**WILLEMSTAD – Gaming Control Board (GCB) y Fundacion Maneho di Adiccion (FMA) a uni forsa pa contraresta adiccion na gamblemento, un problema serio na Corsou.**

E dos organisacionnan ta bisa cu debi na e demanda halto di wega di placa y accesibilidad na wega di placa na Corsou, comunidad di Corsou tin di haber cu un situacion preocupante di adiccion na wega di placa y su efectonan social negativo. E fenomeno aki a wordo investiga varios biaha y conclui den diferente rapport; entretanto e delaster

rapport riba e topico aki ta di 10 aña pasa.

Gaming Control Board (GCB) como regulado di e sector di casino, ta responsabel pa promove gamblemento responsabel den e sector, den e cuadro aki GCB a uni forsa cu Fundacion pa Maneho di Adiccion (FMA) pa realisa esaki. For di e cooperacion aki a sali un proyecto di auto exclusion, cu ta duna personanan cu problema di adiccion na wega di placa y/o nan famia e oportunidad pa exclui nan mes voluntariamente for di tur casino na Corsou pa un periodo defini.

E personanan en cuestion ta

wordo registra den e “self-exclusion database” special traha pa e proposito mencion, cual casinonan tambe por consulta. Ta obligacion di cada casino pa tene e personanan cu ta den e programa di auto exclusion pafo di nan establecimiento, pa proteha e personanan aki contra di nan mes.

GCB y FMA ta completamente consciente cu e medida menciona no ta suficiente pa combati adiccion na wega di placa na Corsou. Mester haci mucho mas! Pe motibo aki lo bay enfoca den 2016 pa logra hopi mas riba tereno di combatimento di adiccion na

wega di placa. Organisacion di GCB a haya tayer riba dianan 19 di februari y 11 di maart 2016 di expertonan di FMA, señora J. Cova-Pimentel y señora R. Ramirez-Farries riba e material aki.

Riba termino corto e sector di casino tambe lo haya un tayer similar. E meta di e tayer ta pa haci tanto e supervisor como e sector di casino conoci cu caracteristicanan di un persona adicto na wega di placa, tambe pa conscientisacion di e efectonan social cu adiccion na wega di placa ta trece cun’e.

FMA y GCB ta bay dedica nan mes na pretension dor

di lansa campananan special diseña pa crea un conscientisacion mas profundo den comunidad. Ademas di esaki FMA ta duna guia terapeutico na personanan adicto na wega di placa. Pa pretension y tratamiento di adiccion na wega di placa tin gastonan significante debilbi. Ta deseabel pa tin financiamiento structural pa cubri cu e gastonan aki. GCB y FMA tabata hopi contento di a tuma nota den medianan di comunicacion cu Lotto pa deporte, cu proximamente lo wordo introduci, lo keda den man di gobierno (via di FWNK).

## Porfin ta bay celebra Dia di Obrero cu Obrero Games

**WILLEMSTAD – Corsou semper tabata celebra Dia di Reina riba 30 di april y 1 di mei, Dia di Obrero, semper tabata wordo considera como un dia liber di e celebracion di Dia di Reina. For di algun aña pasa cu a cuminsa celebra dia di Rey riba 27 di april, Dia di Obrero a perde ainda mas tanto su nificacion den nos comunidad.**

P'esey JCI IOBA Curaçao a tuma e iniciativa pa organisa Obrero Games hunto cu su partnernan cu ta Ministerio di Desaroyo Social, Labor y Bienestar y Asociacionnan di Sindicato.

Dia 1 di mei 1886, sindicato y reformistanan di Chicago (Merca) a uni pa hunto lucha pa obreronan por traha pa solamente 8 ora pa dia, esta pa un dia por ta reparti den 8 ora di trabou, 8 ora liber y 8 ora pa drumi.

E lucha aki, cu a cuminsa dia 25 di april y termina riba 4 di mei 1886, a conoce diferente caminata y welga durante orario di trabou como muestra di nan lucha pa yega na

8 ora di trabou y no 10 ora, manera tabata e tempo ey. E caminata di mas grandi tabata 1 di mei 1886, caminda mas cu 35.000 trahado a forma parti di e caminata.

E lucha di algun dia tabata tin varios confrontacion entre e Cuerpo Policial y e welguistanan y a conoce hasta algun morto a consecuencia di e.o. e conocedo “Haymarket” bom. Corte a condena 8 di e welguistanan sin tin prueba ya cu no por a haya e culpabel real di e bom. E movimiento ariba menciona a inspira sindicato y reformistanan rond mundo pa celebra 1 di mei, cu ta conoci tambe como “May Day”.

Na Corsou tambe ta bay celebra esaki den gran forma pa medio di un evento cu yama Obrero Games. Esaki ta tuma luga riba 1 di mei proximo riba Brionplein di 02.30 di atardi pa 8or di anochi. Obrero Games ta un mini olimpiada entre algun compania di Corsou cu ta representa pa 12 team cu lo forma parti di un competencia di wega-

nan tradicional. Algun di e 10 weganan cu comunidad por spera ta entre otro careda di garoshi, hala cabuya, claba clabo den palo, bula den saco di batata y hopi mas.

E atardi lo cuminsa cu un santo sacrificio di misa riba Brionplein pa pastoor Curtis Meris, cu normalmente sindicatonan sa organisa, sigui

pa e apertura oficial pa presidente di JCI IOBA Curaçao, Minister di Desaroyo social, Labor y Bienestar y Asociacionnan di Sindicato. Unabes haci e apertura oficial, comunidad completo por disfruta di e competencia entre e teamnan. Durante di e mesun atardi lo tin skina di mucha, bar y cushina bon surti

y tambe musica pa DJ y ERA Autentico.

JCI ta un organisacion internacional di adultonan hoben entre 18 pa 40 aña cu tin como meta pa crea oportunidad di desaroyo pa crea un impacto positivo den comunidad pa medio di proyectonan pa comunidad, negoshi, intercambio internacional y training.





*Minister Oduber:*

## A reuni cu Ateliers'89 pa reenfora proyectonan Artistico y Cultural

**ORANJESTAD-** Diamars mainta Minister Oduber conhuntamente cu su consehera Indra Zaandam a reuni cu Ateliers'89 riba diferente proyecto y ideanan pa reenfora e aspecto Artistico y Cultural di nos isla. A delibera riba proyectonan manera Caribbean link cu pa varios aña ta andando unda ta duna varios artista den nos region Caribe e oportunidad pa yega hunto pa intercambia experiencianan explora y crea arte.

Sra. Indra Zaandam ta indica cu e region Caribense tin artistanan no solamente renombra pero cu potencial maximo. E bunita di e proyecto aki ta cu na Aruba e ora nos lo tin e honor di tin artistanan cu ta familiar cu e caracteristicanan Caribense pero ta uza Aruba como inspiracion pa crea arte. Durante e reunion a papia riba e diferente posibilidadnan riba

e vision di e combinacion di Turismo y Cultura. Nos bishitantenan mas y mas ta pidi pa productonan autentico di nos isla. Den hopi caso e



bishitantenan aki ta haya nan caminda pa Ateliers'89 y ta keda asombra pa e arte contemporaneo cu tin, demostrando asina e calidad di nos hendenan talentoso. Artenan cu mester por haya mas espacio riba nos isla.

Mirando e posibilidadnan y kico ta e necesidadnan a toca e tema di 2 "City Tours". Lo enfoca riba e turistanan den auto di huur of turistanan

di crucero cu ta bishita nos centro di ciudad lo por sigui un tour artistico autentico y lo kier traha un tour similar tambe pa San Nicolas. Ta bon conoci cu San Nicolas tin tur e ingredientenan pa ta nos ciudad di nos herencia

cultural. Den esaki ta resalta tambe e parti artistico. San Nicolas tin e caracter perfecto pa combina Turismo cu Cultura, no solamente pa nos bishitantenan pero tambe pa nos propio hendenan local. Kier traha pa combina proyectonan andando pariba di nos isla cu Ateliers'89, pero tambe cu otro organizacionnan riba nos isla. Na september lo colabora cu Aruba Art Fair Foundation, pa crea e luna di Arte na Aruba. Vision ta pa traha cu diferente partner riba nos isla, creando un combinacion di colaboracion, unda tur ta traha hunto na beneficio di Cultura di Aruba.

Na mes momento e consehero di Ministerio di Cultura ta duna un palabra di elogio pa Ateliers'89 cu ta un ekipo multifacetico cu ta consisti di personanan den mundo artistico pero tambe den sector priva y ta traha duro pa engrandece nos cultura. E potencial di beneficia eco-

nomicamente di cultura y arte tabata un otro punto riba e agenda di e reunion. Na momento cu papia di un "Artistic City Tour" mester pensa riba e turista cu lo kier come algo, of kier cumpra un producto local, y di e forma aki lo por sostene tambe e empresarionan chikito cu kisas no tin e forma pa mercadea nan producto den grandi pero lo por haya un sosten cu e tipo di tournan asina. E potencial di crea arte pa beneficio economico ta keda bin dilanti. Sra. Zaandam ta splica cu e rol di Ministerio di Cultura ta pa reenfora proyectonan Artistico y Cultural, creando un ambiente y espacio pa tipo di organisacionnan manera Ateliers'89, fortalece nan mes cu partnernan strategico. Ministerio ta motiva y stimula sector priva pa ta mas involvi den e aspecto cultural di nos isla. Tin varios proyecto na caminda pa asina sigui engrandece e aspecto artistico y cultural riba nos isla. □

*Ramfis Kolfin:*

## Mi ta convenci cu e miho lidernan di mundo ta esnan moral y no esnan neutral



**ORANJESTAD** - Ramfis Kolfin ta un autor den e tereno di motivacion e inspiracion, un orador internacional y facilitado cu hopi experiencia.

E ta forma parti di e programa di tayer y presentacion durante Expo Labor 2016 tumando lugha dia 23 di april proximo den Renaissance Convention Center. E topico Sr. Kolfin ta bay trece dilanti ta moralidad; titula 'Moral Decision Making in Life And At Work,' esaki ta un di e diferente sesionnan di entrenamiento cu ta accesibel pa un y tur completamente gratis na e evento aki di Ministerio di Labor.

Ramfis Kolfin a nace y lanta na Aruba, un ingeniero di profesion, 30 aña pasa el a

descubri su pasion real den bida cu ta pa yuda hende. For di e tempo ey e ta dirigi exitosamente su compania ofreciendo servicio como orador/autor cu ta motiva ademas di facilitado di sesion den liderazgo y actitud. E ta consehero di numeroso negoshi y organizacion rond mundo cu ta busca exito na e lugha di trabou di awendia.

'E mensahe cu mi kier duna dia 23 di april ta pa tanto e trahado y e dunado di trahado topa cu su mes, su 'niche' y e proposito cu Dios a dun'e den bida. Ora bo tin esey bo

ta bira un muhe of homber cu moralidad,' Sr. Kolfin ta splica. 'Ora moralidad ta na su lugha e ta sostenibel, e ta duradero. Ami ta convenci cu e miho lidernan di mundo ta esnan moral y no esnan neutral.'

Expo Labor 2016 ta un proyecto di Ministerio di Labor di drs. Paul Croes den cooperacion di Departamento di Labor y Departamento pa Progreso Laboral. E meta ta pa brinda tur esnan buscando un trabou of cu ta desea pa haci un avance den nan

carera profesional, e oportunidad y hermentnan necesario pa alcanza exito.

Un total di 40 booth consistiendo di empresanan local ofreciendo mas di 300 cupo di trabou, como tambe instancianan di entrenamiento y conseho laboral lo ta presente pa brinda informacion. Porta ta habri pa 10'or di mainta y entrada ta completamente gratis. Pa mas informacion tocante e sesion di Sr. Kolfin y tur otro, bishita e pagina di Facebook: Expo Labor Aruba. □

## IPA cu presentacion di obra literario 'Saban English' y proyecto 'San Nicolas English'

**SAN NICOLAS** - Instituto Pedagogico Arubano (IPA) y su Centro di Investigacion y Desaroyo di Enseñansa (CIDE) tin e honor di invita pueblo di Aruba pa asisti na presentacion di obra literario 'A Lee Chip: a dictionary and study of Saban English' di Theodore (Ted) Johnson.

E publicacion aki ta trata un parti grandi di e idioma, his-

toria y cultura di Saba (Caribe Hulandes). Na Saba, e termino 'Lee Chip' ta haci referencia na un splinter chikito di algo.

E diccionario ta documenta y ta describi mas cu 2.500 palabra y frase local. No solamente e ta reconoce, honra y rindi homenahe na e vocabulario local cu ta haci Saba unico, pero tambe e ta yuda garantiza e preservacion di hopi palabra y termino cu di un of

otro forma lo a bay perdi pa historia.

Profesor Dr. Walt Wolfram di Language & Life project na NC State University a dirigi y guia e proyecto di e obra aki. Alabes e obra ta inclui un estudio profundo encuanto pronunciacion y gramatica di Ingles di Saba, skirbi pa Caroline Myrick, estudiante di Phd di Linguistica na NC State University.

Banda di presentacion di e

obra literario lo tin un introduccion di e proyecto 'San Nicolas English' door di, docente y investigado di IPA, Gregory Richardson. E proyecto ta trata documentacion di e Ingles crioyo di Aruba, papia principalmente na San Nicolas. E charla comunitario ta tuma lugha diahuebs dia 28 di april 2016, na IPA (Isaac Wagemakerstraat 11, San Nicolas). E ta di 7or pa 9.30 di anochi y entrada ta

completamente gratis.

**Tocante e autor:**

Theodore R. Johnson a completa dos estudio academico den ley na Leiden, na Hulanda. Despues di a traha na Hulanda den e area di ley civil, Theodore a regresa Caribe y ta trahando actualmente como notario di ley civil na Aruba. 'A Lee Chip: a dictionary and study of Saban English' ta su prome publicacion. □



## Bon Dia Aruba a celebra 25 aña di existencia



**ORANJESTAD –** Den un ambiente yena cu alegria y yena cu sentimento di fraternidad, e famia di Bon Dia Aruba a celebra e 25 aña di existencia di e corant. Un corant cu pa 25 aña ta duna servicio na e pueblo di Aruba.

E celebracion tabata basa na e balornan mas importante den un empresa exitoso manera e amistad y trahamento den



grupo. E celebracion a inicia den oranan di mainta cu un simpel brindis unda cu a recorda epocanan di antaño hunto cu expectativanan nobo pa abastecer e exigente mercado di Aruba den e proximo añanan cu ta bin.

E famia di Bon Dia Aruba



existencia di Aruba Today. Mientras cu pa 25 aña Bon Dia Aruba a trece noticianan na e comunidad di Aruba, Aruba Today a percura pa trece diferente noticia na Ingles pa e turistanan. □



a celebra su 25 aña di existencia hunto cu su trahadonan, kendenan a muestra di ta comprometi cu pasion y dedicacion pa sigui percura pa e corant sigui crece den e mundo di medio di comunicacion.

Pa cu e dia a saca un edicion special di corant, unda cu a recorda con Bon dia Aruba a inicia, algun di e trahadonan di antes y awo, con e corant a crece. Tambe e aña aki nos lo ta celebrando e 25 aña di



Aruba Today tambe celebrando 25 aña



## Shawn Hoek a kibra 3 record nacional na Hulanda



**HULANDA-** Shawn Hoek, un hoben Arubiano di apenas 17 aña di edad ta marca historia den e deporte di Powerlifting na Hulanda.

Mientras cu tabata su prome competencia oficial, Shawn a kibra un total di 3 record durante e Nederlands Kampioenschap Powerlifting RAW den categoria sub junioren. Shawn awor ta mantene e recordnan nacional den squat cu 195kg, bench press cu 137.5 kg y deadlift cu 250kg. E ultimo aki tabata un sorpresa pa Shawn mes, ya cu su record personal tabata 230kg.

Shawn kende ta biba na Hulanda cu su mama y ruman muhe chikito, a inicia mas o menos 3 aña pasa cu e deporte di kickboxing. Di un dia pa otro, Shawn a dicidi di bay train hunto cu su mama na un gym, caminda pa prome biaha e la mishi cu peso. Su interes pa esaki a crece hopi lihe y Shawn a cuminsa haci buskeda via Internet riba comemento y body building. No a dura hopi prome cu Shawn a bira masha dedica na e deporte di body building y a

haci esaki un parti di su bida. Na e momentonan ey, Shawn tabata haci su estudio na un VMBO kader ofishi. Su interes pa su estudio a baha, pero danki na motivacion di su famia e la logra di termina esaki.



Shawn a kies pa bay haci un estudio di Sport guia den movecion unda su prome aña el a experiencia diferente deporte. Como regalo pa su esfuerso y cu el a termina su prome aña cu exito, Shawn a haya un pasashi for di su famia na Aruba pa asina e por bin disfruta di dos luna di

vakantie na Aruba. E vakantie aki ta locual a cambia su bida!

Net prome cu el a bini Aruba, Shawn a aplica na un scol na Hulanda pa e por haci e studio di Sport y guia di movecion na cual el a keda acepta. Asina cu el a yega Aruba, Shawn a puntra su tata tocante di un gym cu el a tende di dje caminda nan ta practica cu peso. Aki ta caminda cu e la bay cu su tata na e gym den e Compleho di Frans Figaroa. Durante su prome bishita e la keda invita pa un try-out y despues cu nan a wak e po-

tencial di Shawn, a acepta pa e keda train cerca nan durante su dos luna di vakantie. E mesun anochi di try-out, Shawn a cera conoci cu Hugo Thermen, kende ta un pilar den e mundo di Weight Lifting. Shawn a sinti su mes bendiciona di por a train bou di e guia personal di Hugo Thermen durante dos luna. Tabata bou di e guia di Thermen y cu su 16 aña, Shawn a deadlift 230kg haciendo esaki su record personal.

Na su regreso na Hulanda, Shawn a cuminsa su estudio y cu transcurso di tempo mester a haci un stage. Shawn a cuminsa haci su stage na ACLO, cu ta e gym di Rijksuniversiteit van Groningen. Durante su stage, Shawn a acerca e organisacion di Northside Barbell splicando su interes den hisamento di peso y lo kier try-out e sport di Powerlifting.

Shawn a haya un invitacion y recorrido for di cual el a haya contacto directo cu un di e coachnan di e Asociacion. El a keda invita pa bay train un biaha cerca nan ya cu kier a wak kico Shawn tin aden. E coachnan a keda impresionada y di biaha a bay over pa

tuma Shawn bou di nan hala, poniendo e di biaha den e grupo elite cual ta e team di competencia team. Despues di apenas 5 luna di training, Shawn a pone un record den e Organisacion pa motibo di a keda selecta den asina corto tempo pa forma parti di e team cu lo competi den e Nederlands Kampioenschap Powerlifting RAW.

Awor cu Shawn a logra esaki, e lo drenta gym bek pa asina prepara su mes pa e competencianan cu ta na caminda, cu e meta pa kibra e recordnan un biaha mas. Shawn su plannan pa futuro ta encera prome cu tur cos pa termina su studio y despues habri su propio gym pa duna guia na un y tur cu ta interesa den e deporte aki.

Shawn ta hopi agradecido na Dios pa e talento cu el a dun'e. No por laga afo di yama danki na su famia cu ta kere den dje desde e prome dia y a sostene tanto emocionalmente como financieramente. Shawn kier laga como con-seho pa tur hoben; "Dedica bo mes na locual bo gusta y no laga y un hende bisa bo cu bo no por logra, enfoca y bay pe!".



## Hungado a gana 25 mil florin cu Wega di Number Korsou di Lotto

**ORANJESTAD-** Lotto, como e representante oficial di Wega di Number Korsou na Aruba, riba dia 15 di april a entrega un check di 25 mil florin na un feliz ganado. Luisito D. a cumpra su numbernan na Djucu Mega Lottery riba 14 di april. El a cumpra 50 florin haciendo uzo di e opcion "Pick 4" cu e combinacion di number 7264.

Ora bo cumpra Wega di

Number Korsou di Lotto bo ta aporta na deporte di Aruba. Wega di Number Korsou ta obtenibel na tur rebendedo di Lotto. Ta bon pa remarca cu tur diadomingo e Prome Premio ta bira 4500 florin, na luga di 4000 florin. Pidi p'e pa bo tambe gana cune, mes-cos Luisito.

Pa tur resultado di Wega di Number Korsou bo ta bishita nos website [lottoaruba.com](http://lottoaruba.com) y riba Facebook e ta Lot-toCambiandoBida of riba

Twitter bou lottoaruba. Lotto, e loteria di Aruba tin diferente wega; Catochi, Big 4, Zodiac, Wega di Number Korsou di Lotto, Lotto di Dia, Lotto 5, Mini Mega y su Mega Plus y e weganan di Raspa y Gana. Cumprando Lotto bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.





# E seleccion hoben Arubano di tennis de mesa cu resultado historico

**ORANJESTAD**- Hopi pabien ta bay na e team bou 15año y 16 pa 18año kendenan a logra un bon resultado historico den tennis de mesa.

Den categoria U15 e resultado tabata e siguiente: Republica Dominicana, Trinidad and Tobago, Jamaica, Aruba y Guyana. Den e categoria U18, Republica Dominicana, Trinidad and Tobago, Guy-



ana, French Guyana y Aruba.

nos continente.

E mesun team aki a logra e 3er luga den e Campeonato del Caribe e siman pasa y clasifica pa e Latino Americano cu lo wordo celebra /hunga na Santo Domingo dianan 13 te 20 di juni.

Tambe nan a clasifica pa Pan Americano pa Vancouver Canada pa hunga dia 25 te 30 di juni. Pues asina clasifica pa e eventonan mas grandi den

E hungadonan di e seleccion ta: Jeandry Mathilda, Jean Claude Hoek, Donald Yarzagaray.

Andrew Croes, Jean Pier Helmeyer, Coach Ruddy Raga y delegado Oscar Helmeyer. E coachnan ya tin un programa traha caba di preparacion pa e dos campeonatonan cu nan a clasifica pe.

## ASB: Cera conoci cu atleta Sydney Thomassen di team Canada



**April proximo riba veldnan na Pos Chikito. A continuacion biografia en cortu di atleta Sydney Thomassen.**

Thomassen a hunga den little league hardball pa su prome 5 añanan. Na 2013 el a cambia y bay pa PWSA. E ta gusta hunga sea na tercera base of den outfield. Actualmente e ta den grade 10 na Ancaster High.

Pa 5 aña el a hunga OBA basketball. Durante e prome aña di Thomassen den PWSA, el a ricibi hopi deadball. El a ricibi e nomber di Dusty y esaki ta pa motibo cu e sin necesario e ta slide y dive. "Mi parti favorito durante un wega ta ora mi ta roba base," segun

**CANADA/ORANJESTAD** - E Canades Sydney Thomassen ta forma parti di e team di Canada cual ta na caminda pa Aruba. Un otro estrella cu lo ser mira durante e gran torneo femenino 26 pa 30 di

*Na caminda pa torneo internacional Femenino 26 pa 30 di april*

## Conoce Logan White di Team Canada

**CANADA/ORANJESTAD** - E Canades Logan White ta forma parti di e team di Canada cu lo ta yegando den e proximo dianan pa asina competi contra campeon di Corsou Santa Rosa Angels y dos ekipo femenino reforsa di Aruba tanto Aruba Bank Lady Tiger y Jaguars Vitamalt dianan 26,27,28,29 y 30 di april.

Na 2010 el a forma parti di e team nacional Jr di Canada. Na 2010 y 2014 el a participa den Canada Summer Games. Aña pasa el a forma parti di e team nacional grandi. E team nacional a logra gana medaya di oro durante e weganan di Pan Am na Toronto.

White a forma parti di Brant-

ford Bobcats y 4 biaha nan a bira campeon nacional.

White a ricibi un beca escolar na 2014 pa atende Universidad di Wayne State. Durante e aña ey el a wordo nombra Atleta Femenino di Aña. Durante su temporada senior, White tabata tin den e team averahe den bateo, porcentage riba base, tin mas careda, hit, total base, sac bunts y cantidad di roba base. El a wordo nombra den NFCA All Midwest Region Second Team y GLIAC All Academic Excellence Team pa tres temporada straight, Atleta di NFCA Scholar, seleccion di Dakota All Midwest Region Team. Dos biaha den seleccion CoSIDA Academic All

America Third Team. White a haya Dean's Award pa College of Fine, Performing and Communication Arts pa a logra e punto di averahe mas halto entre tur atleta estudiante den college. Tambe na 2014 e tabata president di comite WSU's Student Athlete Advisory.



## Cera conoci awe cu atleta Samantha Rossi

**CANADA/ORANJESTAD** - E Canades Samantha Rossi ta un hungado di softball cu ta forma parti di e team di Canada kende tambe lo bay ta na Aruba pa competi den e "First Arubian International Women Fastpitch Clash" cu lo tuma luga 26 pa 30 di April proximo. Rossi a hunga desde 2008 te cu 2013 pa Brantford Bobcats. El a logra na 2009 medaya di oro Provincial, 2010 medaya di plata Nacional, 2012 el a logra gana e medaya di oro durante Ontario Summer Games. Na 2013 el a logra gana un biaha mas medaya di oro durante Provincial y ta keda na di 4 den Canadian Nationals. Pa aña 2014-2015 el a hunga den Ancaster Blizzard. Un biaha mas e ta logra gana medaya den Provincial pero e biaha aki di plata, mientras cu den Eastern Canadian el a logra medaya di

oro. El a hunga den Team Ontario na 2015 y awo e ta cu Brantford Bobcats U21. E Canades a gradua na 2015 for di North Park Collegiate na Brantford ON. El a gradua den Honors Society, gradua Atleta di Aña y MVP di Softball Femenino. E aña aki den herfst e lo bay studia pa Kinesiology and Sports Management. "Mi a cuminsa hunga softball cu mi 9 aña. Nunca mi a bisti #12 riba tereno," segun Rossi. El a para como umpire na Brantford Minor Softball.



**KOORYMAN**

**EXTENDED HOURS**

**BE THE FIRST  
TO ENJOY ALL  
SPECIAL PRICES  
FROM OUR FOLDER  
THURSDAY  
APRIL 21<sup>ST</sup>  
TILL 8PM!**



Kooyman Megastore Aruba Av. E. J. (Watty) Vos 20  
maandag-zaterdag: 7am-6pm • zondag: 9am-2pm  
[www.kooymanbv.com](http://www.kooymanbv.com) • [facebook.com/kooyman.megastore.aruba](https://facebook.com/kooyman.megastore.aruba)



## Proyecto Smart Community Aruba

# Minister de Meza “Esaki ta bira un luga pa biba y siña nos con biba den futuro”

**ORANJESTAD - Minister de Meza tabata presente na ceremonia di Smart Community Aruba na Kibaima unda ta bay construi 20 vivienda cu ta bay funciona di e forma mas sostenibel posibel.**

Smart Community Aruba ta parti di vision 2020 cu Gabinete Mike Eman a drenta gobernacion cu ne na 2009. Un vision cu ya desde oposicion tabata un punto evidente pa wordo introduci na Aruba. Vision 2020 a haci Aruba conoci rond mundo y den su afan pa logra e meta aki - Aruba sostenibel 100% na 2020 - gobierno ta bayendo dilanti cu stapnan grandi. Minister de Meza tabatin palabranan di gran elogio pa Premier Eman pa a pusha y sigui dilanti cu vision 2020 cu ta pone Aruba riba mapa mundial y ta wordo reconoci internacionalmente. E vision ta contagioso y mas y mas compania y institucionan ta



trahando duro pa yuda logr'e na 2020. De Meza a bisa cu e Smart Community ta un living lab. “Un luga unda nos ciudadanonan ta biba den dje y participa den loke e comunidad aki tin di ofrece. Despues por saca hopi informacion di e experiencia di e habitantenan. Informacion cu ta bay yuda nos pa haya sa con biba sostenibel y con traha casnan den futuro a base di loke Smart Community Aruba ta

siña nos.” De Meza a splica cu e aspecto energetico ta keda cu su reto nan grandi. El a recorda tur presente cu prijs di azeta ta hopi bou, aunke cu pronosticonan a indica cu e prijsnan aki mester ta hopi mas halto. “Esaki ta loke ta yama geo politico y no un decision basa riba demanda y produccion. Demanda y produccion ta local ta uza pa dicidi e prijs, pero aki ta motibonan geo politico a pone loke tin awe

riba mercado. Esey ta keda un reto. Un reto pa mantene e prijs abou y ta bira un reto mas grandi ora e prijs subi bay ariba. Medio-ambiente ta hopi importante den e proyecto aki y con nos ta bay om cu energia.” De Meza a bisa cu Aruba como isla chikito mester deal

Aruba prepara nos mes. “Nos no mester warda riba otro nan, pasobra e ora e tempo ta pasa bay y nos ta keda atras. Aruba ta un frontrunner den sostenibilidad na mundo y ta wordo reconoci pa esaki. Arubianonan semper a haci cosnan grandi den mundo y nos lo sigui haci cosnan



cu loke mercado mundial ta brinda. Ta p'esey mes cu e proyecto Smart Community Aruba ta hopi importante pa

grandi den mundo.” Cu e palabranan inspirativo aki Minister de Meza a termina su discurso cortico. □

## Cu mas di 15 aña di experiencia na Hulanda

# Abogado Aafje Rietveld a uni na bufete di abogado GoBik



**ORANJESTAD – Diamars mainta durante un sesion di Corte Comun di Caribe Hulandes na Aruba, a probecha pa huramenta abogado mr. Aafje A.E. Rietveld LL.M perteneciendo na e bufete di abogadonan Gomez & Bikker. Esey a sosode den presencia di su coleganan abogado di e bufete, Procurador General di Aruba y e Huesnan di Corte Comun di Caribe Hulandes.**



Mr. Aafje Rietveld a studia y a profundisa den leynan comercial y civil. Desde aña 2000 e ta practicando ley como abogado na Hulanda, unda el a cuminsa su carera na e bufete Loyens & Loef. Tambe el a traha como Hurista na “Vereniging van Effectenbezitters” y tambe a traha na un compania registra na NYSE-Euronext.

Mr. Aafje Rietveld ta casa cu e director adhunto cu Gabinete di Gobernador y a bin residencia na Aruba hunto cu su famia.

Bufete GoBik ta existi desde aña 2000 despues cu abogado mr. Andin Bikker y mr. Lincoln “Dello” Gomez a uni cu otro. Ambos a bini for di un otro bufete y tabatin amplio experiencia. Awendia e oficina ta practica den henter Reino Hulandes, incluyendo islanan den Caribe Hulandes y na Hulanda, specialmente pa casonan di Labor, comercial y civil. Den pasado e mesun bufete aki a atende casonan grandi y popular cu tabatin impacto riba henter nos forma di biba riba nos isla. Nan oficina ta situa den Miramar Building na Oranjestad. □



# CLASIFICADO

en cooperashon cu **ARUBAdeal.com**  
One happy marketplace



**Pone clasificado den e secshon aki?**  
Bai riba [www.arubadeal.com/pap/user/login](http://www.arubadeal.com/pap/user/login)  
**Completamente gratis!**

Bo kier wak e portret? Bai riba [Arubadeal.com](http://Arubadeal.com) y jena e 'Quick code'.

Residencia Compleho di apartamento consistiendo di 4 apartamento na benta | Ta Bende: 4 Apartamento luhoso y grandi na Bubali riba un tereno grandi. Bario trankilo. Super Bon inversion. Mas info. yama 7370654 of 5640654, Mirla | Bid | Quick Code: 017823 |

Boto & Deporte Acuatico Ta bende 3 axle heavy duty pa trailer cu hob y spring cu linkage traha di u beam galvanisa y diamond coated plus 6 spring heavy duty y rubber coated. Ta bende nan los tambe 1000 florin pa set (1axle 2 spring) | Afl. 2850.00 | Tel. 5939965 | Quick Code: 017863 |

## Mucha

Box pa baby | Box pa baby hopi bon condicion | Ganga | Tel. 5601261 | Quick Code: 018721 | Rugtas chikito pa mucha muhe nobo Afl.

25.00 | Tel. 7373343 | Quick Code: 015141 |

Bureau stoel | E ta eigenlijk un bureau stoel caro 800 florin. Pero e sienta a habri. Un hende cu sa cose por drecha esey e lo por disfruta di dje . Saludo. | Afl. 50.00 | Tel. 5920880 | Quick Code: 017783 |

## Cas & Decoracion

Ta bende stoel di zoya di palo | Nobo, nada uza. Por yama: 593 2742 / 585 1676 | Afl. 500.00 | Tel. 5949449 | Quick Code: 017867 |

## Producto Blanco & Electronica

Wasmashin Whirlpool realmente nobo , a wordo cumpra pa cuminsa un negoshi di laundry pero e negoshi nunca a start pues e wasmashin no a wordo uza mes. | Afl. 1200.00 | Tel. 560-2724 | Quick Code: 018729

Compuer & Telecomunicacion Wii U | Ta bende un Wii U nobo den super bon condicion cu a wordo uza pa apenas un siman. E ta bin cu tres wega cu ta consisti di Mario party 10. Smash y Mario Kart | Afl. 750.00 | Tel. 5656132 | Quick Code: 018735 |

Samsung galaxy S5 mini nobo | Ta bende un Samsung galaxy S5 mini nobo. Por yama na 5940435 | Afl. 500.00 | Tel. 5940435 | Quick Code: 017817 |

LG G4 | | USD 320.00 | Tel. 809 256 6776 | Quick Code: 018737 |

LG Spirit | | USD 220.00 | Tel. 809 256 6776 | Quick Code: 018741 |

Sony C5 | | USD 340.00 | Tel. 809 256 6776 | Quick Code: 018742 |

Samsung Galaxy S4 | | USD 250.00 | Tel. 809 256 6776 | Quick Code: 018743 |

## Construccion & Hardin

Pitahaya | Ta bende, mata di Pitahaya. Hopi fruta for di bo mes cura. Tin mata pa bo mes por planta (afl 40,-) of mata den un pochi grandi cu reki, full cla pa duna fruta pa hopi aña (Afl 200,-) awor tin un par mata pa bende cu flor caba! Mi ta bende diferente tipo. E mata ta duna fruta 4 bes den aña. Yama Frits: 5939193 | Afl. 40.00 | Quick Code: 018728 |

## Auto & Acesorio

Set di seat covers pa tur marca di auto traha den Bipiel mas duradero cu cuero mes!! Completamente impermeable!! Facil pa instala Set ta bin cu e dos stoel dilanti y esun patras Por favor contact mi cu especificacion di bo auto y nos lo ta traha e seat cover pa bo !!!whatapp mi na 7405288 | afl. 275.00

| quick code: 018757 |

Silver2012 MiniCooper | 2012 Automatic with Tectonic 4 cilinder, 100 000km WhatsApp +12896838844 (Canada) | Afl. 12500.00 | Quick Code: 017860 |

Suzuki Liana 2003 Headlamp | Mi ta buscando luz dilanti di suzuki Liana 2003. | P.w.a. | Tel. 6901152 | Quick Code: 018650 |

Paña & Moda 2 Blusa nobo size S y M | Nobo, nunca bisti Blauw: Size Medium Blanco: size Small | Afl. 25.00 | Tel. 7373343 | Quick Code: 015132 |

Tas color koper | Tas color koper | Afl. 10.00 | Tel. 7373343 | Quick Code: 015035 |

Tas blauw scur Afl. 10.00 | Tel. 7373343 | Quick Code: 015037 |

## B&P/ Interface Aruba:

# Curso Ley di Labor den Practica na Aruba

**ORANJESTAD - Recientemente B&P/ Interface Aruba Training & Consultancy a haci entrega di certificado na 17 cursistanan cu a participa na e curso "Ley di Labor den Practica na Aruba".**

E curso aki a wordo desaroja specialmente pa duna mas splicacion riba e tereno di ley di labor y con esaki ta funciona den practica. E curso tabata tin un duracion di 18 ora, reparti den 6 siman. Un bon conocemento di e ley di labor ta di suma importancia ora cu bo ta doño di un empresa of tin

un funcion den e departamento di Human Resources of como Manager di un compania.

Tanto pa e compania y tambe pa e empleado nan no sali perhudica ta importante pa tin un bon conocimiento di e ley di labor. Ta importante pa sa kico bo mester tene cuenta cun'e na momento di entre otro retiro di empleado. E docente encarga cu e curso aki ta un di nos expertonan local riba e tereno di labor, señor Enrique (Tito) de Cuba.

E participantenan di e curso di Ley di Labor cu a ricibi

certificado ta: Naima de Windt, Ingrid Tromp, Naihah J. Dirks, Bernadina MdC Gilhuys, Elizabeth Kock, Miriam Palm, Rosalinda K. Lopez-Henriquez, Floria Tromp, Idimara Yanez, Luis Escobar, Ludmilla Arends, Lisandra Coffie-Arends, Julio Coffie, Marcia Ras-Werleman, Loudes Geerman, Jenny Werleman-Medonne y Maritza Habibe-Fingal. E potret ta ilustra: docente Tito de Cuba, cu e participantenan. Un palabra di felicitacion ta bay na tur e cursista nan cu a termina e curso aki cu exito.



# Cu cada compra di un pasashi pa adulto Mucha ta biaha gratis cu Aruba Airlines

**ORANJESTAD- Un biaha mas Aruba Airlines a lansa un campaña masha atractivo, e biaha aki cu enfoko riba su clientenan mas hoben.**

Cu cada compra di un pasashi di adulto pa sea Miami, Corsou, Valencia y Maracaibo, Aruba Airlines ta regala e pasashi di un mucha. Pues mayornan ta paga pero e yiu ta bula completamente gratis!

E oferta aki ta valido desde dia 18 di april pa dia 29 di April 2016 y clientenan lo por biaha for di dia cu cumpra e pasashi te cu dia 15 di December 2016. E oferta aki ta bini net na bon momento pasobra tin algun dia di vakantie na caminda den april y mei, pa despues drenta e temporada di vakantie grandi den luna di juli y augustus proximo, sigui pa october cu tambe tin un siman di vakantie pa e muchanan cu ta bay scol.

Pa mas informacion of reservacion di pasashi por yama Aruba Airlines na 5838300 of 5832001 of

bishita nan website [www.arubaairlines.com](http://www.arubaairlines.com). Tambe lo por bishita nan pagina di Facebook, Instagram of Twitter.

Ta bon pa enfatisa cu e pasashinan pa mucha no ta inclui impuesto di salida. E oferta aki ta valido solamente na oficinanan di benta di Aruba Airlines situa na nan oficina principal na Cumana y na nan oficina di benta na Aeropuerto. Tin condicionnan aplicabel.

A funda Aruba Airlines dia 31 di januari 2006 pero a realisa su prome vuelo dia 31 di mei 2013. E compania Arubiano tin su oficina principal situa na Cumana 69 aki na Aruba. Aruba Airlines ta bula cu avionnan nobo y moderno, Airbus A 320-200 cu un capacidad di 150 pasahero, parti den 12 pasahero Business Class y 138 den Economy Class. Nan tin un total di 300 empleado staciona na tur nan oficinanan den tur nan mercadonan. Na Aruba so tin 139 empleado den servicio directo.



## Minister Paul Croes: E importancia di dato di Mercado laboral

**ORANJESTAD-** Mercado laboral ta toca tur persona na Aruba sea esnan cu ta trahando, buscando trabou of preparando nan mes den algun instituto di enseñansa pa asina drenta mercado laboral den futuro.

Tambe gobierno, negoshinan, inversionistanan, banconan etc. tur ta pendiente di e estado di e mercado laboral pa asina tuma decisionnan importante pa duna forma na nan maneho pa presente y pa futuro. E miho manera pa trece den bista e estado di e mercado laboral ta a base di cifra. E paisnan miembro di e Organizacion Internacional di Labor (ILO na Ingles) a combina na algun indicadornan standard cu tur pais na mundo ta uza pa nan midir na desaroyo interno y tambe pa compara cu otro paisnan. Determinacion di cierto indicadornan clave (manera cifra di desempleo, grado di participacion etc.) por duna un bon bista di e situacion riba e mercado laboral actual pero tambe por compara cu añanan anterior pa asina detecta tendencia den e mercado laboral. Pa determina e indicadornan aki mester di dato y pa obtene dato mester di e instrumentonan adecuado. Departamento di Labor y Investigacion (DAO) tin dos instrument valioso cu ta wordo uza tur aña pa obtene dato actual di e Mercado laboral esta e Encuesta di Forsa Laboral y e Registro di Personal.



### Encuesta di Forsa Laboral (EFL)

Un di e instrumentonan mas uza rond mundo pa obtene e dato nan aki ta e Encuesta di Forsa Laboral (EFL) of na Ingles Labor Force Survey (LFS). E EFL ta un encuesta anonimo haci bou di hogarnan y tin como meta forma un imagen actual y completo di e mercado laboral di Aruba. Un meta importante di e EFL ta e midimento di e cifra di desempleo pa Aruba. Pa medio di e informacion obteni tambe por determina otro caracteristicanan y indicadornan importante di e mercado laboral cu ta necesario pa un analisis mas profundo di e mercado laboral, manera e.o. e grado di participacion, e nivel di educacion di e trahadonan, con e empleo ta reparti a base di sectornan y a base di tipo di ocupacion/funcion, cual ta e diferenciacion a base di sexo, edad etc. Departamento di Labor y Investigacion (DAO) a conduci

pa 5 aña caba e EFL exitosamente.

### Registro di personal

Un otro instrumento cu DAO tin na su disposicion pa trece den bista e estado di e mercado laboral ta e Registro di Personal conforme e Ordenansa Laboral 2013 (AB 2013 no. 14) cu ta vigente desde 1 di april 2013.


Registro di Personal ta consisti di tres parti, cu ta e Registro di e Personal actual manera registra na fin di aña; e Registro di necesidad pa personal pa e siguiente aña y e Registro di e necesidad di personal pa cada proyecto specifico den e aña venidero.

Algun cifra actual di e mercado laboral di Aruba Den e dos grafico nan aki, DAO ta presenta pa e ultimo 5 añanan - e cifra di desempleo di e mercado laboral y tambe - e cantidad di personanan cu ta traha oficial na Aruba.

Cifra di desempleo di 2010 te

cu 2014

motibo aki, DAO ta dunado



Cifra 2010 ta di Censo di CBS; cifra di 2011 te cu 2014 ta di EFL di DAO. Personanan trahando na Aruba di 2010 te cu 2014

un lectura riba cifranan di mercado laboral mas actual durante EXPO LABOR 2016 lo ta dia 23 di april di 10'or di mainta pa 9'or di anochi



Cifra 2010 ta di Censo di CBS; cifra di 2011 te cu 2014 ta di EFL di DAO.

Datonan actual di e mercado laboral di Aruba ta wordo solicitada masha hopi mes. Y pa es

na Renaissance Convention center.

Pa mas informacion of pa registra pa un of mas lectura, subi nos facebook of bishita nos website [www.daoaruba.com](http://www.daoaruba.com). □

### Gabinete Mike Eman:

## Ta haci mientras otronan ta papia so

**ORANJESTAD - Pa decadanan largo proyecto of miho bisa ideanan a drumi den lachi ta coy stof den oficinanan di gobierno. E ideanan tawata t'ey, pero nunca a yega na nan realisacion.**

Proyectonan cu ta necesario pa desaroyo economico y social di e Pais Aruba. Proyectonan cu a keda pa añanan largo den e lachi di olvido. Te ora un gobierno determina a bin y a cuminsa realisa nan. Proyecto di hospital ta un di nan. Pa añanan a papia pa construi un hospital mas grandi mirando cu poblacion di Aruba a crece considerablemente despues cu dr. Horacio Oduber Hospital a keda cla na 1976, casi 40 aña

pasa. Pa e tempo ey un hospital moderno, pero cu den transcurso di tempo no por sirbi su propositonan mas. Awe e hospital ta den pleno renobacion y ampliacion. E hospital nobo ta bira un facilidad moderno cu tecnologianan moderno pa por ofrece un servicio di calidad na e pueblo di Aruba. Un plan cu tabata drumi den e lachi di olvido, cu tabata wordo saca den bes en cuando y poni bek pasobra e tabata costa demasiado trabou, determinacion, curashi y esfuerso pa traha riba dje. Gabinete Mike Eman a sak'e di lachi, a cumpli, no a papia pero a haci.

Mudamento di waf di container pa Barcadera. Un plan ambicioso cu tabata drumi den lachi di olvido for di

añanan sesenta of podise hasta mas ainda. Algun siman pasa e proyecto a keda cla y ya caba e waf ta trahando manera mester ta cu ayudo di hendenan cu vision. E waf crucero na Playa ta wordo desaroya awor y aki algun tempo e ta full desaroya y un otro bunita proyecto ta keda cla, na bienestar di turismo crucero y comunidad di Aruba. Ora otronan a tira e proyecto bek den e lachi di olvido, Gabinete Mike Eman a sak'e afo, a traha riba dje y su realisacion ta bisto.

Proyecto Green Corridor. Mirando e trafico pisa na Aruba, un vierbaansweg ta necesario. Un proyecto cu pa decadanan ta papia di dje. Gobiernonan prome a pensa pa lag'e pasa den cunucu, pero

mirando cu esey no ta bon pa naturalesa, a discuti, pensa y yega na un bon idea unda ta laga e cunucu intacto y construi un caminda di cuatro via unda e trafico ta sigur. Financiamiento semper pa otro gobiernonan tabata un punto di discusion. Gabinete Mike Eman a introduci na Aruba e sistema PPP (Public Private Partnership) cu ta construi y mantene e proyecto y despues di hopi aña ta paga e inversion bek. Otronan a laga e proyecto grandi aki drumi te pega soño profundo den lachi, e gobierno actual a sak'e, a traha riba dje y no lo duro mucho prome e keda cla. Ringweg y Avenida Watty Vos, otro proyectonan cu tambe tabata den e mesun lachi y awe ta hayando a aten-

cion necesario y ta trahando riba nan realisacion. Esakinan ta proyectonan grandi y den e area di construccion, pero tin otro proyecto cu ta bon pa Aruba y necesario cu nunca a keda realisa pa falta di curashi y determinacion. Tur hende tabata convenci cu e hubentud di Aruba cu tabata bayendo e caminda robes pa motibo di falta di scol y tin bes disciplina, mester a haya un di dos oportunidad, pero ningun gobierno a traha riba dje. Awe Gabinete Mike Eman cu hopi orguyo por presenta hobennan cu door di e programa SVT ta ciudadanonan ehemplar den nos comunidad.

E lista ta largo...unda otronan ta papia so, Gabinete Mike Eman ta traha y cumpli. □



*Gabinete Mike Eman:*

## Construccion di MFA Savaneta ta cuminsa den luna di mei

**ORANJESTAD** - Tur cos ta cla pa cuminsa cu construccion di e edificio MultiFuncional (MFA) di Savaneta. E trabounan ta planea pa cuminsa dia 8 di mei y ta premira cu lo tin un duracion di mas o menos 240 dia, loke ta pone e fecha pa entrega na cuminsamento di aña 2017. Diamars mainta a firma e acuerdo entre Gobierno di Aruba y Sichting Onroerend Goed Aruba (SOGA), cu lo financia construccion di e edificio na Savaneta.

Cuminsando cu Gabinete Mike Eman I a mira e necesidad pa edificionan Multifuncional den barionan di Aruba, cu por mehora e situacion cu na e momentonan aki mayoria di e Oficina Auxilia di Gobierno ta aden. Unabes cu e MFA ta den funcion, e Oficina Auxilia di Gobierno ta bay haya un miho facilidad pa por duna un miho servicio. Banda di esaki ta bay amplia e servicionan cu tin na e momentonan aki y tambe Fannan ta bay tin localnan disponibel pa oficianan importante pa ciudadanonan di e distrito y su bisindario.

Despues cu e proyecto a cuminsa na 2013, e prome edificio Multifuncional, di Noord, a bay den servicio mita di 2015 y a demostra di tin un rol importante pa comunidad



di Noord y Aruba en general. Na e momentonan aki ta trahando duro riba construccion di MFA di Paradera y ta den un fase avansa y diamars a tuma luga e firmamento pa inicio construccion edificio di MFA Savaneta.

E trabou di diseño tabata den man di un arkitecto hoben di Savaneta, Ivar Serge Thijsen, kende a expresa di ta hopi entusiasma di mira su diseño, cu ta basa riba e tema di lama, bira realidad. "Unda cu mi bay Savaneteronan ta puntra mi ki dia ta cuminsa construi e edificio aki," Thijsen a expresa despues di e ceremonia di firmamento. "Mi ta contento di informa nan cu e acuerdo a wordo firma y e trabounan ta cuminsa dia 8 di mei awor."

Edificionan Multifuncional (MFA) ta un vision di Prome Minister Mike Eman, kende a haya asistencia di un team di hobennan profesional manera e.o. Anky Vrolijk, Jamil Werleman y Omar Harms, kendenan a guia henter e proceso di preparacion te na su ehecucion.

E tipo di edificionan aki den e barionan di Aruba "ta importante pa desaroyo di servicio na nos comunidad y un desaroyo importante pa rebiba algo cu ta forma un parti esencial di e caracteristica di nos comunidad," Minister Eman a expresa despues di a firma e acuerdo.

E acuerdo a keda firma pa Minister Mike Eman, Minister encarga cu Infraestructura Benny Sevinger y John Hodgson di SOGA, cu ta en-

carga cu financiamiento di e proyecto.

Gobierno a pone un area di 3400 m2 di tereno disponibel, situa patras di Valero Savaneta, pa construccion di e edificio aki, cu mester ofrece, mescos cu e otro MFA-nan, un ambiente placentero tanto pa e empleadonan como pa cliente. E prome oficina den e edificionan MFA lo ta Oficinanan Auxiliar di Gobierno.

E proyecto di construccion di MFA Savaneta a wordo otorga na Custom Contractors NV, despues di a gana e destaho publico pa por construi e facilidad multifuncional na Savaneta.

Gabinete Mike Eman II ta spera cu denter di algun luna, e edificio di Paradera ta bay



den uzo pa brinda un servicio na tur e barionan den cercania. "Cu esaki nos ta sigui traha pa yega na barionan di cinco strea cu servicionan di 5 strea. Un comunidad unda cu tin un ekidad social husto," Prome Minister Mike Eman a expresa cu hopi alegria. □

*Minister Sevinger:*

## Vision 2020 di Prome Minister tur dia ta bira mas visibel

**ORANJESTAD** - Minister di Infraestructura y Integracion Benny Sevinger a muestra su aprecio y orguyo ora a duna e señal di start pa 'Smart Community Aruba' dialuna atardi, poniendo e penchi unda e terreno a keda delinea.

Den su discurso dilanti un cantidad grandi di invitado na Kibaima, unda e 20 viviendanan ta keda construi, el a gradici Prome Minister pa su vision. "Un vision cu tur dia e ta dun'e su contenido, un vision cu cada dia e ta bira mas visibel."

Den e bario pintoresco di Kibaima e 20 viviendanan cu hunto ta forma e proyecto 'Smart Community Aruba' ta wordo construi segun e tecnologianan mas moderno y avansa riba tereno di sostenibilidad. Pa por biba den

un di e casnan esnan interesa por inscribi na FCCA y eynan ta haci e seleccion. Esaki ta bay segun un procedura cu FCCA a introduci.

Minister Sevinger: "E proyecto a tarda un poco pa start, pero manera ta wordo bisa 'tur cos bon tin su ora pa cuminsa'. Nos ta contento cu awe nos ta dal e prome paso pa e proyecto start sali. Aki 11 luna, na tempo, nos ta bolbe para aki pa tuma e yabi di e prome cas pa asina e prome ciudadano di e proyecto por dreña aden." Sevinger a bisa cu pa Infrateam e proyecto ta un otro paso importante. "Ora e vision 2020 a bin dilanti, den oposicion caba y bou guia di nos actual Prome Minister Mike Eman, a tuma e reto cu cada granit cu pone pa cana den e direccion ey, ta pa contribui na

un miho Aruba. Den esaki 'Smart Community Aruba' ta hunga un rol importante, no solamente pa nos generacion, pero principalmente pa futuro generacionnan cu tin cu siña biba miho cu nos y construi miho cu nos. Pa nos di Infrateam innovacion ta halto riba agenda y tin un concentracion grandi riba e tema aki. Na DOW esaki sigur ta e caso." Minister Sevinger a muestra riba Green Corridor cu ta bayendo San Nicolas cu tur tecnologia nobo cu tin, mescos ta pasando den e barionan cu gobierno ta renobando unda ta crea mas espacio pa publico. Algo cu antes no tabatin, pasobra tabata crea espacio pa auto so. "Esaki ta e cambio cu a bin cu sostenibilidad. Crea infraestructura pa hende cu ta miho pagabel y miho den calidad." □





*Prome Minister Eman:*

**"Aruba tin partnernan cu boluntad, curashi y determinacion pa logra cosnan grandi"**



**ORANJESTAD - Na Kibaima, riba un cerito, tabatin un ceremonia pa motibo di lansamento oficial di e proyecto alentador 'Smart Community Aruba'.**

E evento cu a bay acompaña pa un ambiente di optimismo, tabata bon atendi cu habitantenan di e bisindario, directornan di departamento di gobierno y institucionnan priva, partnernan di e proyecto, varios parlamentario y ministernan de Meza, Sevinger y Eman. E esfera cu tabata reina tabata uno positivo mirando e embergadura di e proyecto 'Smart Community'. Su construccion ta den porta mirando cu e prome parti mester keda cla den 11 luna. Un proyecto cu ta consisti di 20 vivienda cu ta bay

haci uzo di e tecnologianan mas 'berde', moderno y avansa cu tin riba tereno di sostenibilidad. Un bon proyecto cu ta pone Aruba den vitrina mundial un bes mas.

Prome Minister Mike Eman, kende semper a kere den sostenibilidad y a hiba al cabo e concepto 'berde' di su Gabinete y sigur su vision 2020. For di bankinan di oposicion caba, Eman y su team tabata traha hunto riba plannan pa logra un Aruba sostenibel. Ta p'esey cu no por ta otro cu dialuna atardi e Prome Mandatario di pais Aruba tabata un homber orguyoso y satisfecho cu lansamento di 'Smart Community Aruba'. Eman a cuminsa su discurso bisando 'if it was easy everyone would do it'. "Nos ta para aki un par di aña despues cu



nos a pone como meta pa inicia e proyecto aki. El a tardi un poco paso pasobra cu e proyecto a resulta di ta uno cu retonan grandi y cu un vision cu ta surpasa loke nos ta haci a base diario den nos pais. Pa un proyecto manera esaki bo mester di partnernan cu ta kere den vision, cu kier tuma riesgo y cu kier surpasa bareranan y crusa fronteranan pa asina habri oportunidadnan nobo." Prome Minister Eman a gradici tur e partner-

nan involvi, pasobra ta dificil pa surpasa reto y bareranan si bo tin partnernan cu ta comparti e mesun pensamiento y vision cu bo. Eman a gradici e team di FCCA y muy en particular su director Sr. van Poppel, Caribbean Branch Office TNO, Jan Ebbing y su team, companianan di utilidad WEB NV, EMAR NV, tambe SETAR NV, arkiecto Mathews, Wegenbouw y Albo NV, e bisiñanan di Kibaima y su coleganan Sev-

inger y de Meza.

"Aruba tin partnernan cu e boluntad, curashi y determinacion pa logra cosnan grandi pa nos pais. Mi ta gradici nos Creador y pidi'e pa sigui guia nos riba e bon caminda pa por realiza cosnan grandi pa Aruba."

Despues a sigui ponemento di e 'penchi' unda e tereno di e proyecto ta wordo delinea, indicando asina cu e proyecto a start sali. □

*Partido MEP:*

**Ta recorda 25 aña di reapertura di e refineria!**

**ORANJESTAD- Ayera 20 di april nos ta recorda cu 25 aña pasa Gabinete Oduber a percura mediante Coastal Oil Corporation pa reapertura di e refineria na San Nicolas.**

E refineria aki cu durante mas cu 60 aña tabata forma parti importante den Aruba su desaroyo economico a dicidi pa motibonan economico di cera su porta dia 31 di maart 1985, pues na bispo di entrada di nos Status Aparte. E gobierno di MEP di e tempo ey a haci tur intento pa bolbe habri e refineria, pero e periodo den gobierno a termina na final di 1985. Na December 1985 AVP a drenta gobierno y den e añanan cu a sigui ningun intento a wordo haci pa cu un posibel reapertura di e refineria. Hecho ta cu dia 29 di januari 1988 Gabinete Eman a firma cu e compania Hulandes Schotte Sloopwerken y Westcoast pa desmantela e refineria completamente. E noticia a causa

hopi dolor den pueblo, ya cu e decision aki a trece un fin na e speransa cu e refineria lo bolbe habri un dia.

**Salbacion di e refineria**  
Danki Dios cu na januari 1989 a tuma luga e eleccion di Staten y cu MEP, PPA y ADN a logra forma un coalicion y cu decision a wordo tuma pa para di inmediato e desmantelacion di e refineria. Asina cu Sr. Nelson Oduber a asumi responsabilidad como Prome Ministro na februari 1989, el a apunta un team di negociado pa asuntonan di refineria y petroleo. Dia 28 di maart 1989, apenas un luna y mey despues di a drenta gobierno, ex Promer Ministro Nelson Oduber a ricibi representantenan di Coastal Oil den su despacha. Despues a sigui negociacionnan largo y complica y dia 23 di juni 1989 ambos partido a firma un 'letter of intent'. E contracto a encera e.o. cu e refineria lo permanece minimalmente 20 aña na Aruba. Dia 19 di

october 1989 Parlamento di Aruba a aproba e contracto cu Gabinete Oduber a firma cu Coastal Oil. Despues di trabaonan duro y intensivo e reapertura a bira realidad dia 20 di april 1991, esta riba un dia manera awe 25 aña pasa.

**AVP a cera e refineria**  
Lamentablemente nos mester constata cu despues cu e refineria a opera exitosamente desde April 1991, debi na incapacidad y falta di boluntad di Gabinete Mike Eman, e refineria a stop definitivamente cu su operacion y a cera su porta dia 15 di November 2012. No mester lubida con durante 3 aña largo tanto Prome Minister Mike Eman como Minister Mike de Meza a keda tira santo den wowo di pueblo, a biaha rond mundo y cu yen di show y fantasia a crea speransa falso den pueblo cu nan lo percura pa continuacion di e refineria. Hecho ta cu durante un temporada largo Gabinete Eman tabata sa caba di e des-



tino di e refineria, pero tabata tuma e trahadonan di Valero y e pueblo Arubano haci, ya cu ta e gobierno aki mes finalmente a percura pa cera e refineria.

**Mentalidad y actitud**  
Claramente nos por mira e diferencia di mentalidad y actitud cu ta existi entre e gobernantenan di MEP y AVP: Gabinete Oduber den apenas 7 luna di tempo a percura pa firma un contracto cu Coastal Oil pa reapertura di e refineria y cual refineria tabata cera y tabata wordo desmantela e tempo ey y

Gabinete Mike Eman den 3 aña di tempo a logra di cera e refineria cu tabata completamente operacional. Aki un y tur por mira cu gobierno di MEP si tabata tin e curashi y determinacion pa habri un refineria cu durante 20 aña a percura pa un progreso substancial na San Nicolas y vecindario.

Awe den e simannan nos dilanti nos ta sinta warda kico lo ta bay ta e actitud y mentalidad di Gabinete Mike Eman pa loka ta e posibel reapertura di e refineria mediante CITGO/PDVSA. □



*Minister Michelle Hooyboer-Winklaar:*  
**Colegio Sagrado Curason ta feliz  
cu nan "speelplaats" asfalta**

**ORANJESTAD** - "E ta hopi great mes cu nos ta haya asfalt, pa motibo cu esun cu tabatin ta mas cu 60 aña bieu y ya e capanan a lanta, tabatin buraco, un situacion basta peligroso", asina Meneer Garriek Thode, cabesante suplente na Colegio Sagrado Curason a duna di conoce. E scol a lanta awe cu asfalt nobo basha, cu mesora ta cambia henter e cara di e scol.

E cabesante suplente a sigui conta cu specialmente den pauze, ora cu nan ta hunga, tabata masha peligroso, especialmente ora muchanan cay, etc. Ta for di basta tempo nan tabata anhela pa por a yega na

turno pa haya un capa di asfalt nobo, pa cual nan a keda masha gradici pa e empeño di Minister Michelle Hooyboer-Winklaar pa por a inverti den renoba e tereno di scol cu asfalt nobo.

"Awor aki ya por nota un cambio drastico, muchanan ta hunga cu masha alegria riba dje", asina Meneer Thode a conta cu un sonrisa grandi di satisfaccion riba su cara. E sonrisa ta representa tanto aña cu a spera pa yega na turno pa renobacion y na mes momento e ta representa e satisfaccion pa por sigui duna les den un scol cu facilidadnan renoba.

Mester menciona cu ta spe-

rando pa e asfalt caba di seca un poco mas, pa por cuminsa verf y pinta weganan riba dje. Di e forma ey e alumnonan lo por hunga miho ainda y cu mas smaak. E studentenan a expresa nan alegria pa e cambio, cu awor nan por hunga riba un tereno mas sigur, cu nan bala y cu otro weganan pa diberti prome cu scol, durante pausen y hasta despues di scol un rato, prome cu bay nan cas.

"Ta un tiki pret pa bisa, pero hasta e maestronan ta haci uzo di e tereno awo den oranan di merdia pa cana, den cuadro di ehercicio pa nan mes", asina e cabesante a termina bisando cu un bos orguyoso. □

*Elton Lioe-A-Tjam, (ABO):*

**Debe nacional a subi cu 600 miyon florin.  
Pues mas medida y 'Ainda falta'**

**ORANJESTAD** - **Mester duna elogio unda e ta mereci. Pero parce cu awendia den nos politica local, esaki solamente por wordo duna na esun cu tin e mesun color politico. Esaki ta algo di mucha chikito y algo di pasado. P'esey no kier felicita e minister di Financia pa su trabou cu e cuentanan anual.**

Lesando e cuenta anual 2014, pueblo por haya un bon impresion con diferente politico a abusa di e placa di pueblo durante añanan largo. Tin biaha hasta den forma contra ley. Por ehempel e cobramiento di 'premie' di SVB y APFA, pero nunca gobierno tabata pasa esaki pa e fondonan. Of cu clandestinamente nan a pone pueblo para garantia pa diferente proyecto dudoso, y na final pueblo mester a paga e garantianan sin a ricibi algo a cambio.

Tur esaki a conduci cu awendia Aruba ta bancarota y medida tras di medida ta wordo tuma riba lomba di pueblo, pa sana e desastre financiero cu algun partido tradicional a causa.

Pero parce cu ainda tin politiconan tradicional cu no ta compronde cuanto sufrimiento esaki a trece pa pueblo. Ainda miyones ta wordo mal gasta riba proyectonan dudoso Tur pa djis laga pueblo

kere cu proyectonan ta sinonimo cu bon gobernacion. En realidad, e proyectonan aki tin e solo meta pa tira santo den wowo di pueblo. Asina pueblo lo no por mira bon cu algun politico tradicional a bira miyonario. Hasta awendia e no ta importa e politico tradicional mas cu ta placa di pueblo e ta malgasta. Confirmacion di esaki a bin siman pasa den parlamento, ora e minister di Infraestructura a bisa 'I don't care' (E no ta worry). Exacto, e no tin cu worry pasobra e 'si ta den', e no ta su placa cu ta wordo malgasta, e tambe a haci pueblo adicto na e droga show y fiesta y na final ta pueblo lo paga toch!

Ora pueblo a pensa despues di e show 'Welga di hamber y Ensure' y CAft, cu porfin tin claridad riba con grandi e debe nacional ta, a consecuencia di e maneho 'un tiki rood', ata e minister di Financia ta bin cu un otro sorpresa. Durante su presentacion di e cuenta anual 2014, e la declara cu 600 miyon florin a wordo gasta sin aprobacion di parlamento. Y awor segun e ley LAft, e 600 miyon florin aki, mester wordo 'acomoda y hinca den e siguiente presupuesto' (Staten, 13 April 2016).

Conclusion, e debe biyonario a crece cu 600 miyon florin mas. Pues mas medida mes-

ter wordo tuma pa alcanza e metanan cu a wordo palabra cu Hulanda.

Parce cu e noticia aki of e descubrimiento di Raad van Advies cu gobierno ta sigui actua ilegal 'Er bestaat thans gereide kans dat in de toekomst de ontwerp-landsverordening tot vaststelling van de exploitatierekening zal worden aangewend om achteraf machtiging te verlenen', no a spanta nos gobernanten. Siman pasa mes, e minister di Infraestructura a sigui riba e mesun manera 'ilegal' cu e 'Watty Vos Boulevard'. Un caminda cu lo costa pueblo 835 miyon florin. Pues kibrando asina su mesun record di 750 miyon florin pa e 'tweebaansweg Caminda Scur'.

Antes gobernantenan y parlamentarianan por a sconde tras di e argumento cu no tabata tin suficiente informacion.

Cu e cuentanan anual, awor si tin tur informacion riba e situacion delicado financiero riba mesa. Anto dicon sigui hinca pueblo den mas debe cu proyectonan innecesario? Dicon nunca tin placa pa pueblo, pero si pa proyectonan cu un 'finder's fee'? Un aumento di 600 miyon florin riba e debe biyonario no ta suficiente? Esaki ta 'Bon Trabou'? □

*Elton Lioe-A-Tjam (ABO):*  
**Caso Zissu a mustra claramente  
cu ilegalidad por wordo legalisa**



**ORANJESTAD**- **Diamars 19 April 2016, Corte Superior a duna su veredicto den e caso di e 'Boutique Hotel Zissu' (KG 2728/15 ghis 77855-H 41/16). Interesante den e veredicto aki ta e motivacion 2.5.**

Motivacion 2.5: 'Het Hof constateert dat Zissu thans beschikt over de benodigde bouwvergunning en hindervergunning. Verder zijn de te ontplooiën commerciële activiteiten thans in overeenstemming met de bestemming van het perceel, nu de erfpachtbestemming bij notariële akte van 5 januari 2016 is gewijzigd.'

Pues e sentencia a sali na favor di 'Boutique Hotel Zissu', pasobra e 'erfpachtbestemming' a wordo cambia y e construcion a bay 'conform een door de Dienst Openbare Werken af te geven bouwvergunning'.

Loke e motivacion aki ta bisa, cu despues cu 'Boutique Hotel Zissu' tabata (casi) cla, e 'erfpachtbestemming' a wordo cambia riba 5 januari 2016. Sin e cambio di 'erfpacht', un permiso di construcion no por wordo duna. Pero straño ta cu e proyecto tabata (casi) cla dia cu e la haya e permisonan legal. Pues con un proyecto por a wordo ehecuta sin e permisonan necesario, pa despues bira legal?

Locual e corte a confirma, ta locual a para bira normal aki na Aruba. Awendia hopi construcion ilegal ta tumando luga, cu of sin cooperacion di e algun departamento di Infraestructura, pa despues core 'legalisa' e acto ilegal cu un permiso di construcion of cambio di 'erfpacht'. Hopi di e legalisacion nan aki, ta sosode despues cu e 'afortunado' a haya un 'krabbeltje voor akkoord' di e minister.

Cu tur e actonan ilegal ta trece problema of molester den bario, parce cu esaki no ta importante mas. Cu diferente ley nan ta wordo kibra of cu un minister ta abusa di su 'discretionaire bevoegdheid', tampoco no ta importante mas.

Anto e no ta nada straño cu e tranquilidad den diferente bario a disparce, e inseguridad a aumenta y hopi hende cu a bin for di exterior ta kere cu ta nan ta doño pasobra nan tin acceso directo na e 'krabbeltje' di e mandatario.

Con pueblo su interes ta wordo sirbi asina? Kisas esaki ta wordo haci intencionalmente, pa semper tin e excuus politico di cu e lo ta dificil pa implementa un bon y transparente maneho di orden teritorial manera tur cos ta bruha caba?

Den e caso di 'Boutique Hotel Zissu', a wordo mustra claramente cu gobierno mes a causa e problema pa despues 'legalisa' e infraccion.

E veredicto ta mustra tambe, cu bay corte no ta yuda. Pasobra esun cu a actua contra ley, sa mientrastanto cu e por logra legalisa su infraccion despues via e mesun departamentonan cu tin cu duna y controla permiso. Preguntanan:

1. Kico ta e reglanan pa cambia 'erfpachtbestemming' y kende ta dicidi pa cambi'e?
2. Dicon construccinnan ilegal ta wordo legalisa despues, en bes di castiga?
3. Dicon e poder hudicial no por tene cuenta cu e 'algemeen belang' y e principionan di bon gobernacion, manera tur hende sa cu e podernan ehecutivo y legislativo no ta funciona aki na Aruba?
4. Ki dia e interes di pueblo ta wordo sirbi y cuanto mas abuso e pueblo aki tin cu wanta di mal gobernantenan? □



## General Israeli ta adverti di un guerra devastado cu Hezbollah



**JERUSALEM (AP)** – Un lider militar Israeli a manda un advertencia fuerte diaranson, pa e grupo di militante Libanes, esta Hezbollah, bisando cu cualkier guerra den futuro entre e 2 enemigonan,

lo trece daño pisa pa Libanon. Maj. Gen, Yair Golan, hefe diputado di staff di Israel, a bisa periodistanan stranhero cu Hezbollah a desaroya capacidad cu ta representa menasanan pa Israel nunca bisto.

Israel ta calcula cu e grupo tin mas cu 100 mil rocket y misil den su arsenal.

Golan a bisa cu cualkier guerra den futuro lo ta hopi mas fuerte cu cualkier cos cu nan a experencia den e ultimo 20 añanan.

“Den cualkier crisis den futuro, nan lo no mira un guerra chikito na Libanon. E lo ta decisivo. E lo ta un guerra completo”, el a bisa.

Esey lo por crea daño devastado pa Libanon, incluyendo na areanan civil, caminda el a bisa Hezbollah ta sconde y opera. “No tin niun otro manera pa caba cu e menasa aki sin crea daño grandi na infraestructura Libanes, na casnan Libanes y otro facili-



dadnan civil.”

Israel y Hezbollah a bringa un guerra di un luna largo den zomer di 2006.

E bringamento a cobra bida di 1200 Libanes, incluyendo algun cien civil, y mas o menos 160 Israeli. Atakenan aereo

Israeli a causa daño grandi na infraestructura Libanes, mientras cu Libanon a tira varios rocket den Israel. Oficialnan Israeli a bisa cu Hezbollah a mehora su arsenal di misil y awo ta capaz di ataca virtualmente unda cu ta na e pais.

## Harriet Tubman ta reemplasa Andrew Jackson riba \$20

**WASHINGTON (AP)** – Harriet Tubman, un abolicionista Afro Americano cu a nace un catibo, lo para hunto cu George Washington, Abraham Lincoln y Benjamin Franklin, como un di e caranan iconico riba placa Mericano.

E biyete di \$20 lo tin Tubman su cara riba dje dilanti, cual ta un logro historico, Secretario di Tesoreria Jacob Lew a anuncia diaranson. Tubman lo bira e prome Afro Americano riba placa y e prome muhe den 100 aña.

E lider di “Underground Railroad” lo reemplasa e potret di Andrew Jackson, kende tabata e pais su di 7 president y un doño di catibo, cu lo wordo poni parti patras di e biyete.



Lew a calma e reaccion negativo cu a cuminsa despues cu

el a anuncia e plan inicial pa kita Alexander Hamilton di \$10, kende tabata e prome Secretario di Tesoreria, pa rindi honor na un muhe.

Hamilton lo keda riba e biyete di \$10, Lew a bisa. Na su luga, e edificio di Tesoreria na parti patras lo wordo cambia pa conmemora e marcha na 1913 cual a termina na e trapinan di e edificio, cual tabata inclui lidernan manera Lucretia Mott, Sojourner Truth, Susan B. Anthony, Elizabethh Cady Stanton y Alice Paul.

E parti patras di e \$20, cual awo tin Cas Blanco, lo wordo cambia pa inclui Cas Blanco y Jackson, kende su estatua ta na e otro banda di caminda na Lafayette Park.

E \$5 tambe lo tin cambio, pa inclui lider di derechonan civil Martin Luther King Jr., Marian Anderson y Eleanor Roosevelt.



## Periodista cu a yuda revela Panama Papers ta skirbiendo un buki



**NEW YORK (AP)** – Un reportero ganado di Premio Pulitzer, cu a yuda trece Panama Papers den publicidad, ta trahando riba un buki di descubrimentonan.

Henry Holt and Company a bisa AP diaranson, cu Jake Bernstein su buki “Secrecy World” lo sali na 2017. Segun Holt, Bernstein lo duna un prome bista completo tras di e miyones di record cu ta muestra con esunnan di mas

rico na mundo a uza companianan y otro tacticanan pa evita di paga impuesto.

Bernstein tabata parti clave den e team cu a wordo trece hunto pa International Consortium of Investigative Journalists, cual a conduci e investigacion di un aña largo di e documentonan.

Den un declaracion duna via Holt, Bernstein a bisa, “Panama Papers a trece un dia nobo den colaboracion periodistico, cual impacto ta solamente cuminsando.”





*A haya cocaina*

# Tunnel di mey miya haya na frontera entre Mexico y Merca



**SAN DIEGO (AP) –** Autoridadnan Mericano a bisa cu diaranson nan a descubri un tunnel pa crusa frontera cu tabata mey miya largo, di un cas na Tijuana, ekipa cu un lift grandi, pa un lote na San Diego, cual tabata wordo propaganda como un negoshi di pallet. E descubrimiento aki a resulta den e intercepcion di mas cu un ton di cocaina y 7 ton di marihuana.

E tabata e di 13 tunnel sofisticada cu a wordo haya na e frontera di California cu Mexico, desde 2006, incluyendo 3 riba e mesun caya na San Diego, cu ta core paralel cu e waya di frontera y un barrio residencial masha habita na e banda di Mexico. E tunnel cu ta inusualmente smal tabata solamente 3 pia hancho, ekipa cu un sistema di rail y ventilacion. E tunnel ta inusual, pasobra e tabata wordo uza pa cocaina, no djis pa marihuana, fiscal di California Laura Duffy a bisa. Hopi biaha tunnelnan ta wordo construi pa marihuana, pasobra e ta wordo transporta na cantidad grandi y e holo lo hacie mas dificil pa sconde di

e inspectornan na frontera, compara cu cocaina y otro droganan. E lift, cual ta grandi suficiente pa tene 10 hende, tabata den un cashi na e cas na Tijuana, Duffy a bisa. E tunnel tabata zig zag pa 874 yarda pa e lot comercial na San Diego, caminda e salida tabata tapa pa un baki di sushi grandi. Otro tunnelnan cu a caba na California tabata den casnan y depositonan. “E ta un buraco di coneu”, Duffy a bisa reporteronan. “Djis con e ta bin ariba den habri, e ta increibel, e ta algo completamente diferente cu



nos a yega di mira.” Investigadonan no sa ki tempo e tunnel a wordo completa. Margarita Ontiveros, kende ta traha na un oficina di abogado banda di e lot na San Diego, a bisa cu e habitantenan a yega mas o menos un aña pasa y tabata cumpra y bende palletnan di palo regularmente. “Nan tabata hiba y trece

hopi pallet”, Ontiveros a bisa. “Nan tabata bende nan barata.” Investigadonan a cuminsa monitor e lot diariamente aña pasa, despues cu agentenan di Patruxa di Frontera cu ta traha na e area, a mira trafico pisa y a bira sospechoso, Duffy a bisa. E fiscal a bisa cu e tabatin confiansa cu e prome cargamento di droga

pa un parkeerplaats na San Diego, un investigado di US Customs Enforcement Homeland Security Investigation, a bisa. Dos dia despues, agentenan di San Diego a stop un truck despues cu el a sali di e parkeerplaats, nan a haya 2.240 liber di cocaina y 11.030 liber di marihuana. Marihuana haya den e tunnel



a wordo manda na comienso di luna, pero no a descarta e posibilidad cu algun a pasa sin wordo detecta. Seis hende a wordo aresta na San Diego diabierna, relaciona cu droga y crimennan relaciona cu e tunnel, incluyendo un ciudadano Mericano, 2 Cubano cu a haya asilo y 3 Mexicano kendenan legalmente tabatin derecho di ta na e pais, Duffy a bisa. Autoridadnan a mira un baki di sushi wordo lanta cu un forklift y poni riba un truck na e lot na San Diego dia 13 di april ultimo, y a siguie

y den e baki di sushi tabatin un peso total di mas cu 7 ton, autoridadnan a bisa. E descubrimiento ta muestra cu tunnelnan ta apela na traficantenan, a pesar di e tempo y placa cu ta tuma pa construi un. Algun dozijn a wordo haya den añanan recien, mayoria na California y Arizona. Hopi di nan no tabata completa. E region entre San Diego y Tijuana ta popular pasobra e tera ta manera klei y ta relativamente facil pa coba cu shobel y hermentnan pneumatico, y tur 2 banda di e frontera tin depositonan cu ta provee espacio scondi pa e trucknan y ekiponan pisa. □





Paardenbaastraat 10, Oranjestad, Aruba Tel.: (297)5257555

[www.lottoaruba.com](http://www.lottoaruba.com)

Resultado di Sorteo 20 April 2016 Anochi

<b>CATACHI</b>
Sorteo # 5852
<b>9654</b>
<b>9588</b>
<b>5494</b>
<b>BIG 4</b>
Sorteo # 4896
<b>3149</b>
<b>ZODIAC</b>
Sorteo # 3655
<b>8374</b>
<b>Capricornio</b>
<b>KORSOU</b>
Sorteo # 1337
<b>8544</b>
<b>9881</b>
<b>7376</b>

<b>LOTTO 5</b>	<b>03-16-29-30-35</b>
Sorteo # 1684	Joker 23 Letter H
0 x Jackpot	
0 x Match 4+	
3 x Match 4	
66 x Afl. 12,00	<b>150.000,00</b>

<b>LOTTO DIA</b>	<b>13-19-23-26-29</b>
Sorteo # 3678	Proximo Jackpot
0 x Jackpot	
7 x Match 4	
114 x Afl. 8,00	<b>69.000,00</b>

<b>MEGA</b>	
Sorteo #	Mega Ball
0 x Jackpot	Proximo Jackpot
0 x match 4	
0 x Afl. 500,00	
0 x Afl. 50,00	
0 x Afl. 15,00	<b>270.000,-</b>

<b>MEGA PLUS</b>	<b>Afl. 100.000,-</b>
------------------	-----------------------



Bo cadena di numbertan di suerte ta duna e number di awe

**DIARIO** 8155, 0309, 3074

**DIARIO**

**SUPER 4** 0023

**SUPER 4**

**Sto. Domingo**

**GOLAZZO** 0019, 4674, 9951  
**GOLAZZO**

Paardenbaastraat 10, Oranjestad, Aruba Tel.: (297)5257555

[www.lottoaruba.com](http://www.lottoaruba.com)

Resultado di Sorteo 20 Apr 2016 Merdia



<b>CATACHI</b>
Sorteo # 1480
<b>0823</b>
<b>9223</b>
<b>3069</b>
<b>BIG 4</b>
Sorteo # 1480
<b>4186</b>
<b>ZODIAC</b>
Sorteo # 1480
<b>3414</b>
<b>Sagitario</b>
<b>KORSOU</b>
Sorteo #

<b>LOTTO 5</b>	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	<b>140.000,00</b>

<b>LOTTO DIA</b>	
Sorteo #	Proximo Jackpot
0 x Jackpot	
0 x Match 4	
0 x Afl. 8,00	<b>68.000,00</b>

<b>MEGA</b>	
Sorteo #	Mega Ball
0 x Jackpot	Proximo Jackpot
0 x match 4	
0 x Afl. 500,00	
0 x Afl. 50,00	
0 x Afl. 15,00	<b>270.000,-</b>

<b>MEGA PLUS</b>	<b>Afl. 100.000,-</b>
------------------	-----------------------



**Aries**

Lo inespera ta e formula den e ultimo dianan aki di november. Despues di un encuentro casual cu un hende, lo bo sinti bo mes mas inclina na dje. Numbertan pa awe: 8, 18, 21 y 30.



**Tauro**

E circunstancianan ta birando bek pa abo. Den e momentonan aki bo ta den un posicion pa saca bo plannan padilanti y pone bo pianan riba tera. Numbertan pa awe: 6, 15, 34 y 50.



**Geminis**

Bo ta den un tono yena di posibilidad. Cierito recuerdonan excitante lo pone bo yama y pone bo den contacto cu un hende cu bo tin hopi tempo sin wak. Numbertan pa awe: 7, 14, 19 y 26.



**Cancer**

Bo dirigente, Luna, ta yena bo cu hopi entusiasmo. Mantene bo mes alerta. Awe lo bo tin e opcion den bo man, e manera pa tuma un eleccion personal importante. Numbertan pa awe: 7, 19, 37 y 41.



**Leo**

Amor y amistad ta envolver bo. Hopi situacion cu den pasado tabata confuso ta cuminsa solucionan. E cuestionnan asocia cu negoshi pa cuenta propio ta bon auspicio. Numbertan pa awe: 27, 38, 43 y 51.



**Virgo**

Loke ta pasando ta haciendo bo bon. Ta surgi situacionnan cu por causa bo preocupacion innecesario debi na e exceso di atencion cu bo ta pone na detayenan. Numbertan pa awe: 9, 17, 25 y 36.



**Libra**

Bo ta haya forman excelente pa resolve bo problemanan. Awe ta un dia di reflexion caminda bo ta pensa riba e forma cu bo tin cu enfrenta bo problemanan. Numbertan pa awe: 5, 17, 22 y 26.



**Scorpio**

Loke tabata un fantasia, un soño, un utopia, lo materialisa. Aumenta bo suerte y pone bo mes den un posicion bentahoso na momento di efectua un negoshi. Numbertan pa awe: 18, 20, 32 y 36.



**Sagitario**

Amor y fortuna ta faborece bo. Ta depende di bo si bo ta probecha di nan. No obstante cosnan no semper ta sali segun nos deseo. Numbertan pa awe: 8, 17, 28 y 46.



**Capricornio**

Loke menos bo a spera ta esun di miho. Lo bo bay tin den bo man diferente opcion, solucionnan cu lo yuda bo resolve cuestionnan cu tabata haci bo inkieto. Numbertan pa awe: 3, 12, 22 y 31.



**Aquario**

Bo preocupacionnan ta haya un expresion positivo. Si tabata tin dificultad, corda cu tin un posibel areglo. Den cuestionnan economico, por tin ansiedad. Numbertan pa awe: 11, 14, 25 y 34.



**Pisces**

Hopi cuidao na momento di tuma un decision. Venus ta manda un toke di ternura pa bo bida familiar y un persona stima lo acerca bo cu un noticia cu bo tabata spera. Numbertan pa awe: 12, 22, 33 y 47.



TPEF:

## Aruba por ta orguyoso di ta un pais hopi desaroya y structura den Caribe

**ORANJESTAD-** E proyecto di e bueynan den nos awanan na diferente beachnan ta un proyecto cu aunke no ta forma parti directo di e Beach Policy, por bisa cu e ta cana man den man cu e manejo nobo pa regulacion na nos beachnan.

E ta un proyecto cu a bay relativamente lihe unda awe por bisa cu ta satisfecho con henter e proceso a cana.

Presidente di hunta di supervision TPEF Sr. Joe Najjar a duna di conoce cu a inicia e proyecto na Baby Beach unda cu ya caba comunidad di Aruba y turistanan cu ta bishita Baby Beach ya caba sa unda ta e area specifico adecua ta cu nan por yega pa por landa sin ta den e coriente peligroso. Un area marca cu buey. No ta prome biaha cu ta pone buey na Baby Beach pero tabata tempo pa pone nobo. Un inversion grandi di TPEF

y cu ta conta cu sosten di nos comunidad pa cuida nan.

Dialuna mainta a haci un acto oficial pa anuncia e proyecto aki cu sigur ta na beneficio di tur cu ta haci uzo di nos lama. A haci e anuncio na Arashi cu ta bira e di dos beach cu awor ta conta cu buey pa percura pa e seguridad di e usuarianan cu hopi biaha ta turista pero cu hopi local tambe gusta tira un sambuya specialmente den fin di siman.

Minister di Turismo, Transporte, Sector Primario y Cultura tabata presente pa asina mira con e compania Sea Solutions cu a keda encarga cu e proyecto con nan ta ehecutando e trabaonan poniendo e bueynan riba e areanan stipula. Den e simannan nos dilanti lo por mira instalacion di buey na e otro beachnan manera Boca Catalina y Malmok cu tambe lo haya e bueynan necesario manera stipula den e plan di e proyecto. Presidente di hunta di supervision di TPEF ta contento con e proceso y colaboracion di tur e partnernan manera DIP, Polis Maritimo, Departamento Maritimo y Ministerio di Turismo, Transporte, Sector Primario y Cultura treciendo un bon producto y seguridad riba nos beachnan y awa pa tur e usuarianan. TPEF semper lo sostene cada proyecto cu ta na bienestar di Aruba en general. Awor por mira un structura riba lama y tera pa asina tur cos cana bon tanto riba lama y riba tera. TPEF a pone disponibel den careda di 150 mil florin pa asina por haci e proyecto aki posibel. Mester bisa cu e logro aki ta pa Pais Aruba unda cu e desaroyo pa tin un miho producto cada biaha ta cumpli cu e meta y vision di Minister

Otmar Oduber. Aruba por ta orguyoso di ta un pais asina desaroya y structura den Caribe. Poniendo energia positivo pa tur e trabaonan pa desaroya Aruba y crea un imagen unico na momento cu mester mercado Producto Aruba. E presidente di hunta di TPEF ta duna pabien na Aruba cu e proyecto di buey. Dentro di algun luna por bisa cu tur nos beachnan ta cla cu buey definiendo e areanan pa percura pa seguridad di un y tur.



## Fiesta Rotaria 2016 tabata un gran exito rotundo!

**ORANJESTAD-** Diadomingo dia 17 di april 2016 ultimo, Rotary Club di Aruba a tene su di 36 Fiesta Rotaria anual cu tabata un exito.

Di mainta trempa publico tabata presente pa asina logra haci nan compras. E tentnan tawata hopi bon surti y e publico grandi presente por a disfruta di prijsnan hopi special. Pa e parti di show y mu-

sica tabata tin un programa varia pa e publico grandi presente por a disfruta. Y na final di atardi a premionan grandi a wordo saca pa notario. E numbernan ganado ta como lo siguiente:

1st Nissan Qashqai Advance Automatic Transmission model 2016: #02989  
2nd All-in Cruise for 2, sailing from Aruba from Maduro Travel: #06154

3rd 2 tickets Aruba-Amsterdam-Aruba on KLM: #02038  
4th: 60-inch Samsung Smart LED TV from AMC Unicon #08210  
5th iPhone 6S Plus, 16GB factory unlocked from Boolchand's: #06678  
6th Awg 1,500 gift certificate from Kooyman: #01675  
7th Awg 1,500 Kompa Leon Money card from CMB: #11423  
8th Awg 1,500 gift certificate from Boolchand's: #00731  
9th Awg 1,000 gift certificate from Superfood: #13405  
10th Two-dau weekend stay for 2 at Divi Resort Aruba: #12970  
11th La-Z-Boy recliner from Hagemeyer: #06240  
12th Afl.750 gift certificate from Pearl Gems: #04682

Rotary Club di Aruba kier a felicita tur e ganadonan cu den e siguiente dianan lo wordo acerca pa por entrega e premionan. E benta di e loteria y e benta di articulonan a tabata un exi-

to y dentro di poco e resultado final lo ta conoci. Tambe Rotary Club di Aruba kier a gradici henter e comunidad di Aruba, tur nos sponsornan, boluntarianan,

miembronan y amigonan di Rotary Club di Aruba pa nan apoyo y sosten pa cu e evento aki. Rotary Club di Aruba ta sigui conta riba boso sosten.





# CLASIFICADO ECONOMICO

**PERSONAL GRATIS MAX 20 PALABRA - TA ACEPTA AVISO FOR DI 9:00 AM - 4:00 PM**  
**PASA LAGA BO AVISO NA OFICINA DI BON DIA ARUBA WESTRAAT #22**

## SERVICIO PUBLICO

Bo tin cas pa bende?  
nos por yudabo cu esaki  
confiabel y professional  
Tel. 592-9966, Ashna Mungra

## SERVICIO PUBLICO

Nos ta haci tur sorto di  
trabao di construction e.o.  
pleister, pega tegels, traha  
cura, verf y trabao di  
remodelacion y renobacion  
di edificio.  
Tel. 660-7997

## TA HUUR

Semana 34 La Cabana  
Beach and Raquet Club  
25 Agst - 1 Sept.  
para 4 personas.  
Bloque C - Apto. 311  
Tel. 0058 414 6457772  
0058 414 063 6219  
E-mail  
darwinrichard501@hotmail.com

## TA BENDE

Cacho  
Rasa Fila Brazilleño  
Nan tin 8 siman Fl.800  
Tel. 561-1322

## SERVICIO PUBLICO

Ta corta mata chikito of  
grandi y ta benta sushi afo y  
ta bende santo, piedra y  
graniet na bon prijs.  
Pa mas informacion  
Tel. 562-2532

## SERVICIO PUBLICO

Dama ta busca trabou  
pa haci cas limpi u oficina.  
Tin papel na ordo, ta hopi  
responsabel y honesto  
Tel. 660-1544

## SERVICIO PUBLICO

Se hace toda clase de  
remodelación como  
pintura, friso, corrales,  
ceramicas, entre otros  
Tel. 749-7940

## SERVICIO PUBLICO

Señora ta busca trabaou  
pa haci cas limpi u oficina.  
Tin papel na ordo y ta hopi  
responsabel, trahado y  
honesto  
Tel. 561-2408

## TA BENDE

Cas situa na Socotorolaan  
25, 3 camber cu closet,  
2 baño, sala comedor,  
cushina, porch, cura.  
Central pa tur caminda .  
Prijs taxatie rapport  
Avg. 278.000  
Prijs pidi den man  
Avg. 225.000  
Tel. 593-0909

## TA HUUR

Un Cas  
Situa na Cas Ariba 30D  
2 camber, 2 baño, TV Room  
Sala, Cushina grandi  
semi muebla  
Prijs Fls.2200  
Tel. 592-1185

## SERVICIO PUBLICO

Muchacha responsable y  
muy honesta busca trabajo  
para cuidar niños y  
ancianos o trabajos de la  
casa  
Tel. 600-3405

## TA BENDE

un auto Kia Sorento2006  
Afl. 18.000 bon condicion .  
Sofa bed y hopi mas  
Tel. 594-9069

## SERVICIO PUBLICO

Pa tur tipo di trabao  
• Rosa tereno y lanta sushi  
• Excavacion (tambe den  
klip), pos, fundeshi, pool  
• Demolition  
• Granito  
Tel: 593-2191/ 561-7244  
594-0244

## TA BENDE

Gordura pa mata  
ora di cumpra 3 saco pa  
Fl.9.00 pa uno bo ta haña  
un gratis. Ta bende pa  
yarda tambe na Santa  
Martha 112  
Tel. 564-4456

## FOR RENT

### OFFICE

in the Mainstreet  
Caya Betico Croes 19-21  
Calypso Bldg 2nd Floor  
Elevator Operated, Air-condition  
5 Office Spaces  
For information  
Call 582-3142  
Meredith

## TA BENDE

matanan di fruta  
sorsaka, mango, papaya  
bon prijs  
Tel. 594-9069

## TA BENDE

Un cas grandi 1200m  
cu espacio na banda apart.  
banda di caminda grandi di  
Tanki Leendert pa  
Oranjestad, bon pa  
negoshi, oficina, dokter, etc  
Tel. 560-8929

## SERVICIO PUBLICO

### Professional Photographers

Photo shoot in Aruba  
weddings, couple, corporate  
event, senior, new born and  
more call us:  
Tel. 749-2533  
730-5695

## FOR SALE

### Lasmachine marka Lincoln

450-SEA riba wiel  
variable voltage.  
DC-ARC welding power  
source 110-220 coriente  
Por yama  
Tel. 563-3583

## TA BENDE

Laptop Toshiba grandi  
4 gb memory hard drive  
700GB Special keyboard  
Afls.700  
Tel. 600-7547

## TA OFRECE

Servicio de limpieza en  
general, pintura, chapi,  
plomeria, construccion y  
renovacion.  
Tel.660-7997  
whatsapp+297-660-7997  
+58424-6628183

## SERVICIO PUBLICO

Handyman  
Ta hasi tur tipo di trabao di  
construccion y tambe ta  
hasi cura limpi. Pa tur  
trabao di cas, yama  
Tel. 592-5766

## SERVICIO PUBLICO

Promocion di Santo  
pa pleister y pega bloki  
Tur tipo di graniet.  
Corta mata chiquito y grandi  
y tira sushi afo  
Tel. 562-2532

## FOR RENT

Timeshares pa siman na  
hotelnan na Orlando y  
Aruba na Mei y prome  
siman di September.  
Y na Aruba Paradise Beach  
Villas, di 28 di Mei pa 5 di  
Juni 2016 US\$650-800  
dependiendo di sleeps 4 of  
6 disponibel. Interesadonan  
serio contact 585-1582  
prome cu fin di Maart

## TA BUSCA

Trabou di cas of oficina-  
Restaurant  
Por yama  
Tel:641-9217 of  
600-1491

## TA BUSCA

Trabou den cualkier area.  
tambe si bo mester persona  
pa decoracion pa  
Recibimento, bruid, 15 aña,  
cualkier fiesta of evento  
por yama  
Tel:641-9217 of  
600-1491

## SERVICIO PUBLICO

Ta duna bijles di ajedrez  
Tambe ta yuda muchanan  
di basis school secundario  
cu huiswerk den  
materianan cu ta dificil  
Tel:568-9748 / 600-0678

**ABONA PA SOLAMENTE AFL. 35,- PA LUNA Y RICIBI TUR DIA BO CORANTNAN PREFERI**

## MAS CERCA DI BO!!



**Yena aki bao e siguiente informacion:**

### Telefoon

Number Completo: .....

Adres di Entrega: .....

Adres di Cobranza: .....

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no.: 33266.8
- ☐ Paga Aruba Bank ABO ONLINE
- ☐ Paga CMB ONLINE
- ☐ Personal na oficina di Bon Dia Aruba.
- ☐ Pone den Box
- ☐ Tira den Cura

### Pago Adelanta:

☐ 3 Luna ☐ 6 Luna ☐ 1 aña

**Yama na telefoon: 582-7800 of manda via fax: 582-7044**  
**www.bondia.com**



*Skirbi pa Ruthy "Lady Ruth" Vrieswijk-Bergen:*

## Bunita concierto y bunita presentacion di buki

**ORANJESTAD- Aruba ta bendiciona cu hopi bon artista.**

Asina mes cu nos ta multicultural, nos musica sa resona aunke den formanan moderno tin biaha, manera tawata e caso cu e concierto di Ivan y Serghio Jansen den Cas di Cultura recientemente.

Nos tambe a keda impresionado di tanto calidad y nivel den e concierto aki, cu mi a lubida su nomber y ta net e rand ey

E team di musiconan tawata consisti di Randal Corsen, Reno Steba y Godwin Louis y tambe di Frank Grandillo, Richard Holmond, Roy Croes, Lidrick Solognier y e cantante Lily Rodgers cu a canta bunita. El a dispensa su mes ora cu el a menciona cu el a "drecha" e cancion di Padu "Mi'n sa" y bisa di biaha su tras cu el a pone e cancion di Padu den un bachi nobo. "Fouten maken is menselijk, de beste paard struikelt weleens". Pero el a canta hopi

ta nos dushi hendenan cu masha hopi talento musical mes! Aruba ta orguyoso di nan sigur y henter e publico a gosa for di cuminsamento te fin, un programa carga pa e maestra di ceremonia Rosabelle Illis, un artista su mes. Bunita expresionnan poetico y bon articulacion. Como escritor y Poeta tambe, e artista hoben adulto aki, a presenta su di tres buki titula "Title" den un Fort Zoutman completamente yen. Tawata un super dushi anochi durante cual e la recita, declama y intercambia cu e publico e tema Amor. Un bunita sketch of obra teatral di su Poema prosa "Presente" cu ta trata temanan di hubentud. Esaki e la presenta hunto cu e artista Os Correa y tur biaha nan presenta e obra aki e ta impacta. Un chikitin den famia Illis cu a "hunga mors cu verf riba papel" cu a resulta den obranan super bunita, hinca tambe den e buki "Title". E chikitin aki "Khai Khenti Illis" di e forma aki a wordo invita pa a "pinta" e pinturanan cu ta den e buki tambe y tambe riba T-shirt. Ki bunita e resultado ta Aha, su entrada den e mundo di arte sigur. E artista di mas chikito y mas hoben cu obranan grandi caba! Mayornan di Rosabelle, Sra. Betty Werleman y Meneer Illis ta bendiciona cu un yiu muhe asina talentoso y asina inspira sigur!

Un anochi excelente cu tokenan di Faro Blanco restaurant. cu super dushi snacknan y biña cu tremendo servicio! Rosabelle, mi lo yam'e, e Queen Poet of Poets aki na Aruba, a luci y a touch e curasonnan cu su simplicidad y manera directo y honesto den su forma di expresa. El a comparti hasta su dolor di curason di un relacion cu a yega na su fin pa motibo di



di ticket a wordo ranca na entrada. Pero, nos tin cu felicita tur e musiconan profesional cu curason local y internacional cu a duna un magnifico presentacion di alma y curason, pone e instrumentonan yora y hari den musica jazz mas tanto pero cu un toke chikito di algo crioyo a la jazz.

bunita!

E streanan mes di e anochi tawata tata cu yiu, esta, Ivan Jansen y Serghio Jansen, kendenan a luci den cada cancion, den cada melodia saca for di nan guitaranan, den un comunicacion y contacto total. "Zo vader, zo zoon",



"distancia" geografico, pero cu si bo ta stima di berdad, bo ta laga los pa e otro tambe sigui desaroya su mes den su forma liber. Mi ta sigur cu bo tambe a busca bo buki "Title" caba y cu firma y palabranan bunita di dedicacion na bo persona. Den e buki "Title" ta para tambe :." Ta remarca-

bel locual mi curason sa, asina cu mi mente lag'e na paz". Lieve Rosabelle, hopi exito cu bo buki nobo y cu bo sigui luci riba tur tereno di bo bida, yena cu paz, amor, alegria y sabiduria! Sigui haci nos contento cu bo "Palabranan bunita" cu ta sali tambe for di e "Spiel di bo alma".





## Apertura exposicion ‘Pütchipü’ü’ di Museo del Oro na Museo Arkeologico

**ORANJESTAD-** Museo Arkeologico Nacional Aruba (MANA) cu orguyo ta invita un y tur pa e apertura di e prome exposicion di intercambio internacional, ‘Pütchipü’ü, El oficio de la palabra entre los Wayuu’, un exposicion temporario di Museo del Oro, Bogota, Colombia, riba diabierna dia 22 di April pa 6’or di atardi. E exposicion ‘Pütchipü’ü’ ta trata e ofishi tradicional di Indian Wayuu, unda un mediador ta resolve conflicto entre partido. E rol aki ta hopi importante pa e Wayuu y hopi

biaha ta ser transmiti di generacion pa generacion di tata pa yiu y ta rekeri caracteristicas an hopi fuerte di e persona. E exposicion temporario di Museo del Oro aki a biaha varios caminda y ta inclui 23 panels. E exposicion aki ta traha specialmente pa comunidad y ta fomenta dialogo inter cultural, algo cu pa Museo Arkeologico tambe ta hopi importante. Pa e exposicion aki Museo Arkeologico a crea un programa publico varia cu actividadnan pa diferente grupo meta cu ta trata e.o. tambe

temanan manera culturanan Indian existente den Caribe y herencia comparti.

E programa vacacional pa muchanan e aña aki lo ta den tema di ‘Pütchipü’ü’. Alabes durante e anochi di e evento aki, Museo Arkeologico lo despedi di Arminda (Vivi) Franken-Ruiz, ambtenaar encarga cu e maneho di Museo. Publico ta keda cordialmente invita pa presencia e apertura di e exposicion temporario nobo y despedi di Vivi den un esfera ameno, cu musica

en bibo di Los Gavilanes y mas, diabierna awor pa 6’or di atardi na Museo Arkeo-

logico na Schelpstraat 42 (patras di Kong Hing Supermarket na Havenstraat).



### Team STOPAWO:

## A haci entrega di e poster “Guia pa mayor y cuidado” na comunidad di Aruba

**ORANJESTAD-** Dialuna atardi na Biblioteca Nacional, durante un rueda di prensa, e team cu ta carga #STOPAWO a haci entrega oficial di e poster “Guia Pa Mayor y Cuidado” na e comunidad di Aruba. E ta un poster cu ta ilustra 17 instancia y organisacionnan segun e urgencia of necesidad di e caso.

Intencion ta pa di e forma aki yuda mayor y cuidado haya e caminda ora nan tin necesidad riba consejo, guia, ayudo of na momento cu nan tin un preocupacion tocante e desarojo of situacion di un mucha. Na november 2015 a haci presentacion caba di e poster aki y finalmente nos por presente awe gradicido na ayudo financiero di CEDE Aruba. Mirando cu durante november semper tin hopi actividad di conscientisacion, a dicidi di sigui ehempel di Merca, unda april ta e luna pa conscientisa tocante prevencion di abuso di mucha. E poster “Guia pa Mayor y Cuidado” a wordo presenta pa prome biaha den cuadro di e Dia Internacional di Derecho di Mucha na november 2015. Team #STOPAWO a bin cu e idea aki mirando cu hopi mayor y cuidado na Aruba no tin suficiente claridad unda mester acudi na e momento cu tin necesidad pa haci pregunta y haya sosten. Esaki ta pa prome biaha caminda cu organisacionnan cu ta directamente accesibel pa comunidad ta riba un solo poster. Cada un seccion ta identifica su mes cu un color riba e poster, tabata tin un representante cu a hiba palabra.

E poster ta parti den 5 categoria: prevencion (ros), guia



(biña), ayudo (blauw), preocupacion (oranje) y por ultimo e categoria di crisis (cora). Esaki ta nifica cu pa mayor y cuidado cu tin un pregunta of ta desea un consejo por acudi na e instancia den e prome categoria cu ta e color “ros”. Mayornan cu ta sinti cu nan mester di guia of ayudo por acudi na e instancianan den e categorianan “biña” y “blauw”. Asina por sigui bay na e instancia y organisacion mas abao den e poster. Aki ta trata di instancia y organi-

sacion ora cu ya tin un preocupacion of e problema ya a escala caba. Esaki ta e colornan “oranje” y “cora”. Segun Sra. Tecklenborg cu ta encabesa e grupo a informa cu e poster lo bay ta visibel rond di henter Aruba na luganan strategico entre otro scolnan, clubnan di deporte, GO’s, NGO’s, Wit Gele Kruis, Hospital y companianan di utilidad. Durante e proximo simannan tur 500 poster lo wordo reparti door di nos colaboradonan. Si tin luganan

cacion di mucha na prome luga ta un responsabilidad di mayor of cuidado y e organisacionnan riba e poster t’ey pa sostene, guia y yuda mayor of cuidado y principalmente nos muchanan.

Por ultimo Team #STOPAWO a duna nan remarca y preocupacion y a bisa: “Como instancia y organizacion trahando riba e tereno di mayor y mucha, a nota e inkietud cu ta bibando bao di comunidad di Aruba durante e ultimo dianan. Nos ta sinti e dolor y tin e oido pa esaki tambe. Na e mesun momento nos tin di expresa cu tin diferente instancianan social y hudicial



cu ta desea di haya un poster, por fabor tuma contacto cu Fundacion Respeta Mi na e telefon: 582-4433. Tambe por bishita e Facebook page di STOPAWO y download e poster digital.”

Team #STOPAWO ta pidi tur mayor y cuidado pa pone bon atencion y tuma accion na e momento cu tin pregunta of necesidad pa mas ayudo. No laga un pregunta cu un mayor of cuidado por haci na tempo, bira un preocupacion den futuro. Edu-

cu no tin suficiente medi nan pa por atende e cantidad di casonan cu ta drenta diariamente.” tabata palabra di Sra. Tecklenborg durante e rueda di prensa.

Mucha y hobennan cu ta pasando den un situacion dificil of preocupante no por y no mag di warda pa ricibi ayudo. Por a compronde cu Minister Paul Croes ta trahando riba un plan pa por yega na un solucion pa e retonan cu e instancianan ta pasando aden.





*Biblioteca Nacional Aruba:*

**Ta organisa un serie di 3 encuentro relaciona cu e topico Cuminda como remedi**



aha pa siman na biblioteca pa pasa den material y pregunta y pa comparti experiencia. E curso ta introduci e concepto di cuminda como remedi, ta explora con cuminda por ta importante como prevencion di malesa y den tratamiento di cierto condicion fisico awendia. Tambe ta siña con cuminda por mehora e salud. E curso aki ta pa esnan cu un interes general den cuminda, nutricion y salud. Encuentronan ta diaranson dia 4, 11 y 18 di mei 2016 di 10or pa 12or. Esaki ta costa 45 florin. Por registra via [info@bibliotecanacional.aw](mailto:info@bibliotecanacional.aw) ☐

**ORANJESTAD-** Relaciona cu e curso 'Food as medicine' cu ta cuminsa dia 2 di mei lo ta bay tin tres encuentro. E encuentronan ta bou guia di Weight management counselor, Sra. Saskia Budel di Fundacion Salud pa Bida.

Ta trata di un curso online (Ingles) combina cu 3 encuentro na biblioteca. Registracion ta diahuebs dia 28 di april na balie di Informacion na biblioteca den George Madurostraat.

Participantenan ta sigui un curso online den nan mes tempo, e grupo ta topa 1 bi-



*Santa Rosa:*

**Bin celebra Dia di Tera diabierna awor**



**PIEDRA PLAT-** Dia di Tera ta wordo celebra diabierna awo 22 di april aki na Santa Rosa conhuntamente cu un dia publico. Cuminsando for di 8'or di mainta y ta sigui te cu 3'or di atardi.

Relaciona cu e dia aki nos productornan local cu algun cosechanan fresco. Nos ta referi na tanto fruta cu berduza cu por wordo bendi aki na Santa Rosa. Lo bay tin algun tent cu lo ta disponibel pa esaki. E lo no ta manera un Mercado Santa Rosa, pero si solamente cu algun tent. Lo bay tin tambe algun pasaboca y juicenan fresco pa savoria. Musica no por falta riba e dia aki. Carni fresco, Choriso, y Webó fresco pa tur esnan cu yega prome durante di nos cual ta di nos mesun productornan local cu ta hiba e number di "Cunucu Aruba dushi Tera" Nos a haci tambe algun invitacion pa esnan cu ta participante den nos Dia di Tera pa por duna algun charla riba e dia aki pa asina nos bishi-

tantenan por haya un idea di kico tur nan productonan ta existi. Manera sra. Beatriz Croes Guadarama kende ta un persona cu ta produci productonan di 100% Aloe Vera tanto pa cabey y tambe cutis. Un otro kende ta Sra. Gisela Croes tambe ta traha productonan di Aloe bou di e number di "Sana Aruba" tambe lo duna su charla riba e dia aki. Di nos departamento mes nos colega ir. Teophilo Damian kende lo duna un charla cu ta hiba e number di "Suelo". Esaki ta pabo haya algun idea kico tur bo por haci cubo "Suelo" prome y despues cubo planta. Ta puntonan hopi importante cubo mester tene na cuenta na momento cubo kier planta. Nos ta invita henter e pueblo di Aruba pa yega akinan diabierna awo di april pa asina nos pasa un rato agradabel cu nos Dia Publico di Santa Rosa pa asina duna e atencion mereci na nos "Mama Tera" y muestra con hopi nos mester cuida esey pa nos por sigui haya cosechanan fresco y saludabel. ☐





*Skirbi pa Pastoor Marcel Balootje:*

## Palabra di Dios y oracion, pilarnan di un hogar bendiciona

**ORANJESTAD-** Un feliz dia yen di amor y alegria, carga cu felicidad y cu tur locual un hende tin mester., pa sigui padilanti nos ta contento di por drenta den bo cas, pa asina comparti cu bo persona e bon noticia, e noticia cu ta trece alegria den bo curason, cu ta trece amor den bo cas, ayudo den bo necesidad, ta esey ta locual e palabra di Dios ta trece den tur hende su bida, y nos ta sinti nos masha contento, ora nos por duna e noticianan cu ta alegre bo curason, por fabor no lubida cu nos ta conta cu bo, donacion of ofrenda, pa por sigui haci e trabao di Señor, hibando su palabra na radio, bishita na prizon, bishita na famia, skirbi den corant, Ministra na esunnan den adiccion, comparti e Evangelio riba caya y trahando duro cu e forsa cu Dios a duna nos pa yega na Nos Tent, y pronto drenta un edificio, cual lo ta nos Iglesia, esaki ta un bista chikito pa henter Aruba sa cu ora bo haci un donacion of ofrenda riba nos sav acct 101.601.809 na Caribbean Mercantile Bank t.a.v. Stichting Mount Horeb Ministries, bo ta haciendo hopi hende feliz, bo donacion ta un bendicion, pa Aruba completo, pasobra e simia cu bo a sembra ta pa bienestar di hopi hende. Ta p'esey nos ta pidi tur siman, pa bo haci bo donacion, of ofrenda, pa asina nos por sigui yuda tur esunnan cu tin mester di ayudo. Corda riba nos, bo donacion ta hopi importante.

### Palabra di Dios

E palabra di Dios ta masha importante pa nos bida, un bida sin Dios ta un mata sin rais, ta un pos sin awa, ta un auto sin motor, den un palabra bisa un bida sin Dios, ta nifica un bida sin proposito. Aunke nos purba di splica tur esaki, te ainda hopi no kier compronde, cu bo no por biba sin Dios, pasobra bo no ta yega ningun caminda. Un bida sin Dios ta un bida den scuridat, ta un bida sin luz, ta un bida caminda bo ta depende riba bo mes y material, y si nos recorda cu nos no tin autoridad riba ningun cabey riba nos cabe, nos tin cu admiti cu ta Dios ta doño di tur cos. Y te ainda tin hende cu no ta respecta Dios, no ta respecta su palabra, riba cada cos nan ta murmura, keha, y papia malo, sin na corda ken ta Dios. Hopi biaha bo ta ripara den un combersacion cu tin



hende ta nenga completamente di duna e Dios e luga cu E merece, por ehempel, ora hende ta bandona un edificio den cual nan ta traha, y nan ta bisa otro te mañan, en bes di bisa otro te mañan cu Dios kier, pasobra mañan ta di Dios. Dios ta doño di mañan, p'esey nos ta bisa te mañan cu Dios kier. Tin hende ta kere ora bo uza cierto palabra relaciona cu Dios, cu bo ta fanatico, religioso, hende di misa, y tur e otro nomber nan cu hende ta uza awendia pa identifica un persona cu tin un bon relacion cu Dios. Pasobra hopi hende tin e pensamiento cu mañan ta bini di mes, cu no tin ningun forsa tras di dje. Pero esunnan cu conoce Dios sa cu mañan ta depende di Dios.

E palabra di Dios den bo cas Laga nos cuminsa na e bijbel, cual ta e palabra di Dios, casi tur cas na Aruba tin un bijbel, pero no ta tur cas ta haci uzo di dje, Tin hende ta pone nan bijbel, na Salmo 23 of salmo 91 y pensa cu asina tur cos ta cla, kiermen cu asina cu mi bijbel ta poni na un di dos salmonan ey tur cos lo bay bon cu mi, nan ta uza salmo como proteccion, tin hasta ta pensa cu si mi tin e salmo ey diabel, mester para leu for di mi cas. Mi ta pone mi bijbel na salmo 23 of 91 y mi ya bay patras di cas bay haci redo cu e bisiña, of mi ta wak miramento di carta na television, of tin un discusion grandi di palabra malo den cas, y mi bijbel ta keto bay na salmo 23 of 91. Habri bijbel den cas y no lesa y aplica e palabra den nos bida, no ta cambia nos situa-

cion, bijbel ta e palabra inspira pa Dios mes y mester wordo trata cu respet. Awor aki hasta den cas di hacidonan di bruha bo ta haya bijbel pa camufla, pa asina hala atencion di e hendenan cu e bruho tambe ta kere den Dios. E palabra di Dios ta bibo y real y e ta stroba nos di haci malo, e ta yuda nos permanece riba e bon caminda, e ta cuida nos di maldad, ora nos ta aplica e palabra di Dios den nos bida. Bo por pone un bijbel den sala, un den camber, un den baño, un den garashi, un den cushina, un den auto, pero si bo no ta aplica e palabra di Dios y si bo no ta kere den e palabra di Dios ta pornada, bo tin hopi bijbel, bijbel no t'ey pa haci show pa pone hende pensa cu bo ta bon cu Dios,

bijbel ta pa lesa, kere, aplica, y biba segun e palabra, y asina den bo bida lo tin fruta na abundancia.

### Dicon hende mester lesa bijbel?

Hende mester lesa bijbel pa conoce Dios, antes hende tabata wordo prohibi pa lesa bijbel, pero awor nos tur sa cu lesamento di bijbel ta haci hende sabi, ora bo lesa bijbel, bo ta comunica cu Dios, y Dios mes lo prepara bo pa cada cos cu bo mester enfrenta den bo bida, Dios mes lo guia bo riba su caminda, E mes lo prepara bo pa e dia dificil. Bijbel den bo cas, ta un pilar pa bo hogar, ora bo ta uza e bijbel manera Dios kier pa bo haci, bijbel lo ta un bendicion den bo cas, tur

conseho cu hende tin mester ta den bijbel, pa bo bida, matrimonio, financia, pago di debe, pago di belasting, pa bo studio, ora di malesa, ora di problema, ora di conseho, palabra di sabiduria, palabra di conocimiento, liberacion for di maldad, restauracion di matrimonio, cas y famia, tur esey bijbel ta contene. E bijbel den bo cas, lesa y aplica. Ta produci bendicion, ta produci positivismo, e ta mas cu un simpel buki e ta e buki di bendicion pa nos bida. Paso-bra Dios su palabra ta berdad, tin hopi buki cu kier imita e berdad, pero e bijbel ta e buki di berdad, pasobra bijbel ta e berdad, e ta e buki mas bendi na mundo, y esun di mas busca, prohibi den hopi pais pasobra bijbel ta trece libertad y ta elimina mentira. Danki na Dios pa nos bijbel.

### Oracion

For di principio di mundo Dios a instala un telefon spiritual pa nos por comunica cu Dios, e number di e telefon ey ta oracion. Ora nos ta haci oracion diabel ta tembla, altarnan di bruheria ta cay den otro, enemigo mester bay tur su plannan ta wordo cancela, Oracion ta trece presencia di Dios, oracion ta lanta morto, oracion ta haci milager, oracion ta drecha Famia, oracion ta cura herida, oracion ta kibra adiccion. Oracion ta stop rebeldia. Oracion ta nifica duna Dios tur autoridad den nos bida, duna E danki, confia den Dje y E mes lo contesta nos, Un cas sin oracion ta un cas bashi, sin ningun vision, caminda hende ta biba pa biba, y caminda e enemigo por haci manera e kier. No perde mas tempo cuminsa haci oracion awe mes den bo cas.

Corda bon diasabra 3 di september a wordo declara dia di alabansa aki na Aruba, cu presentacion di Ingrid Rosario directamente for di Houston Texas cu henter su grupo. Diasabra di 3 mainta nan lo ta den Renaissance Conference Center, caminda lo tin un breakfast all you can eat, Ingrid lo ministra den Canto y Palabra, Y diasabra di 3 di september anochi nan lo ta den un tremendo concierto den Entertainment Center Dakota. Aruba ta bendiciona, pa mas informacion skirbi nos na horebrhema@gmail.com of manda un mensahe pa peticion di oracion na 567-7234, te otro siman cu Dios kier. □





## PRIJS INTERNACIONAL DI DOLLAR

US Dollar ▲	1.00 USD ▲ ▼
Argentine Peso	14.165176
Australian Dollar	1.279432
Bahraini Dinar	0.377084
Botswana Pula	10.635593
Brazilian Real	3.549887
British Pound	0.695222
Bruneian Dollar	1.342485
Bulgarian Lev	1.725840
Canadian Dollar	1.261886
Chilean Peso	659.389431
Chinese Yuan Renminbi	6.468158
Colombian Peso	2899.074623
Croatian Kuna	6.618132
Czech Koruna	23.852348
Danish Krone	6.568049
Emirati Dirham	3.673010
Euro	0.882709
Hong Kong Dollar	7.755918
Hungarian Forint	273.080052
Icelandic Krona	123.520000
Indian Rupee	66.150111
Indonesian Rupiah	13142.491929
Iranian Rial	30181.012796
Israeli Shekel	3.762084
Japanese Yen	109.632221
Kazakhstani Tenge	337.020995
Kuwaiti Dinar	0.301600
Latvian Lat	0.620368
Libyan Dinar	1.364883
Lithuanian Litas	3.047818
Malaysian Ringgit	3.864101
Mauritian Rupee	35.369297
Mexican Peso	17.258621
Nepalese Rupee	105.943426
New Zealand Dollar	1.430715
Norwegian Krone	8.115551
Omani Rial	0.385084
Pakistani Rupee	104.663953
Philippine Peso	46.320965
Polish Zloty	3.781102
Qatari Riyal	3.641420
Romanian New Leu	3.953846
Russian Ruble	65.415607
Saudi Arabian Riyal	3.749756
Singapore Dollar	1.342485
South African Rand	14.196334
South Korean Won	1131.434694
Sri Lankan Rupee	146.270041
Swedish Krona	8.093893
Swiss Franc	0.967709
Taiwan New Dollar	32.217468
Thai Baht	34.863007
Trinidadian Dollar	6.589500
Turkish Lira	2.810663



Dokter na warda  
Oranjestad  
Dr. Cayama  
Tel. 583-2772  
San Nicolas  
Dr. Giel  
Tel. 5845155

Botica na warda  
Oranjestad: Trupial Tel: 583-8560  
San Nicolas: Seroe Preto Tel: 584-4833

Dia:	Fecha:	Crucero:	Yegada:	Salida:
Diaranson	20 april	MONARCH	06.00	18.00
		ISLAND PRINCESS	13.00	19.00
		FREEWINDS	05.30	23.00
Diahuebs	21 april	CARNIVAL CONQUEST	07.00	16.00
		SERENADE OF THE SEAS	'09.00	20.00
		ZUIDERDAM	07.00	17.00
Diasabra	24 april	VEENDAM	07.00	13.00

Por favor tene na cuenta cu e schedule crucero por cambia

## SERVICO DI TAXI

Aruba Transfer Tour & Taxi C.A.  
Pos Abao #41  
P.O.Box 723 Aruba  
Tel: 582-2116 / 582-2010  
Fax: 583-6988  
Taxi Adres Service (24h)  
L.G. Smith Blvd. #234  
Oranjestad Aruba  
Tel: 587-5900  
Fax: 587-1928  
E-Mail: tas@setarnet.aw



## EMERGENCIA 911

### Polis

Oranjestad	100
San Nicolas	104
Santa Cruz	105
Noord	107

Tip Line	11141
Brandweer	115
Ambulance	911
Hospital	527-4000
Centro Medico	523-8833
Warda Costa	913
Seguridad Naccional	11911

### Botica

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606

Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupiaal	583-8560

### Utilidad

Setar	117
Web	525-4600
Elmar	523-7147

### Funeraria

Aurora	588-6699
Ad Patres	584-2299
The Olive Tree	584-8888

## Centrale Bank van Aruba Daily Exchange Rates - 04/20/2016



Currency <sup>1</sup>	Buying from Public <sup>2</sup>	Buying from Public <sup>3</sup>	Selling to Public
ANG	98.00	100.00	100.20
ANG <sup>4</sup>	-	-	100.00
USD	1.77	1.78	1.80
CAD	1.38	1.40	1.42
CHF	185.08	185.80	186.60
GBP	2.50	2.55	2.61
JPY	161.70	163.18	164.82
EUR	200.83	202.67	204.70
DKK	26.25	26.97	27.77
NOK	20.94	21.66	22.46
SEK	21.11	21.83	22.63

For amounts up to Afl. 100,000






Bo kier cuida un pushi?  
Yama awo! Aruba  
Animal Shelter 582-  
1623 Wayaca 128B  
Donacion Aruba Animal  
Shelter – Bank account  
RBC Royal Bank  
7700000032451794

## Emergencia Mascota

Animal Care Clinic: <b>582-8382</b>	Cas Animal & Ambulance: <b>742-8732</b>
Contreras Veterinary Services: <b>587-0917 / 593-0404</b>	Veterinaire Kliniek Wayaca: <b>582-1720 / 593-0603</b>
Veterinary Services: <b>585-0400</b> (Pick up of injured animals)	Serlimar: <b>584-5080</b> (Pick up dead animals)

## Ideanan pa cuida nos medio ambiente



## FUNDACIONNAN

**Cas Di Cultura**  
Vondellaan 2 Aruba  
297-582-1010

**F A D A**  
Campanastraat 5 Aruba  
297-583-2999  
297-583-9610

**F A V I**  
Primavera 233 Aruba  
297-582-5051  
297-582-5222

**F E P O**  
Engelandstraat 15 Aruba  
297-583-1016  
297-583-6607

**Fundacion Autismo  
Aruba**  
Irenestraat 21 Aruba  
297-588-1179

**Fundacion Pa Nos  
Muchanan**  
Cumana 2 Aruba  
297-583-4247

**Fundacion Tel Pa  
Hubentud**  
Wilhelminastraat 19  
Aruba  
297-588-6138

**Koningin Wilhelmina  
Fonds**  
Spinozastraat 9 Aruba  
297-582-0412

**Mary Joan Foundation**  
Sabana Blanco 8 Aruba  
297-588-9999

**Ned Rode Kruis**  
Perdo Gallegostraat 14  
Aruba  
297-588-3376

**Famia Planea (SBVO)**  
Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.  
com

**Stichting Fundacion  
Guia Mi**  
George Madurostraat 34  
297-582-0088

**Y M C A**  
Calbasstraat 1 Aruba  
297-582-3072



Bo kier duna un cacho un hogar? Yama awo! Aruba Animal  
Shelter 582-1623 Wayaca 128-B  
Donacion Aruba Animal Shelter – Bank account RBC Royal  
Bank 7700000032451794

**Caribbean Cinemas**

**MEGAPLEX 8**  
caribbeancinemas.com/aruba f Caribbean Cinemas Aruba

**APRIL 21 - 27**

**THE HUNTSMAN: WINTER'S WAR**  
CHRIS HENSWORTH | JESSICA CHASTAIN  
PREMIUM LARGE  
FORMAT AUDITORIUM  
MON-THURS 4:20 | 6:50 | 9:20  
FRI 4:20 | 6:50 | 9:20 | 11:50  
SAT 1:50 | 4:20 | 6:50 | 9:20 | 11:50  
SUN & HOL 1:50 | 4:20 | 6:50 | 9:20

**BARBERSHOP: THE NEXT CUT**  
ICE CUBE | REGINA HALL  
MON-THURS 4:30 | 7:00 | 9:30  
FRI 4:30 | 7:00 | 9:30 | 12:00  
SAT 2:00 | 4:30 | 7:00 | 9:30 | 12:00  
SUN & HOL 2:00 | 4:30 | 7:00 | 9:30

**CRIMINAL MINDS**  
KEVIN COSTNER | RYAN REYNOLDS  
MON-THURS 4:25 | 6:55 | 9:25  
FRI 4:25 | 6:55 | 9:25 | 11:55  
SAT 2:00 | 4:25 | 6:55 | 9:25 | 11:55  
SUN & HOL 2:00 | 4:25 | 6:55 | 9:25

**THE JUNGLE BOOK**  
NEEL SETHI | BILL MURRAY  
WITH SPANISH SUBTITLES  
3D VERSION  
MON-THURS 5:10 | 7:40  
FRI 5:10 | 7:40 | 10:10  
SAT 2:40 | 5:10 | 7:40 | 10:10  
SUN & HOL 2:40 | 5:10 | 7:40  
MON-THURS • SUN & HOL 3:50 | 6:20 | 8:50  
FRI-SAT 3:50 | 6:20 | 8:50

**THE BOSS**  
MELISSA MCCARTHY | KRISTEN BELL  
MON-THURS 4:55 | 9:35  
FRI-SAT 4:55 | 9:35 | 11:55  
SUN & HOL 4:55 | 9:35

**BATMAN v SUPERMAN: DAWN OF JUSTICE**  
BEN AFFLECK | HENRY CAVILL  
WITH SPANISH SUBTITLES  
MON-FRI 6:00 | 9:10  
SAT, SUN & HOL 2:50 | 6:00 | 9:10


**Dirty Grandpa**  
ROBERT DE NIRO | ZAC EFFRON  
MON-FRI 7:15  
SAT, SUN & HOL 2:35 | 7:15

**STARTING APRIL 28 | CAPTAIN AMERICA: CIVIL WAR**

Palm Beach Plaza | Aruba | 586-0074  
Download our NEW APP  
Available on the App Store  
Available on Google play



## Sudoku BON DIA, train bo mente



Bon bini na Sudoku Bon Dia. Riba e pagina aki nos ta brinda bo tur dia tres sudoku den e siguiente secuencia, Facil, Medio. Pa resolve bo ta pone number den cada cuadra di tal forma cu cada rij crusa of bay abou tin e number un solo biaha.

Tambe den cada cuadra chikito compara cu esun mas grandi tambe tin e numbernan 1 te cu 9. E number tampoco no por ripiti den e cuadra chikito. Trahando cu e numbernan cu tin poni caba ta yuda bo yega na e solucion.

## Picnic Foods



## Word Search

Can you find the hidden words below?

a e p t e w v e g e t a b l e s a k a l a d u j  
r i i c e t e a e m a r c h i c k e n e r s c e  
u p a e q u y t e a p p l e p i e j a v e n e l  
n a c k s a n d w i c h y c u p c a k e s a s l  
a a c t p o t a t o c h i p s e r s o d a c e y  
e r h u q h o t d o g a p a r s o s a j o k a p  
s d e e p l a w n w a t e r m e l o n n e t l i  
a a e a h a m b u r g e r t a c b o k w r i a c  
n a s e o g a m i l y a t y a n d w o c h a e n  
a q e r t p o t a t o s a l a d a s e l l y t i  
u k c o o k i e s c o o g b a s k e t i c n a c


Find the Following Words:

watermelon  
ice tea  
sandwich  
cheese  
snack  
chicken

hot dog  
hamburger  
jelly  
soda  
potato salad  
basket

picnic  
potato chips  
vegetables  
apple pie  
cupcakes  
cookies

© 2009  
HOMEMADE  
GIFT GURU





## Guardian Group: Campeonato Aquathlon Nacional 2016

**BOCA CATALINA-** Diadomingo, 17 di april 2016 Aruba Triathlon Association a organisa e **GUARDIAN GROUP** Campeonato Aquathlon Nacional 2016 na Boca Cathalina. E Campeonato a conta cu participacion di 50 atleta a participa individual y tawatin 5 team di relevo (2 persona cada un) pa un total di 60 atleta.

E trayecto di e Aquathlon a consisti di coremento na pia (5 km), sigui pa landamento (750 m) y finalisa cu coremento na pia un biaha mas (3 km). E muchanan te cu 14 aña a haci mita di e trayecto aki.

E aña aki tawatin un campeon nobo den number di Romar Arendsz cu un tempo di 45:08.


Den e categoria di dama Linda Smith a mantene su titulo cu un tempo di 57:06 y den e muchanan te cu 14 aña Giannon Eights tambe a mantene su titulo cu un tempo di 23:41!

Aruba Triathlon Association kier a gradici su sponsornan Lotto pa Deporte y Guardian Group pa a patrocina e Aquathlon Nacional.

Tambe un danki grandi ta bay na tur esnan cu boluntariamente a yuda pa por a haci e evento aki exitoso!!

No por keda sin gradici e mayornan y amigonan cu a bin apoya e participantenan!

Danki special ta bay na e polisnan cu tambe tawata presente y nos fotografonan Anno y Patrick cu a percura pe bunita potretnan. □





*SMIPS y Tri Bike Aruba:*

## A presenta e prome sesion di Kids Bike Jams 2016



**DOS PLAYA-** “E trabou boluntario ta bira completo ora por wak e muchanan core nan bicicleta y regresa cu un sonrisa”. Speedworx Cycling Team conhuntamente cu Tri Bike Aruba a preparando pa por regresa cu Kids Bike Jams 2016 den su di cuater edicion.

Desde Maart e muchanan tabata den training y finalmente diasabra ultimo nan a haya e oportunidad pa rek e pianan durante competencia!

E ambiente tabata positivo y e emocion tabata palpabel na momento cu a ranca sali for di circuito di Dos Playa cu e start yena cu mucha y hoben riba nan bicicleta.

Danki na e colaboracion cu e partner SMIPS, Richard's Paint & Tri Bike Team y nan sponsor, cu ta haci posibel pa dispone di e evento nan di Kids Bike Jams 2016. Un



gran cantidad di coredonan di bicicleta di Mountain Bike cu e gran deseo pa siña e deporte y cla pa sigui den e pasonan di nan compañeronan.

Bon noticia! Algun di e coredonan hoben ta move asina rapido y nos lo wak nan start



un biaha mas diasabra 14 Mei na e circuito di Safir! Asina ta no lubida di bin apoyo y duna sosten na e muchanan y e hobennan na Safir.

### E resultado di e prome sesion Kids Bike Jams circuito Dos Playa;

Cat.1 Boys:  
Shandrick Wathey  
Cat. 1 Girls: Alisah Kasemier  
Cat. 2 Boys: Kyan Nooijen  
Cat.2Girls:  
Shanelline Wathey  
Cat. 3 Boys: Justin Morales  
Cat. 3 Girls: Ryandra Kamperveen  
Cat. 4 Boys: Indy van Vliet  
Cat. 4 Girls: Anouk van Ijzendoorn



Por inscribi pa participa na Kids Bike Jams na Tri-Bike Aruba te cu diahuebs 12

Mei, 6:00pm. E proximo dos eventonan ta dia 14 Mei na Safir y dia 28 Mei na Drive-Inn cuminsando 7:30am. □

## Sv Britannia Cuts & Curves ta empata cu Riverplate den Junioren

**NOORD-** Dialuna anochi a cuminsa e play-off di AVB division Junioren ora cu e pumanan di Piedra Plat esta Sv Britannia Cuts & Curves a enfrenta

e muchanan di Madiki esta Riverplate.

Tur e weganan di play-off lo tuma luga den CD Frans Figaroa na Noord of den CD

Guillermo Trinidad na Dakota.

E constelacion di Sv Britannia Bright Bakery a cuminsa cun'e tabata: Jean Carl Henriquez, Carl Geerman, Gil-

bert Abreu, Ericson Croes, Jean Claude Farro, Jean Marc Farro, Luuk de Werd, Siljee Felician, Steven Geerman, Richenel Lioe-A-Tjam y Randy v/d Heuvel, Como reserve tabata tin; Reinhard Thijsen, Jean M. Kelly, Margin Kock, Myron Carrion, Cristian Navarro, Marcel Kock y Keano Maduro.

Cambionan cu a tuma luga ta; Margin Kock a drenta na luga di Luuk de Werd, Keano Maduro na luga di Randy v/d Heuvel, Myron Carrion na luga di Jean Marc Farro y Marshel Kock na luga di Ericson Croes.

E wega a cuminsa bastante balansa unda cu Sv Britannia tabata tin miho dominio di wega pero no mucho peligroso dilanti gol. Di otro banda Riverplate tabata hunga

menos bon pero un poco mas peligroso dilanti gol di Jean Carl Henriquez di Britannia. Den di prome tempo Riverplate ta anota e prome gol di anochi y asina halftime ta bay aden 1-0 pa e muchanan di Madiki.

Den di dos mita Sv Britannia CMB a bin mas miho organisa y tabata hunga un bon toke di bala cual situacion a trece e defensa di Riverplate den problema constante. Den un di e bon hugadanan di Sv Britannia Margin Kock a bin anota e gol di empate y te hasta mester menciona cu Sv Britannia Cuts & Curves a merece e victoria.

E proximo wega di Riverplate ta contra di RCA y Sv Britannia mester enfrenta RCA diasabra awor pa 6:30 den Frans Figaroa na Noord. □





## ARRUWAC:

### 56th Aruba International 10 K Boulevard Race

ORANJESTAD- ARRUWAC ta informa cu e ultimo dia pa inscribi pa e 56th Aruba International Boulevard Race lo ta dia-bierna 22 april te cu 4'or na IBISA, tene bon cuenta cu lo no ta posibel pa haci inscripcion dia di e careda na start. Tene na cuenta tambe cu diahuebs 21 april, e suma di inscripcion lo subi na Awg. 35,-

E aña aki cupo ta limita te na 600 participante. Un recordatorio tambe ta bay, pa tur esnan cu a inscribi caba, pa pasa cu nan recibo diasabra 23 april entre 10'or mainta te cu 6'or tardi na oficina di IBISA na Frankrijkstraat pa busca nan BIB nr. y Shirt. No lubida di haci esaki.

E careda ta dia 27 April proximo y lo start dilanti Malmok #500 pa 5:30 atardi y ta termina dilanti edificio di APA. Durante di e



careda lo tin 3 waterpost riba ruta y na final tur participante ta ricibi un bunita medaya di participacion.

Asina ta, cu por spera ariba un tremendo competencia den e 56 edicion di Aruba International 10K Boulevard

Race. ARRUWAC ta invita henter pueblo di Aruba pa bin presencia e gran evento aki, cu ta e careda cu mas tanto aña di existencia na Aruba.

Tambe un gradicimento ta bay na nos sponsornan cu ta haci esaki posibel tambe. □

## Guardian Group:

### Resultado Final Campeonato Aquathlon Nacional 2016

#### Super Sprint:

##### Masculino bou di 10 aña

pos.	bib.	name	finish
1	113	Dabian Yeshua	00:30:15.549
2	112	Semeleer Rylan	00:33:31.303

##### Edad: 10 - 11

pos.	bib.	name	finish
1	128	Morales Justin	00:28:30.006
2	115	Banwarie Julian	00:29:08.097

##### Edad: 12 - 14

1	118	Eightes Giannon	0:23:41.261
2	120	Banwarie Jowen	00:25:28.506
3	117	Huffnagel Yona	00:25:45.527
4	121	Prinsen Tjerk	00:26:26.797
5	119	Timmer Jasper	0:26:37.509

#### Masculino habri:

1	122	Wilson Anthony	00:29:16.951
---	-----	----------------	--------------

#### Masculino relay

1	124	Tyree Koeiman/Gwennandy Kock	00:23:47.206
2	123	Bryan Cheong/ Tham Declan Dytaysha Laurence/Denise Brouwer	00:25:25.141 00:26:05.403

#### Super Sprint Femenino bou di 10 aña

1	101	Bakmeyer Vera-Elise Josephine	00:31:56.762
2	102	Semeleer Aleeza	00:36:36.958

#### Femenino edad: 10 - 11

1	103	Jansen Rebecca	00:34:07.362
2	104	Maduro Arabella	00:45:56.457

#### Edad: 12 - 14

1	107	Banwarie Maggie	00:29:28.685
2	106	Ooms Mascha	00:30:07.304
3	105	Dabian Zuriene	00:31:39.173
4	109	Pena Kyrak	00:31:48.898
5	127	Paskel Ayana	00:37:00.745

#### Femenino habri:

1	110	Solognier Nizana	00:32:23.303
2	111	Jansen-Geerman Y.	00:38:08.676

pos.	bib.	name	finish
1	32	Mulder Edward	00:46:12.462
2	14	Den Dunnen George	00:51:31.619

#### Edad: 20 - 29

1	53	Willems Dillon	00:51:13.767
2	4	Kock Anuar	01:00:04.140

#### Edad: 30 - 39

1	60	Arendsz Romar	00:45:08.112
2	8	Martinus Incoe	00:51:47.408
3	57	Roodzant Jan	00:52:40.650
4	3	Lampe Brayner	00:57:31.367
5	56	Dennert Roald	01:00:06.236
6	59	Vieira Oliver	01:00:10.177
7	61	Fenandez Jerusho	01:01:39.700
8	5	Kock Sergio	01:09:12.452

#### Edad: 40 - 49

1	66	Dirks Lucien	00:53:27.430
2	9	Rustad Torfunn	00:59:03.150
3	68	Den Dunnen Berry	00:59:32.112
4	21	Tromp Ossy	01:08:47.390
5	63	Mas Ramon	01:11:45.335
6	65	Arias Puente Jose Isael	01:14:40.981
7	67	Arias Puente J.	01:15:38.013

## Gang di Macuarima lo enfrenta la Roca

**MOKO - La Roca Rum Shop, e lugá caminda abo no ta wak "nan", pero "nan" si ta wak bo, ta den estado di maximo alerta ya cu e famoso gang di Jo Geerman, esta Macuari-ma Warriors, lo bin Moko diasabra awor, 23 di april, pa 2'or di atardi pa busca nan revancha di e sota cu nan a haya aña pasa den nan ultimo encuentro.**



Ya di basta luna caba Jo ta buscando moda pa paga debe, pero mester a warda Roly "enamoration" bin bek di su "seminario" caminda a recap e "temblation".

Awor cu "the boss" ta bek ariba su "sit-on-this", tur cos ta cla pa enfrenta e militancia di Macuarima!

Cos ta bay ta hot hot diasabra awor! Roly a pasa varios dia ariba FB y wazzap ta tocando tambu di guerra pa yama su indjan brabonan, entre otro tin entendi cu Juni "hole-in-one" lo ta presente, mano a mano cu

Bibi "Houdini", The Rock, Maikel "opname", Marco "bobcat" Farro, Juni "Kilowatt", "Inspector" Muller, Nando "Robocop", y e prospecto di 2016, Dennis "the menace"!

Tambe nos tin entendi cu Roly tin como guest star exclusivo nada menos cu e legendario "Sjorry" di Snack Ranch, kende muy probabel lo "hook up" cu su compinchi di antes "Lucky Viviano"!

Campeon lo bira e team cu gana 6 wega prome, y cada wega ta consisti di best out of 3.

Tambe durante e torneo lo ta bay tin un wega caminda dos hungado di cada team lo enfrenta otro den e sistema di doubles.

E aña aki lo ta bay tin varios premio interesante. Como prome premio lo tin un weekend stay all inclusive na hoffi Prikichi cu'n cantante famoso Mexicano casualmente na Aruba den e dlanan aki.

Como di dos premio lo tin un "sesion" cu e famosísimo Dr. Phil, kende lo elabora ariba su tecnicanan di interoga via FBI, CIA, y añanan na Censo.

Como di tres premio lo tin un sesion cu Dr. Ruiz, kende lo duna "clinica" den "enamoration" y "basilation". Pues shonnan amante di biyar crioyo, diasabra awor cuminsando exactamente 2'or (no tin waiting time!) e gran "Clasico de Moko" entre Macuarima Warriors di Jo Geerman contra Roca Boys di Roly "enamoration" Ruiz!! Yegaaaa! □



## Misa Santa Teresita ta parti paña diasabra 23 di april 2016

**SAN NICOLAS - E Comision di Asistencia Social di San Nicolas di Parokia Santa Teresita, ta participa cu diasabra awor 23 di april 2016 tin partimento di paña.**

mainta.

Por yama Zr. Graciela na telefon: 564-4791 of na 584-3676 pa coordina cun'e, e dia y ora cu por habri Teresita Center pa entrega e saconan.

Esaki ta tuma luga na Teresita Center for di 9'or te 11'or di

Di antemano masha danki pa bo cooperacion. □



## InselAir Aruba ta cuminsa cu servicio non stop Aruba – Las Piedras

**ORANJESTAD – Cuminando dia 19 di mei 2016 InselAir Aruba lo inicia vuelonan non stop pa Las Piedras, Venezuela riba diahuebs y diadomingo.**

Esaki ta pa e motibo cu tin hopi demanda di ambos Aru-

ba y Las Piedras.

InselAir Aruba ta hiba bo Las Piedras, non-stop, den 35 minuut. Ticket por wordo compra na tur ticket na oficina di InselAir Aruba, na bo Travel Agent local of online via [www.fly-inselair.com](http://www.fly-inselair.com).

Schedule di vuelo y

prijs di introduccion. InselAir Aruba ta ofrece un prijs di introduccion di AWG 436 (round trip, excl. Departure tax di Venezuela) saliendo di Aruba pa Las Piedras. Vuelonan lo keda opera dor di Fokker 70 y segun e siguiente itinerario (oranan ta local).

Salida Aruba

15:30

Salida Las Piedras

16:45

Salida Aruba

15:30

Salida Las Piedras

16:45

Yegada Las Piedras

16:05

Yegada Aruba

17:20

Yegada Las Piedras

16:05

Yegada Aruba

17:20

Dia

Diahuebs

Dia

Diahuebs

Dia

Diadomingo

Dia

Diadomingo

## Colegio Laura Wernet-Paskel y St. Jan Kleuterschool: Ta participa den Weganan di Rey

**SANTA CRUZ - Colegio Laura Wernet-Paskel (CLWP) y St. Jan Kleuterschool ta desea di informa e publico cu diabierna, 22 di april 2016, nan lo ta all out, participando atrobe na e Weganan di Rey. Esaki lo ta un dia yen di diferente actividad deportivo y recreativo.**

Pa inicia e dia aki, tur dos scol lo start sali exactamente pa 8'or di mainta cu un Mini Fun Walk/Run, den vecindario. Nan ruta lo ta salida di e parkeerplaats di CLWP, subi riba caminda publico bay man

drechi, sigui riba e ruta Cadushi Largo patras te na unda e caminda ta topa cu e caminda di Angochi, di ey nan bira na man drechi y bin abao te na e crusada, pa bolbe bira na man drechi y termina na Colegio Laura Wernet-Paskel.

Pa siguridad di nan alumnonan lo tin polis pa guia e ruta aki. Ta p'esey polis lo desvia e trafico e mainta aki. Nos ta pidi tur automobilistanan tene bon cuenta cu e cambio y pa core cu cautela.

Alabes ta pidi tur mayornan di nan alumnonan pa trece e alumnonan no mas laat cu 7.30, ya cu esey lo evita cu

lo tin stagnacion di trafico dilanti scolnan y e parkeerplaats. E peticion aki ta pa tene e parkeerplaats liber y asina nan por sali na ora cu e Mini Fun Walk/Run, ya cu e programa pa e dia ta basta yen.

Pa e alumnonan di CLWP, mayornan tin e opcion pa laga nan yiu(nan), baha na e entrada patras di scol y asina sigui riba e caminda bay pariba y sali riba Angochi.

Y desde awor aki, Colegio Laura Wernet Paskel y Sint Jan Kleuterschool ta desea pueblo henter, principalmente nos muchanan un dushi Dia di Rey 2016. □

## “Operacion Cunucu”

### lo ofrece Sterilisacion gratis pa cacho di caya 26 pa 30 di april

**ORANJESTAD -- Animal Balance, un organisacion di boluntario di Merca, ta mandando un ekipo di 20 profesional pa Aruba pa haci sterilisacion riba cacho di caya, garando y sterilizando e cachonan cu ta biba na e dump di Parkietenbos. Tur cacho cu ta wordo gara lo wordo hiba bek pa e mesun luga unda nan a wordo haya, unabes cu nan wordo sterilisa.**

Mientras cu e enfoko principal di “Operacion Cunucu,” ta pa gara e cachonan na e dump di Parkietenbos na un manera humano, bo por yuda bo barrio tambe, door di trece algun di e cachonan cu ta biba riba bo caya, pa wordo opera.

Sitio di e Clinica: Centro Dakota

Bo por trece bo cachonan di caya: Entre 8am y 9am

Tempo di busca despues di

cirugia: 5pm

Fechanan: 26 di april, 27 di april, 28 di april, 29 di april y 30 di april.

Atencion Habitantenan di San Nicolas: Si bo ta desea di trece un cacho di caya, di bo caya, pa wordo opera y treci bek, e organisacion tin un punto di coleccion pafo di YMCA, pa esnan cu no tin transportacion. Boluntarionan lo busca e cacho di bon a e punto di coleccion aki y regresa e cacho pa bo, e mesun dia, entre 5pm y 6pm.

Atencion Habitantenan di Oranjestad: Si bo ta desea di trece un cacho di caya, di bo caya, pa wordo opera y treci bek, entrega nan na Centro Dakota; por favor segura cu e cacho ta riba un cabuya of den un kennel.

E Clinica di Sterilisacion Gratis pa cacho y puppy di caya lo trata un maximo di 500 cacho y puppy pa e campana di e anja aki. Tur cacho sterilisa lo ricibi Vacunan

Gratis contra Parvo y Distemper, y tratamiento di prevencion di purga y carpata. Tur cacho lo ricibi un tattoo chikito den nan oreja pa indica cu nan a wordo opera.

Plataforma Ley de Cacho ta den sosten completo di e campana aki, y nos ta pidi cu si bo ta un doño di cacho, por favor tene bo cacho riba bo propiedad, ya cu si nan gara bo cacho, e lo wordo sterilisa.

Adicionalmente, 40 boluntario local y internacional ta dunando di nan tempo pa sostene Operacion Cunucu,” den hopi otro manera pa asegura cu e campana ta exitoso, y nos ta gradici nan.

“Operacion Cunucu” tin e sosten completo y cooperacion di e Gobierno di Aruba y miembronan di Parlamento, especificamente e Minister di Husticia, e Minister di Infraestructura y e Minister di Salud. Un reconocimiento special mester bay na Miem-

bro di Parlamento Donny Rasmijn.

E proyecto ta den desaroyo ya pa dos aña, y a wordo haci posibel pa e donacionnan sumamente generoso, di cual mayoria a bin di turistanan Mericano.

E proyecto ta disfruta di e sosten di e NGO nan local, gruponan di Derecho di Bestia, e veterinarianan local y hopi negoshi local, cual a sponsor e acomodacion, lunchnan, cuminda di cacho y hopi mas.

Ta nos deseo sincero cu Aruba lo bini hunto y yuda nos yega nos meta di un suma di 500 cacho sterilisa, nos mester di mas tanto sosten cu ta posibel pa por haci esaki bira un realidad...asina ta, si bo sa di un cacho di caya, por favor trece pa e por wordo sterilisa. Sterilisacion ta beneficioso pa e bon salud di e cacho, y e ta e unico metodo humano di control di poblacion. Sea un doño di cacho responsable, no solamente un amante di cacho. □







Tel: 593-0857 / 588-6699 / 560-1403  
Fax: 588-6698

A FAYECE INESPERADAMENTE:



## Sra. Vda. Maria Luisa Geerman Koolman

Mihor conoci como "Ija" of "Maria di Teechi"  
Na edad di 88 anja

Na number di su :

Yiunan : Rudolf y Martha Geerman Cardona  
Franklin y Susan Geerman Maduro  
Ireen y Mariano (Shonme) Ras  
Geerman yiunan Alexandra y Janine  
Mirto y Angela y yiunan Juancho, Benjamin y Joel

Jenny yiunan Denzell y Quinten Geerman  
Mama di nietonan :

Pola Geerman  
Yolanda Hagelen

Mescos cu nietanan :

Sandra, Lina, Lay-Kung, Lay Hing, Janella  
Bisanieta(o) di curazon :

Jamiliandra, Jaymain

Rumannan :

Eva y Daniel Hernandez Koolman y famia  
Mathias y Monica Koolman y famia

Cuñanan :

Sra. Vda. Maria Geerman Britten y famia  
Sra. Vda. Ruby Solognier Geerman y famia  
Sra. Vda. Veronica Dijkhoff Geerman y famia  
Sra Vda. Petra Lampe Geerman y famia  
Sra. Vda. Agrepina Koolman Lopes y fami

Swa :

Sr. Vdo. Charles Croes y famia

Su ihanan :

Frenky Solognier

Verna Dijkhoff

Primo y primanan na Aruba y Hulanda, sobrino  
y sobrinanan, sobre sobrino y sobrinanan, amis-  
tadnan.

Su bon bisñanan

Su amiga Olga van der Ruit

Su comer y compernan

Demas famia : Koolman, Geerman, Croes,  
Boekhoudt, Ras, Maduro, Cardona, Bardoza,  
Hagelen, Alberts, Lacle, Wouters, Lin, Her-  
nandes, Zaraga, Alders, Dijkhoff, Haakmeester,  
De Cuba, Lopes, Arends, Lampe, Burleson,  
Hessing, Dirks, Solognier, Fowler, Franken y  
Ravine

Anochi di condolencia lo tuma lugar na Sero  
Pita 1 diaranson 20 di april 2016 di 7'or pa 9'or  
di anochi.

Acto di entierro lo tuma lugar na Royal Funeral  
Home diahuebs 21 di april 2016 di 2'or pa 4'or  
di atardi y despues lo sali pa Santana Sta Maria  
na Sta Cruz.

Nos disculpa pero despues di entierro nos no ta  
ricibi bishita di condolencia na cas.



Tel: 593-0857 / 588-6699 / 560-1403  
Fax: 588-6698

Serca Dios so mi alma ta na paz, ta di dje mi Sal-  
bashon ta bini, E so ta mi baranca y salbashon, mi  
forti, nunca lo mi tambalea!

Salmo 62

Cu inmenso dolor na nos curazon, nos ta anuncia  
fayecimento cristianamente di:



## Rufo Quandt

Mihor conoci como "Djente"  
\*11-08-1950 - †18-04-2016

Na number di su Esposa :

Mary Joan Quandt-Cannegieter

Yiunan :

Rufo Quandt y Tricia Werleman  
Sulaika Quandt  
Joselito Quandt

Nietonan :

Marshall Quandt  
Ruvieila Quandt  
Ashanti Ridderstaat  
Jeyonsley Quandt  
Jeaqionne Quandt  
Jeyrick Quandt  
Sharicia Hasham

Swa y Cunanan : Edwin y Michele Cannegieter

Sarah y Lando Celestijn y juinan na Corsow

Buchi Cannegieter y juinan

Judith Cannegieter y juinan

Annie Cannegieter

Mildred Cannegieter y juinan

Erika y Luis Werleman y juinan

Locadio (Bori) Tromp y famia

Seferino Willems y famia

Sra vda Paulina Quandt-Almazo y famia

Ihanan:

Gizzy Quandt, Miyenou Antonia, Chantal  
Cannegieter

Prima y primonan, subrino y subrinanan, comer  
y compernan.

Tur bisinja y conocirnan, ex companjeronan di  
U.P.A y Astec

Demas Famia; Quandt, Cannegieter, Werleman,  
Croes, Copra, Tromp, Reynoso, Antonia, Wil-  
lems, Dania, Riddstap, Dirks, Hoek, Helder,  
Reyes, Zievinger, Thomas, Zijlstra, Maduro,  
Kemp, Steenen, Mateo, Carti, Wever, Odor, Palm,  
Royer, Smolders, Holsman, Plaza, de Lange,  
Wolter, Orman, Arends, Chirino, Kock, Aparicio,  
Schoop, Fornerino, Wiersma, Evertsz Lesandrina  
Celestijn, Westerhoff, Arnold Malmberg y famia.  
Condolencia lo tuma lugar na Royal Funeral  
Home diahuebs 21 di april 2016 di 7'or pa 9'or di  
anochi.

Acto di entierro lo tuma lugar na Royal Funeral  
Home diabierna 22 di april 2016 di 2'or pa 4'or di  
atradi y despues lo sali pa Santana catolico na Playa  
Nos disculpa si den nos tristesa nos por a lubida  
un of otro famia y conocirnan  
Despues di entierro nos no ta ricibi bishita di con-  
dolence na cas



Tel: 593-0857 / 588-6699 / 560-1403  
Fax: 588-6698

Dios ta amor... y amor ta Dios.

"Maske mi no ta na e mundo aki, tur dia lo mi  
ta banda di boso curason, mi por stens di loke  
Señor ta hasi"

Salmo 33

Cu inmenso tristeza den nos curason nos ta  
participa fayecimento di:



## Sr. Cornelis G. de Plaa

Mihor conoci como "Kees"  
\*12-11-1937 - †20-04-2016

Ta invita pa asisti na acto di cremacion cu lo  
tuma lugar diamars 26 di april 2016 for di 9'or  
pa 11'or di mainta na Aurora Funeral Home.

Adres pa condolencia: Aurora Funeral Home,  
dialuna 25 di april 2016 di 7'or pa 9'or di anochi.



Tel: 593-0857 / 588-6699 / 560-1403  
Fax: 588-6698

Porque yo, Jehová tu Dios, tengo agarrada tu  
diestra, Aquel que te dice: ' No tengas mie-  
do. Yo mismo ciertamente te ayudare'  
Isaias 41 : 10 -13



## Josefina Estela Krozendijk - Chaljub

Vda. di Tony Krozendijk  
Mihor conoci como "Welita"  
\*14-02-1934 - †18-04-2016

Acto di condolencia y entierro lo wordo  
anuncia despues





Tel: 593-0857 / 588-6699 / 560-1403  
Fax: 588-6698

“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Cu hopi tristesa nos ta anuncia fayecimento  
cristianamente di :



## Marcia Patricia Maria van den Berg

Na number di su  
mayornan : Angela Croes y Florencio (Jen)  
van den Berg.

Rumanan: Enrique (Eric) van den Berg.  
Reynalo R van den Berg na Hulanda.  
Ischellin y Glenn Dewindt y Jiunan.  
Sharlyn y Johnny Werleman y Jiunan .  
Melvin y Uka Vrolijk y Jiunan .

Manera ruman :  
Ivia .Nector y famia Angela  
Carolina ,Ricky y Famia

Amiga di cas ; Dokter Andreina  
Contreras.  
Padrino Bibiano Croes.  
Madrina : Jeanette Kelly.

Bon Amiga y verzorgster personal:  
Chia Rasmijn.  
Tantanen ,Omonan,Sobrino y Sobri-  
nan ,primo y primanan ,Alexander Dube-  
ro ,na tur su bon cliente Nan di servicio di  
mascotanan,Grateful&happy club,Mary Joan  
foundation, tur staf di Edmund Heart Founda-  
tion ,ex coleganan di Contreras Veterinary Ser-  
vices y henterstaf y personal di D.L.V.V(San ta  
Rosa).

Demas famia :  
VandenBerg,Croes,Maduro,Koolman,Werlem-  
an,Dewindt ,Vrolijk,Noguera,Brito,Geerman  
Angela,Dubero,Camacho,Ponson,Contreras,  
Rasmijn.

Ta invita pa asistinaacto di cremaciondiabierna  
22 di april 2016 for di 9’or pa 11’or di maintana  
Aurora Funeral Home.  
Adres pa condolencia :diahuebs 21 april 2016  
for di 7’or pa 9’or di anochina Aurora Funeral  
Home.  
Nos ta pidinosdisculpa cu nos no ta risibibishita  
di condolencianacas.Lo tin un box disponibel  
pa Donacionna Edmund Heart Foundation.



Tel: 593-0857 / 588-6699 / 560-1403  
Fax: 588-6698

“Den inquietud y confianza mi ta bosoFortalesa”  
Isaias 30:15C

Cu hondapenaperoconforme cu boluntad di Dios  
nos ta anunciafayecimentoinesperadamente di:



## Sra Rosaria Geerman - de Cuba

Vda di srDominico" Domi" Geerman di Tienda-  
Geerman  
cariñosamentejama Chaya, Dudu of Oma  
2 oktober 1932 - 17 april 2016

YuinanDelphinoGeerman  
Rebeca CiçoneGeerman

Nieto/ Nietanan: Ashley Geerman yInocencio  
Matos  
Brian Geerman y Micheline Deluvia.  
Rycond Santos do Nascimento - Viola van Bogaert  
Rebeca Santos do Nascimento  
Ester Santos do Nascimento y JayburttDijkhoff  
Debora Santos do Nascimento

Bisanieto/a nan: Alexander , Bryley ,Clyde, Crys-  
tal, April, Laila

Ruman :  
SraVda. Maria Magdalena de Kort - de Cuba

Swa/ cunan :  
SraVda. Camimi Franken - Geerman  
Elsa Angela Geerman y Cobito Angela  
SraVda. RosaCroes -Geerman

Mama di su Nieto/a nan: Margiet Fingal  
Tata di su Nieto/a nan: Jefferson Santos Do Nas-  
cimento  
Roland Dijkhoff

Sobrino sobrinanan, primo y primanan, ihacom-  
per y compernan  
Amigo y amiganan di Tienda Geerman

Amigo nan di cas: Mario y Aurora Oduber

Compañero(a)nan di Thuiszorg Cristal

Y demas famia: Geerman, de Cuba,Thijzen, San-  
tos do Nascimento, de Kort, Ellis, Booi, Barnes,  
Dijkhoff, Franken, Angela, Luidens, Coutihno,  
Kelly, Schwengle, van der Linden,Croes, Jeanette  
Arends, MencayoDedoia, Lopes y demasconocir-  
nan

Condolencia lo tuma lugar na Aurora Funeral  
Home, Diaranson 20 di April 2016 di 7or pa 9or.

Ta invita pa asistina e acto di entierro cu lo tum-  
alugar diahuebs 21 di April 2016 for di 2or pa 4or  
di atardina Aurora Funeral Home. Despues lo sali  
pa Santana Catholicon a Noord.

Nos ta pididisculpa di den nos tristesa nos por a  
lubida un of mas miembro di famia.



Tel: 593-0857 / 588-6699 / 560-1403  
Fax: 588-6698

Dios ta amor... y amor ta Dios.  
“Maske mi no ta na e mundo aki, tur dia lo mi ta  
banda di boso curason, mi por stens di loke Señor  
ta hasi”  
Salmo 33

Cu inmenso tristeza den nos curason nos ta participa  
fayecimento di:



## Miguel Jansen

Miñor conoci como “ Billy”  
Ex trahador di Haven-en Loodsdienst y Costal  
\*29-09-1922 - †17-04-2016

Na number di su :

Señora : Estella Marina Jansen Tromp  
Yiu : Giovanni y Ludwina Gonzalez Boekhoudt  
Yiunan di criansa : †Juan Gonzalez y yiunan  
Wilson Gonzalez y yiunan  
Carmen y Michael Donata Gonzalez y famia  
Stella Gonzalez y yiunan  
Rumannan : † Sra. Lodewica Jansen  
†Sr. Juan (Cjio) Jansen  
†Sr. Nicolaas (Duchi) Jansen y esposa Nepa  
Sra Rosa (Osa) jansen  
Sra. Lilian (Leka) Jansen

Sobrino(a)nan :  
Sra Magaly y Robert Ammerlaany famia  
Deta y Ronny Nicolaas y famia  
Petra Jansen y Rudolf Hengeveld y famia  
Roland Jansen  
†Pedro y Chika Jansen y famia  
Alfredo y Sandra Tromp y fam  
Gina y Wilson Villalobos Tromp  
Fidel Tromp y famia  
Maria Tromp y famia  
Robert Tromp  
Beatrix Tromp  
Raymond Tromp  
Nieto(a)nan :  
Giantelle, Gian-Marie, Giovanni Jr, Elaine, Ed-  
gar, Edson,  
Rachelle, Jennifer,David, Christoffer, Anna, Akiem,  
Milena, Juan-  
mar, Juan Jose, Juan David, Ronwayne y Cristella  
Bisanieto(a)nan  
Tur bisñanan, conocirnan , amigonan y tur esnan  
di S.A.B.A.

Demas famia : Jansen, Tromp, Gonzalez, Bock-  
houdt, Donata, Ammerlaan, Beselink, Maduro,  
Nicolaas, Leest, v/d Biezen, Wouter, Hengeveld,  
Kock, Bito, Rasmijn, Conradus, Ras, Bally, Chris-  
tine

Condolencia lo tuma lugar na Weg Rooi Hundo 1,  
San Nicolaas diaranson 20 di april 2016 di 7’or pa  
9’or di anochi.

Despedida lo tuma lugar na Aurora Funeral Home  
diahuebs 21 di april 2016 di 9’or pa 11’or di mainta.  
Cremacion lo ta den seno familiar.

Nos disculpa si den nos tristesa nos por a lubida cu-  
alkier persona.



## Jökulsárlón e riu di ijs



**ISLAND – Jökulsárlón ta e riu di mas grandi di ijs na Island.**

Esaki a bira un riu ora cu e ijs cu ta situa na punta di e ocean Atlantico a cuminsa smelt. E riu aki a crece desde e tempo ey pa motibo cu e ta keda smelt y a haci esaki e riu di mas hundo na Island cu ta cubri un total di 18 kilometer cuadra cu un profundidat di 814 pia.

E riu aki a crece desde año 1970 y a wordo considera un fenomeno di naturalesa.

Na año 1991 Island a traha un stampia di e fenomeno aki y el a wordo filma den cuater diferente pelicula di Hollywood.

E riu di Jökulsárlón ta duna bo un bista di e ijs cu ta tres mil meter di haltu. E riu aki a wordo forma 60 año pasa e tempo ey unda e riu ta situa tabata menos cu 100 pia di e glacial di ijs y tabata 230 meter so di e ocean Atlantico y awo ta 1.5 kilometer leu di e ocean Atlantico.

E riu aki ta contene diferente sorto di pisca cu a landa di

lama y drenta e riu.

Durante e temporada di winter e cachonan di lama ta yena e boca di e riu aki pa asina nan por gara pisca.

Na año 1985 e pelicula di James Bond a haci cu esaki a bira a luga turistico y cu bo por haya un tour di e riu via boto. Na año 1987 cinco mil turista a haya tour den e riu aki. E riu aki ta un fenomeno di naturalesa y ta keda como un di e riunan di mas bishita pa turista na Island.

